

WANTOK

Niuspepa bilong Papua Niugini stret

25 yia nau

32 pes

Namba 1,123

Wik i stat long Fonde, Janueri 4, 1996

50 toea

Nesenel Kot makim Sengero olsem ekting edministreta bilong Morobe

Sengero bai holim opis inap Palamen makim nupela edministreta

YAKAM KELO i raitim

NESENEL Kot long Lae i tokaut long Trinde asde olsem Aine Sengero bai i stap yet olsem Ekting Edministreta bilong Morobe provins inap palamen i makim wanpela edministreta bihain.

Nesenel Kot Jas, Jastis Timothy Hinchliffe i tokaut olsem man NEC i makim, Galun Kassas bai i no inap stap olsem edministreta.


Jastis Hinchliffe i tok insait long dispela rot NEC na Morobe Gavman i bin mekim long makim edministreta i no bin stret tumas. Bikos Morobe Gavana, Jerry Nalau na gavman bilong em long provins i bin makim Aine Sengero na Henry Veratau long NEC i ken skelim tupela long husat inap kamap edministreta.

Tasol PEC i makim tu Galun Kassas olsem Deputi Edministreta we nupela lo i no tokaut long dispela posisen bai NEC i makim. Long dispela as, NEC i putim nem bilong Galun Kassas i go wantaim tupela nem ya long mekim kamap tripela nem we NEC bai glasim long husat i ken kamap edministreta.

Long 18 Ogas, 1995, Minista bilong Provinsal na Lokel Level Gavman i salim pas long PEC i salim tripela nem bilong kabinet i ken makim olsem edministreta. Long 6 Septemba, David Unagi i kisim ol dispela nem; Edministreta Aine Sengero na Henry Veratau na Deputi Edministreta em Galun Kassas.

Long 26 Semptemba, seketeri bilong Dipatmen bilong Pesenel Menesmen, Tau Peruka i rait i go long Mista Nalau na soim em foapela nem.

Ol nem ya em Aine Sengero, Galun Kassas, Murewe Zurenuoc na Henry Veratau. Mista Peruka i askim long em i mas kisim tripela nem tasol. Ol nem i mas stap long namba wan i go daun long tri bihainim laik ol i laikim.



□ Andrew Baing go pas makim kendidet Galun Kassas olsem edministreta we i no bihainim lo.

Mista Nalau i salim pas i go long Pablik Sevis Komisn na soim tupela nem tasol. Aine Sengero edministreta na Galun Kassas namba tu bilong em.

Jastis Hinchliffe i tok Seksen 73 i soim olsem,

- bihain long palamen (NEC) i skelim tripela nem i kam long Provinsal Gavman (PEC)

- em i mas toktok wantaim Pablik Sevis Komisn na givim ripot long palamen we ol i ken makim Provinsal Edministreta.

Jastis Hinchliffe i tok lo bilong palamen i mas soim rot gen long wei bilong makim edministreta, rot bilong skelim man na makim na ol tems na kondisen bilong wokman ya.

Nesenel Kot jas i tok long Seksen 60 bilong Pablik Sevis Menesmen Act 1995 i soim olsem, taim i gat spes long opis bilong edministreta, em bai salim tok-save i go long PEC long makim


nem bilong ol man em i ting i inap long kamap nupela edministreta.

Jastis Hinchliffe i skelim olsem ol toktok ya i no bin klia. Bikos pas bilong David Unagi i askim long nem bilong man. Tasol em i no tokaut long nem bilong tripela man bilong senisim Ekting Edministreta. Bikos Aine Sengero, i ekting yet.

Tasol Mista Nalau tu i no klia na em salim tripela nem we tupela i bilong edministreta na wanpela i bilong deputi edministreta. Jas i tok deputi edministreta i no stap klia long lo na Mista Unagi i no bin askim long nem bilong deputi edministreta.

Long dispela as, Mista Nalau i go het na makim tupela nem long opis bilong Provinsal Edministreta na i no tripela nem.

Kot i tok sapos Mista Nalau i bin hariap long salim tripela nem long husat em namba 1, namba 2 na namba 3 i go long Pablik Sevis



□ Gavana Jerry Nalau ... Andrew Baing na lain bilong em i rong.

Komisn, bai palamen inap long makim edministreta hariap.

Jas i tok em i ken luksave olsem palamen (NEC) i no bihainim stret lo long makim Galun Kassas long 25 Oktoba, 1995.

Bikos NEC i mas skelim tripela nem i kam long Provinsal Gavman (PEC) bihain long em i toktok wantaim Pablik Sevis Komisn long makim Provinsal Edministreta.

Jas i tok tu olsem seketeri bilong Dipatmen ov Pesenel Menesmen tu i abrus long tok klia long Mista Nalau long asua bilong em olsem em i mas salim tripela nem stret long posisen bilong edministreta na i no wanpela nem.

Na tu em i no laik tok klia tu long Mista Nalau long we em abrus olsem i nogat kain posisen bilong Deputi Edministreta olsem na Mista Nalau i no ken makim man long dispela posisen.

LUKIM INSAIT


■ Meri Sepik tok nogut na kisim probesen - pes 3.

■ Sir Julius yesa long K200,000 bilong Madang Taun Interim Komisen - pes 5.

■ Ol tok pilai wantaim Kanage.



- pes 15 na 19.



Ela Motors ilak tok Hepi Niu Iya long olgeta Katoma bilong em long Papua New Guinea

Kamamas gut na Draiv isi long Rot.

TOYOTA

Ela Motors

OLGETA HAP LONG PAPUA NIUGINI

Plis RIPOOT



Nu Yia wiken long olgeta hap bilong kantri i bin go gut tasol wantaim nogat ol bikpela trabel i kamap. Ol pipel i bin amamasim Nu Yia jsi long haus wantaim ol famili bilong ol.

Ol plis long olgeta hap bilong kantri i bin wok gut long mekim dispela Nu Yia i kamap olsem wanpela gutpela na kwait wiken.

NESENEL KAPITEL:

Long Nu Yia wiken, ol plis long NCD i bin holim pasim moa long 30 pipel long ol liklik asua bilong spit draiv bihain long spak krangi na ol arapela liklik biruwa moa.

Long dispela namba, 23 pipel ibin stap long sel inap long wanpela de. Ol arapela i bin peim bell mani bipo long ol plis i larim ol i go bek long haus.

Plis i ripotim olsem dispela ol sas i no bikpela tumas na ol i bilong ol rong olsem dring spak na draiv spit na abrusim ret lait na draiv i go tasol long abrusim trafik lait.

Planti long ol dispela pipel we plis i bin holim pasim na sasim ol i kot na go aut pinis. Sampela i wetim taim bikos ol i surukim taim long kot bilong ol. NCD plis long dispela wik i bin kisim wanpela M16 rafel wantaim 20 raun katres long em.

Ol bin kisim dispela long wanpela saspek ka we ol plis yet i wok long moniterim wokabout bilong em insait long siti. Na ol sampela trabel manki i bin wok long yusim.

Ol i holim tupela manki Kerema na sasim wanpela long gat wantaim em gan i noigat laisens long em. Ol bin sasim George Ivaroa Toto bilong ples lokea long galp provins long en.

Plis komanda long NCD, Philip Taku i tok tupela man i stap nau long han bilong plis na ol i kwestenim ol tu long dispela hol ap na stil pasin we i bin kamap long Gerehu-Renbo Mobil sevis stesen long las wik.

WESTEN HAILANS:

Long las wiken Fraide nait, sikipela kalabus lain i bin ranawe long Baisu haus kalabus insait long Westen Hailans.

Provinsal plis komanda John Wakon i tok ol dispela sikipela man i bin katim lok bilong dua long sel na ranawe kalapim banis waia long samting olsem 10.30 long nait. I kam inap nau, ol plis i no holim yet wanpela long ol ranawe kalabus lain yet

ISTEN HAILANS:

Sikspela pipel i bin dai na faivpela moa i kisim bikpela bagarap long Nu Yia Mande bihain long ol trabel man i sut i go long tupela ples insait long apa Asaro eria, Isten Hailans provins.

Ol pipel bilong ples Kanose na Rindima i bin kirap nogut taim ol man i sut i go klostu stret wantaim gan long ol lapun, ol mama na pikinini na kilim dai sampela bilong ol.

Plis ripot i tok dispela biruwa i kamap bihainim pait na belkros namel long Kofena na Kanose/Rindima wan pisin.

Provinsal plis komanda sief inspekta Titus Pamben i tok tripela paitman bilong Kofena i bin kirap nogutim ol meri, pikinini na lapun bilong Kanosa na Rindima taim ol i sutim dai sikipela bilong ol.

Wanpela bilong ol dispela ol i sutim em i liklik manki wantaim eitpela krismas. Tripela em ol meri na tupela em ol man. Narapela tupela meri na tripela man i bin kisim bikpela bagarap long bodi bilong ol.

Mista Pamben i tok strong olsem dispela ol lain husat i wokim kain pasin em ol i gat tingting na pasin bilong ol animel. Na plis bai ino malolo inap long ol i painim na kalabusim ol dispela lain husat i kilim dai ol manmeri na pikinini.

Nalau askim Morobe lida long wok bung wantaim

GAVANA bilong Morobe provins, Jerry Nalau i askim ol 7-pela nesanel memba bilong Morobe long lusim pasin kros na wok bung wantaim long sevim ol pipel bilong Morobe aninit long nupela rifom sistem.

Mista Nalau i mekim dispela tok long wanpela ripot pepa bilong em asde bihain long nesanel kot long Lae i tokaut long Aine Sengero bai i stap yet olsem edministreta inap palamen i makim nupela man.

Mista Nalau i tokaut olsem olgeta tok pait na kros bilong makim nupela edministreta i pinis bikos kot i mekim disisen bilong em pinis. Olsem na olgeta memba bilong Morobe i mas lusim olgeta samting olsem na wok gen long bringim sevis na helpim i go

YAKAM KELO i raitim

long ol pipel bilong Morobe provins.

Insait long dispela ripot, Mista Nalau i tok em i save olsem sampela hap bilong lo i abrus long rot bilong makim edministreta bilong provins. Olsem na em i wok long toktok strong yet na kamapim dispela kot.

Em i tok em i bin traim long toktok wantaim nesanel gavman (NEC) long stretim dispela hevi long ausait.

Tasol no gat bekim i kam bek long askim bilong em. Olsem na em pusim hevi i ya i go long kot.

Nau kot i soim olsem sampela samting i rong long pasin

na rot bilong makim nupela edministreta bilong provins, em i tok.

Em i sutim tok long ol arapela Morobe lida long go moa insait long dispela samting we em i ting samting bilong Morobe edministresen. Na dispela i go moa na soim olsem politiks i go moa long dispela senis.


Mista Nalau i tok dispela pait namel long pasin politiks i mas pinis na ol i mas wok bung wantaim nau bikos olgeta samting em lo yet i stretim na soim olgeta lain olsem husat i go moa na abrusim lo bilong kantri.

Wantok i traim long kisim tingting bilong Andrew Baing, memba bilong Makam na minista bilong Fores tasol em i no

stap redi long toktok long dispela.

Tasol i gat bikpela luksave olsem wok bung bai i no inap go gut yet wantaim olgeta 10-pela nesanel memba bilong Morobe provins. Bikos long dispela wik yet, Gavana Nalau i bin rausim pinis 5-pela nesanel lida bilong provins olsem siaman bilong wok insait long provins. Em i makim narapela 7-pela man long kisim ol wok siaman na ol nesanel memba ya bai i stap tasol olsem komiti memba long ol eria o wok ol i stap long en.

Wantok i traim tu long toktok wantaim memba bilong Huon Galp, Tukape Masani long kisim tingting bilong em long dispela. Tasol em i no stap long bekim ol toktok ya.



□ Laip bilong ol manki long ples ... Ol i save raun long waswas na angre i kamap, bai olgeta kaikai long gaden i kam daun long paia. Em ol manki Parakris long bus bilong Morobe provins.

Plisman wetim yet ripot long Kreer Maket pait

OL plisman long Wewak i wok long painim sampela man husat i bin kamapim hevi long Kreer Maket long Sarere 10 Disemba, 1995.

Dispela hevi i bin kamap taim sampela yangpela man husat i bin dring bia pinis long Bis Klap long Kreer Nambis na i bin stap insait long wanpela pait namel long ol manki Kreer Maket. Ol i lain bilong klap we i bilip ol i bilong Wasera.

Tasol dispela hevi i no bin pinis long klap. Ol dispela lain manki long Kreer maket i kam antap long Kreer maket na wet i stap taim wanpela ka bilong Kaprai Klap husat i ronim Bis Klap i lusim Bis Klap na i laik go aut na 5-pela yangela manki ya i stapim ol na tromoi ston long ol.

Draiva bilong ka i stapim ka na sampela man i kam

aut na pait wantaim ol manki ya we ol i sutim wanpela manki long naip na em i kisim bikpela bagarap na i stap long haus sik long Boram. Ol arapela manki tu i kisim bikpela bagarap tasol olgeta i bin orait. Dispela boi tasol i stap long bkpela hevi yet.

Plisman i save long ol dispela lain Wasera husat i kamapim dispela biruwa.

Tasol ol i no holim wanpela man yet.

Provinsal Plis Komanda bilong Wewak Mista Labi i wetim yet long menesa bilong Kaprai Klap na draiva bilong dispela ka husat i bin karim ol man ya long kamapim nem bilong ol dispela man i stap long dispela biruwa.

Ol plisman i wok yet long painimaut long dispela hevi long kisim moa ripot.

Plis sasim man Sepik long kilim meri

PLISMAN long Wewak, Is Sepik provins i holim na sasim pinis wanpela man Sepik long kilim indai meri bilong em long 12 Disemba las ya. Dispela biruwa i kamap long liklik ples Wamaiau long Kubalia eria.

Plis ripot i tok dispela biruwa i bin kamap long Tunde apinun. Ol plisman i no save yet long wanem as bilong dispela biruwa tasol ol i wok long mekim moa painimaut yet long dispela samting.

Plis i tokaut long nem bilong dispela indai meri olsem Cathy Morikawa na em i bilong liklik ples Wamaiau insait yet long Kubalia, Is Sepik provins.

Ripot i tok long Tunde apinun, Cathy na man bilong em Tommy Morikawa i bin gat liklik kros.

Bihain long dispela, Tommy i kilim indai meri bilong em insait long haus kuk long haus bilong tupela yet.

Bihain long Tommy i kilim meri bilong em pinis, em i go

FUZU PAUL i raitim

long Tangori Rurel Plis Stesin na givim em yet long han bilong ol plisman. Long dispela taim yet, ol plisman i go lukim bodi bilong meri ya na painimaut olsem meri ya i dai pinis na i gat tupela bikpela mak long nek bilong em.

Arere long bodi bilong meri ya, i gat wanpela bikpela tamiok na sarep i stap. Ol i kisim tupela samting ya na putim long Wewak plis stesin i stap.

Bos bilong ol plisman long Wewak i askim ol lain bilong Cathy long i no ken bekim o kisim lo i go long han bilong ol yet. Ol i mas larim dispela hevi long han bilong lo yet long stretim.

Ol i mas larim ol plisman yet i lukluk long dispela, em i tok.

Tommy i stap nau long han bilong ol plisman nau long wetim kot.

WANTOK

All departments, Phone: 325 2500 - Fax: 325 2579
P.O. Box 1982, Boroko, NCD, Papua New Guinea

Published Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Company Secretary: Ian Fry.
Group Editor in Chief: Anna Solomon.
Editor of Wantok: Leo Waliwa
Advertising Manager: James DeLisle

Advertising Deadlines
Display bookings and
Camera ready copy: Tuesday mid-day
Classified advertising: Wednesday 2pm.

Regional Office:
Suite Haus Tisa, Second Street Lae, P.O. Box 1726, Lae, Morobe Province, Phone/Fax 42 0618, Phone: 42 1562
Regional Manager: Alphonse Pu.

Papers distributed by air throughout PNG.
Available by airmail subscription within Papua New Guinea and overseas.

Australia & New Zealand Representatives:
Tonkin Media Pty Ltd, P.O. Box 101, Avoca Beach NSW, 2251 Australia.
Sydney, James Tokin, (043) 851746, Melbourne, Glen Smith, (03) 8072311.

Word Publishing Co. Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of Word Publishing Company Pty. Ltd. and are set out in full on the reverse side of its official Display Advertising Booking Form.

Nalau senisim ol PEC memba

GAVANA bilong Morobe, Jerry Nalau i makim 7-pela nupela memba long go pas long Provinsal Eksekutiv Kaunsil (PEC) long dispela wik.

Ol nupela memba em David Kau (Siassi) Masawa Mangapu (Bukawa), Peter Atu (Timbe) Yakwa Tabo (Salamaua), Timothy Bonga (Lae Siti Atoriti), Mathew Bubap (Wantoot) na Guo Anie (Burusu Kuat).

Ol 7-pela lain ya i kisim ples bilong 5-pela memba we Jerry Nalau i rausim ol long PEC bikos ol i bin traim long kamapim vot i nogat

bilip long em long mun Disemba, 1995.

Planti bilong ol dispela memba we Mista Nalau i rausim ol i memba bilong nesanel palamen. Ol dispela memba em Tukape Masani (Huon Galp), Mao Zeming (Tewai Siassi), Yaip Awini (Finsafen), Ginson Saonu (Kabwum) na Amos Yamandi (Nawae).

"Ol dispela memba i no bin stap gut wantaim mi na gavman na i laik bagarapim gutpela nem bilong Tutumang, olsem na ol i mas go". Mista Nalau i tok.

ALPHONSE PU i raitim

Long mekim strong dispela tok-tok, Gavana Nalau i raitim pas long wanwan memba ya we ol i kisim long han bilong ol yet.

Ol dispela 5-pela em i no bin wanbel na ol i bung wantaim ol narapela 8-pela husat i laik rausim mi olsem na ol i mas i go, Nalau i tok. Long kisim ples bilong ol long PEC olsem ol siman bilong ol divisen (ol olpela memba), Mista Nalau i makim ol nupela memba ya.

David Kau long Edukesen, Masawa mangapu long Komyuniti Dvelopmen, Peter Atu long Spot, Kalsa na Lika Laisensing, Yakwa Taho long Fiseris, Guo Arie long Komes na Indastri, Timothy Bonga long Lokel Level Gavman na Mathew Bubap long Staf Dvelopmen, Trening na Len Trensport Bod.

"Ol dispela nupela memba bai kamap siaman bilong ol dispela komiti aninit long dispela rifom sistem. Na ol dispela lain mi rausim bai kamap olsem memba nating insait long ol dispela komiti". Mista Nalau i tok.

Long mekim ol memba i amamas, Mista Nalau i makim ol long stap olsem memba bilong ol komiti. Bihainim ol nupela apoinmen em i makim; Mista Masani komiti memba long Lokel Level Gavman, Mista Zeming long Spot, Kalsa na lika, Mista Avini long Fiseris, Mista Saonu long Komes na Indastri na Mista Yamandi long Staf Dvelopmen. Dispela i min olsem ol bai nau i ken toktok tasol long wok bilong ol dispela komiti. Tasol ol i no inap long mekim ol fainal disisen. Na tu ol bai i no gat maus insait long Provinsal Eksekutiv Kaunsil (PEC).

Madang kot sasim meri long tok nogut

MADANG Distrik Kot i putim wanpela wok-meri bilong James Barnes Mit kampani long 6-pela mun probesen long bagarapim narapela meri long tok nogut long Fraide 29 Disemba, 1995.

Meri ya em Mairlyn Gap husat i gat 26 kris-mas na em bilong ples Dumbi long Maprik, Is Sepik provins.

Kot i bin harim olsem Gap i bin tok nogutim Bernadeth Taura long 25 Novemba long Kina Bis (nambis).

Gap i bin tokim kot olsem i tru olsem em i bin mekim dispela tok nogut, tasol dispela i kamap bikos tupela i bin kros long dispela taim.

Kot i bin harim olsem Taura i bin go kros long Gap long haus we Gap i save stap long en long Kina Bis. Taura i go kros bikos em i harim olsem Gap i save raun wantaim man bilong em.

Long taim Taura i go askim Gap long

BEN TAUMAI i raitim

wanem as na em save raun wantaim man bilong em, Gap i askim long wanem kain tok-tok tru em Taura i kros long en. Dispela i mekim Gap i kros na tupela tromoi ol hat-pela toktok i go i kam we Gap i tromoi dispela tok nogut i go long Taura.

Taura i bin laik painimaut wanem as tru na Gap i paulim man bilong em i go long Kranget ailan, kot i harim olsem.

Bihain long dispela, ol i bin kisim plis na sasim Gap long tok nogut long Taura aninit long seksen 7 (b) bilong Samari Ofens lo.

Long taim bilong kot plis prosekyuta, Sinia Konstabel Patrick Nonao i skim Gap sapos i tru olsem em mekim dispela tok nogut. Gap i bekim yes, we i no stret long

Taura. Em sampela taim bihain long tupela i kros.

Mejisret Japeth Magalik i tok olsem kot i painim olsem Gap i asua long mekim dispela toktok nogut.

Maski planti man-meri i save mekim dispela tok nogut olgeta de, tasol em i no gutpela toktok, kot i tok.

"Olsem na kot i painim ya i asua olsem na kot i putim ya long 6-pela mun probesen. Dispela i min ya mas lukautim gut wokabaut bilong ya we ya slip, wanem hap ya go raun.

Na sapos ya mekim wanpela rong namel long dispela taim na kamap long kot, kot bai salim ya go long haus kalabus". Kot i tokim Gap.

Kot i givim oda long Gap i ken kisim bek K50 beil mani bilong em.



Gerehu Hausik i bin pulap tru long Krismas wiken. Bikos em i bikpela holide na planti wokman i gat plen long amamas pati na arapela moa. Tasol hausiki pulap yet.

Painapol bia kukim tripela man Banz

TRIPLEA man long Banz eria insait long Westen Hailans provins i kisim bagarap long dringim bia ol i bin wokim long wara bilong painapol long Nu Yia wiken. Ol i bin wokim dispela hombru bia (JJ) long wara bilong painapol, yis bilong stua na suga.

Ol tripela wantaim i kisim bagarap long bodi na i go long Hagen haus sik. Tasol tupela i orait na i kam bek na wanpela i stap yet long haus sik.

Ripot i tok, bagarap i kamap taim ol tripela ya i dringim dis-

pela hombru bia na bikos ol i dringim planti tumas, het bilong ol i go paul olgeta. Ol tripela i pait wantaim poket naip na dispela hevi i kamapim bikpela moa.

Ripot long Banz eria i tok olsem bikos gavman i stapim bia long hap bilong hailans provins, ol man i stat long wokim ol kain hombru bia olsem long dringim long ol bikpela de na wiken nabaut.

Dispela pasin bilong wokim bia ya long ples i kamap bikpela

tru long Not Wagi eria. Ol yangpela i painim hat long dringim bia na ol i stat long wokim hombru bia long dringim.

Ripot i tok dispela pasin i go bikpela na i luk olsem bai ples i bagarap.

plisman i save mekim wok bilong ol long stapim dispela kain pasin tasol ol man i save hait tru na wokim na dringim yet.

Ol tripela man ya i bin wokim dispela hombru bia long dringim na amamasim Nu Yia long las wiken.



WANTOK

Lo i mas senis

DISPELA WIK ol papagraun long hap bilong Sauten Hailans i mekim nois long hamams mani ol i laik gavman i mas givim ol long wel em kampani i kamautim nau long ples bilong ol. Ol i laik kisim moa sea insait long dispela wok na tu, ol i laik gavman i stretim wari bilong ol. Ol i tok sapos ol i no kisim gutpela bekim bai ol i stapim wok bilong kamautim wel long ples bilong ol.

Dispela em i strongpela toktok na gavman i kirap nogut long harim. Bikos gavman i ting ol asples i amamas long mani na bisnis na bai ol i stap isi na larim kampani i kamautim wel.

Long olgeta hap long PNG we i gat gol, kopa na wel gavman i luksave pinis olsem bai i gat singaut i kamap oltaim long ol papagraun long kompensesen. Bai i gat komplek i kamap olsem mani i no inap. Bai i gat toktok i kamap long bisnis i mas go long han bilong ol papagraun.

Dispela kain pasin bilong PNG i strong tru na bai i stap yet inap yumi yet i pasim tok na kamapim lo bilong stapim dispela kain pasin.

Lo bilong tude i tok olsem graun i bilong yu tasol wanem samting i stap aninit long en i bilong gavman bikos olgeta manmeri bilong PNG i mas kisim helpim long wanem kain profit gavman i kisim.

Dispela yia em i 1996. I gat foapela yia moa bipo long yia 2000, tasol i luk olsem pasin bilong yumi long singaut oltaim long mani bai i stap yet.

Bogenvil Trensisenel Gavman laik rausim sampela wokman

NOT Solomons edministresen bai rausim sampela wokman sapos i nogat narapela rot long kisim moa mani, na go hetim ol wok bilong em long provins long dispela yia. Dispela hevi i kamap bikos aninit long baset bilong neseneel gavman long dispela yia, provins i kisim tasol K2.4 milien olsem provinsal Minimun Ankondisenel Gran (MUG). Dispela mani i bilong yusim long karimaut ol wok bilong bringim sevis na gutpela sindaun i go bek long ailan long dispela ailan. Long neseneel baset bilong las yia, Bogenvil i bin kisim K7 milien olgeta. Na mani bilong dispela yia i go daun long K4.6 milien. Wanpela sinia opisa wantaim Bogenvil trensisenel gavman (BTG) i tok dispela mani ino nap long helpim go hetim olge-

VERONICA HATUTASI i raitim

ta wok long stretim ples na sindaun bilong ol pipel long provins. Em bin tok dispela MUG mani we provins i kisim em i save go long stretim ol pe bilong ol pablik sevan long provins na tu long ol arapela wok long provins we etministresen i gat na i karamapim ol progrem bilong stretim ples na sindaun long ailan. Em i tok i gat samting olsem 500 pablik sevan i wok nau long Bogenvil na 65 pe sen bilong dispela alokesen i save go long peim ol dispela wok manmeri. Planti bilong ol dispela pablik sevan i save wok long ol helt senta na skul long Bogenvil. Opisa ya i tok tu olsem aninit

long Pablik Invesmen Progrem gran (PIP), provins i bin kisim K 4 milien i kam long neseneel baset bilong dispela yia. Dispela tu i daunbilong long K6 milien bikos long las yia, provins i bin kisim K10 milien aninit long PIP fan progrem. BTG bai i bung long mun Mas long glasim na tok oraitim namba wan kwata Saplai Bil long dispela K2.4 milien provinsal baset bilong em. Opisa ya i tok planti long ol dinau bilong las yia we ibin stap long K9 milien mak em BTG i bekim pinis tasol i gat yet K2 milien i stap. Dispela em ol dinau we BTG i gat long ol praivet kampani, ol bisnis haus, ol grup na ol man long karimaut ol sevis long helpim gavman insait long ol wok bilong stretim ples na sindaun long Bogenvil. Em bin tok olsem i gat tupela

rot tasol we BTG inap long kisim mani long ol long daunim dispela hevi long mani i sot. Wanpela em long neseneel gavman i givim moa mani gen long indsait long yia na namba tu emmlong apim provinsal seils takis bilong em. Tasol BTG ino nap bihainim dispela rot bikos neseneel gavman i rausim dispela takis long ol samting i go long Bogenvil wantaim as tingting long strongim ol pipel long helpim go hetim gut ol wok na progrem bilong stretim ples na sindaun long provins. Na i luk olsem BTG bai i glasim gut na lukluk strong long katim daun sais bilong ol wokman long provins, tasol dispela rot tu bai i gat kikbek na ol kain hevi gen sapos BTG i go het na karimaut dispela samting.

Nogat trabel long Krismas na Nu Yia long Bogenvil

KRISMAS na Nu Yia long Bogenvil i bin stap isi we i bin nogat pait o bikpela samting i kamap namel long ol grup i stap insait long pait long ailan.

Ol pipel i bin amamasim tupela bikde wantaim ol lotu. Na sindaun bung wantaim ol famili na haus lain yet.

Ripot i kam long opis bilong provinsal plis komanda long Buka i tok spesel plis operesen long provins we i bin stat yet long Krismas wik i kam inap long Nu Yia i bin go gut tasol.

Na kpela tok tenkyu i go long ol lain plisman husat i bin mekim gutpela wok.

Na 120 plisman wantaim sapot bilong ol spesel konstebel na ami plis bilong PNG Difens Fos long ailan i

bin wok long dispela taim long karimaut dispela spesel operesen.

Ripot bilong Buka Distrik i soim olsem ol liklik hevi tasol wantaim hombru i bin kamap na ol plis i bin holim pasim na sasim 30 pipel long wokim na dring krangi hombru.

Long Krismas operesen, ol plis i bin holim pasim wanpela sinia pablik sevan long Buka bihain long em i dring krangi hombru na spit draiv.

Long Nu Yia, wanpela pait i bin kamap namel long tupela man Hanahan insait long Halia kaunsil bilong siefs eria bihain long ol i dring hombru. Wanpela bilong ol i stap nau long Hanahan helt senta na plis i bin holim pasim narapela husat i wetim kot nau.

Long ol 30 pipel weplis i bin holim pasim na sasim ol long ol liklik trabel bilong dring hombru na meknais nabaut long komyuniti, ol bin baim kot fain inap long K150.

Na lis larim ol i go fri.

Opis bilong PPC i no bin gat ripot we i tokaut long stap na sindaun insait long bikples Bogenvil long taim bilong Krismas na Nu Yia.

Tasol long ol arapela ripot i kam long Buka, olgeta hap long

Bogenvil i bin lukim kwait Krismas na Nu Yia we ol pipel i amamasim tupela bikpela de wantaim ol sios sevis na ol famili i bung wantaim long ol liklik sindaun na kaikai namel long ol ol hauslain yet.



Dispela grup i bin sindaun insait long wanpela liklik bisnis woksop long Buka. Liklik Bisnis Asosiesen Na Bogenvil Bisnis Asosiesen i bin ranim. Foto : ALOYSIUS SAMI

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG
WANPELA YIA
52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BIABIA SLIP I STAP NA EM DRIMAN...

NAU EM I SIGARAPIM NA EM WINIM K25,000 NA EM BIKMAUS LONG SILIP BILONG EM...

INSAIT LONG DRIMAN BIABIA BAIM WANPELA LAKI LOTTO TIKET...

BAI YU WIN YAH, BRO!

HURE!! MI WIN! MI WINIM K25,000!!

MERI BILONG EM IKIRAP NOGUT TRU NA BELHAT NA GIVIM HAT WAN LONG PES BILONG BIABIA.

WAK!!

Wok bilong daunim hombru bia long Buka go het

VERONICA HATUTASI i raitim

HAN bilong Konplik Resolusen (CR) grup long Buka we Faundeses bilong Lo Oda na Jastis (FLOJ) i go pas long en i helpim nau long daunim ol hevi bilong hombru bia long Buka distrik.

Hombru bia em ol pipel yet i save wokim na dring spak.

Kodineta bilong FLOJ, Brata Pat Howley i tok grup bilong em long Buka i go pas nau long lukluk na painim rot long stretim ol hevi bilong hombru long eria we ol i wok long em.

Rot we grup i bihainim em long wan wan ples yet long painim gutpela rot na go hetim long kontrolim dispela hevi na ol arapela hevi we i kamap bikos long em.

Namba wan samting we CR grup long ples Lontis insait long Buka distrik i mekim em long kamapim sampela lo bilong komyuniti long bihainim. Ol lo we ol i laik traim kamapim na go hetim i go olsem:

- Nogat man bai dring long san;
- Taim bilong dring bai stap namel long 6 klok nait (6.00pm) na pinis long 12 klok biknait (12.00pm).
- Sapos yu laik dring, i mas long haus bilong yu o long haus bilong poroman bilong yu. Nogat man bai dring long ol pablik ples;
- Bihain yu dring krangi pinis, noken kirap wokabaut i go long narapela ples; na

Dispela ol lo i stap nau long han bilong ol siefs long ples na ol yut lida long toktok long em na glasim. Sapos ol i wanbel na tok orait long ol, ol bai i kamap olsem lo tru na komyuniti long ples bai i bihainim long lukim olsem gutpela sindaun i stap long ples.

Samson Napo brukim mani long ol sios

ARI GUH DANDEE i raitim

MEMBA bilong Bulolo Open na Minista bilong Industri Rilesen, Samson Napo i tokaut olsem em i givim pinis K18,600 i go long helpim wok bilong sios insait long ilektret bilong em.

Dispela mani em givim i go aut bilong helpim ol kain kain wok olsem kirapim ol nupela haus lotu, mekim ol mentenes wok long sios, na ol arapela wok tu olsem long edministresen bilong sios. Na tu em i givim bikipela helpim tu long givim mani i go aut long lukluk long pe bilong ol pasto.

Mumeng stesen we Minista yet i bin mekim wok bilong autim tok long en, em i givim aut sampela mani i go gen long olgeta 16 Luteran Sios Paris insait long Mumeng Distrik.

Olgeta wanwan paris i bin kisim K500 bilong helpim wok sios na tu em i bin givim K800 i go aut tu long lukluk long baim ol wok bilong sios long wanwan paris ya.

Ol dispela paris em long Timini, Gurako, Parakis, St Lopram, St John, Gawapu, Taiak, Malangta, Bulolo Taun, Andarora, Wakada, Redemer, Moina, Kaindi, umbuwa na Aem Paris.

Mista Napo i tok long givim aut dispela mani, em i tok em bai helpim yet ol pipel bilong em moa long wok bilong sios.

Chan tokaut long K200,000 bilong Madang Taun Komisin

BEN TAUMAI i raitim

SIAMAN bilong Madang Taun Interum Komisen (MTIC) Florian Bahin i mekim bikipela tok amamas i go long Gavana bilong Madang, Peter Barter long mekim gutpela wok bilong komisen.

Mista Bahin i tok amamas i go long Mista Barter long tok pait long palamen olsem Madang Taun Interum Komisin i no gat strong nau na i laik pundaun. Em i no inap stretim ol rot long taun moa na wok bilong em i laik pinis nau bikos em i no gat inap wokman bilong mekim wok.

Mista Barter i tokaut long palamen olsem gavman i long holim tupela sek. Wapela em K133,000 bilong len reit (graun fi) na K180,000 bilong Operesen Homeng we wara i bin brukim graun na bagarapim ples.

Praim Minista, Sir Julius Chan em i no givim wapela luksave long ol pipel bilong Madang. Tasol long hevi bilong Madang Taun Komisin, Sir Julius Chan tok bai gavman i givim bek K200,000 insait long 48 aua taim.

Tasol dispela i no klia yet sapos gavman i givim pinis dispela K200,000 pinis.

Em i tok sori olsem em i bin sainim dispela sek mani long taim bilong forum (Saut Pasifik Miting) long Madang long las yia.

"Madang Taun Interum Komisin i mas kisim dispela sapat na mani bilong em bek we em i gat rait long mekim olsem", Sir Julius Chan i tokaut.

Siaman, Mista Bahin i tok em i amamas tru long Gavana, Peter Barter long kamapim dispela tok pait na mekim ol samting ya i go isi long komisin.

Mista Bahin i tok Mista



• Sir Julius Chan.

Barter i bin raitim pas i go long minista bilong Provinsal Afeas na Lokol Level Gavman, David Unagi na Deputi Praim Minista na Fainens Minista Chris Haiveta long dispela hevi. Tasol em i no lusim tingting na em pusim yet inap em i kamautim long floa bilong palamen we Praim Minista i givim gutpela nius long dispela, Mista Bahin i tok.

Em i tok olgeta pipel bilong Madang i amamas long Mista

Barter bikos em yet i bin tok-tok pait na samting i kamap. No gat arapela memba bilong Madang i sanap wantaim Mista Barter long tokpait long dispela hevi bilong mipela ol Madang pipel, Mista Bahin i tok.

Siaman bilong Madang Taun Interum Komisin i tok sapos em i kisim dispela K200,000, bai em i go stret long klinim taun bikos ples i kamap bus nau bihain long bikipela ren i bin pundaun. "Bai mipela i go het gen na klinim taun na mekim em i kamap nais gen olsem bipo".

Em i tok olgeta wok o operesen bai i stat gen.

Em i tok sampela Madang memba i kamapim ol dispela hevi long Komisin bikos ol i laikim bai ol wantok na lain bilong ol yet i wok long opis bilong Madang Taun Interum Komisin.

"Tasol dispela em olgeta politik tasol, Mista Bahin i tok.

Gutpela Nu Yia long Lae na Mosbi

NU YIA long tupela biktaun, Lae na Mosbi i bin gutpela tru na i nogat trabel o bikhet nabaut i kamap.

Ripot bilong Metropolitan Supritenden Sief Inspekta Tony Wagambi long Lae i tok, Lae i bin stap gut tru long Nu Yia wiken long las wik. I no gat wapela bikipela hevi o trabel i kamap.

Ol yangpela manki tasol i kukim ol taia long rot long Top Taun na long 5 Mail eria. Tasol ol plisman wantaim paaman i go kilim paia i dai. Ol i tromoi ol ain nabaut tu long rot tasol ol plisman i rausim na mekim rot i stap klia long ol ka i ron.

Ol plisman long Lae i holim tasol ol sampela spak lain husat i go aut long pati na i raun yet long nait. Tasol i no gat bikipela hevi olsem ol kain raskel pasin nabaut i bin kamap, Mista Wagambi i tok.

Mista Wagambi i tok Lae i bin stap gut long 31 Novemba i kam inap long krismas na Nu Yia i pinis.

Plis ripot long biktaun Mosbi tu i wankain we i nogat wapela bikipela ripot bilong ol bagarap o hevi i kamap long siti long las wiken. Ol plis i bin mekim bikipela wok raun na patrol na stapim ol manmeri i stap insait long banis bilong ol stret.

Plis ripot i tokaut tasol long i gat planti lain ol i holim ol bikos long dring spak na draivim ka raun long nait. Plis i stopim planti ka husat i spit raun long nait na spak wantaim.

Tasol bikipela ripot i soim olsem olgeta samting i stap gut na i nogat wapela bikipela hevi o bagarap i kamap.


Dispela em wapela taim bilong Mosbi siti long i gat gutpela Nu Yia wiken long planti yia i kam.



MERLION PTY LIMITED

FOR RENT


UGAVA STREET - GORDONS 5
2 Bedroom Units, in a compound of five,
fully furnished, good security.



K275 per week.

FOR RENT

DAKOTA PLACE - JACKSON
3x3 Bedroom Units, wall to wall carpet,
24 hour security, autogate, stand - by
water tanks.



K400 per week.

FOR SALE

ANGAU DRIVE - BOROKO
excellent property consisting of 2x3 bedroom
units and 2 bedroom residence, Auto - gate &
within walking distant to bus stop, hospital &
shopping centre. Fully tenanted - Excellent
Investment.



K550,000.00 Negotiable

FOR SALE

GAHUNAGAUDI DR. - GEREHU
Ideal family home, easy access to
schools, bus stop, market and shopping
centre, recently renovated, owner would
like to sell urgently.



K35,000.00 Negotiable

For further information contact the Sales Team on
Phone: 323 2100 or Fax: 323 2705

TU MINIT TINGTING

WARA EM I BIKPELA SAMTING LONG LAIP BILONG YUMI

LONG mun Januери sampela lotu i gat pestode bilong Jisas i kisim baptais long han bilong Jon bilong Baptais.

Dispela stori i skulim yumi long pasin bilong God long yusim ol kain kain wara i stap nabaut.

Namba tu ves bilong Baibel i stat olsem: "Graun i stap nating na i narakain tru. Tudak i karamapim bikpela wara na spirit bilong God i go i kam antap long en. Nau God i tok: 'Lait i mas kamap.' Em nau! Yu lukim lait i no kamap yet na wara i stap pinis.

Planti samting i save kamap wantaim wara, o insait long wara. Yumi yet i bin gro long bel bilong mama insait long wanpela bek wara. I no gat wanpela samting i stap laip long graun tude we i no nidim wara.


Yesa, Buk Baibel i save bigin wantaim stori bilong wara na las tok tru bilong Baibel, long Rev 22:17 i tok olsem: "Yu kam, kisim wara i gat laip." Yu lukim. Wara i stap long fes pes na long las pes bilong Baibel.

Insait long Baibel i gat tok long

"wara" 491 taims. Em i tok long "Bikpela i olsem wanpela wara i no save pinis." (Ais 12:3) Na wantaim moa: "Olgeta yupela i dai long dring wara, yupela kam long mi.." (Ais 55:1) Na Jisas i bin salim ol disaipel i go baptaisim ol manmeri wantaim wara. (Mk 1:8)

Wara i save stap nabaut long yumi long ol solwara na raunwara, ol riva na baret na tais na hul wara. Wara i stap long ol klaut na ren. Wara i save mekim ol samting i gro long gaden. Wara i failim ol ston, i mekim kol ol samting i hat, i wasim ol samting i doti na i save mekim dai ol paia. Wara em inap ron isi o pairap long ol bikpela ston long nambis. Em inap kalap i kam daun long maunten o slip long biksolwara.

Sapos i no gat wara bai no gat sip o kanu o bot. Bai no gat botol o sospen o kap a dram o tang o glas. Sapos i no gat wara bai



FRANK MIHALIC i raitim

yumi no inap dring o waswas o boilim kaikai o wasim klos o swim. Na tu i no gat ol pis.

Long Baibel i gat sampela naispela stori bilong wara. Yumi tingim bikpela haiwara we ren i

bin kapsait inap long 40 de na wara i bin kilim indai olgeta manmeri i no bilong famili bilong Noa. (Stat 6 -) Yumi tingim stori bilong liklik bebi Moses i slip long basket na i hait long pitpit bilong wara Nail long kantri Isip. (Kisim Bek 2 -) Yumi tingim stori bilong ol Israel i brukim Ret Si na i kamap long kantri God i bin promis long ol. (Kisim bek 14 -).

Long Nupela Testamen Jisas i bin wokim namba wan mirakel bilong em long taim em i tanim wara i kamap wain. (Jon 2 -). Wanpela taim em i bin wokabout antap long wara bilong Si bilong Galili. (Mt 14:22..) Na las tru, em i bin salim ol disaipel i go baptaisim olgeta manmeri bilong graun bai ol i ken kamap long heven. Bikos em i bin mekim olsem yumi Kristen tude. Yu lukim baptais em i hangamap long wara.

Tude long graun bilong yumi i gat wanpela nupela kain wara i kamap. Em wara i dai pinis. Bipo i no gat dispela kain samting. Tasol yumi man o meri yumi bin paulim wara. Long yia i go pinis wanpela draipela sip pulap long wel i sutim rip, i bruk, na olgeta wel i kapsait i swim long solwara. Na planti tausen pis na pisin i dai pinis. I olsem wara i dai.

Tude long PNG yet, yumi gat sampela riva we i no gat sampela pis moa. Long wanem, ol kampani bilong painim gol na kopa i bin kapsaitim ol marasin nogut i go bagarapim ol. Yumi tingim Flai Riva long Papua. Kain riva olsem i dai pinis; yumi no inap dringim wara bilong en.

Nogut em i wanpela tok piksa bilong laip bilong planti yumi PNG Kristen tude, we golston na ol samting bilong graun i bin tanim wara i gat laip i kamap wara i dai pinis. I luk olsem.

God i save yusim gut olgeta wara bilong graun. Yumi manmeri tasol yumi bin bagarapim em. Em pawa nogut bilong yumi. Sore.



• Dispela em nupela bisop bilong Mendi Katolik Daiosis, Bisop Stephen Reichert, husat i no long taim i go pinis i bin kisim blesing long nupela wok bilong em. Em i wanpela Kapujin pater husat i winim 25 yia long wok olsem wanpela misineri pater long Papua Niugini.

Vanimo Katolik bisop laikim ol sios memba strongim belisi pasin

KATOLIK bisop bilong Aitape insait long Sandaun provins, Bisop Cesare Bonivento long Krismas toktok i go long ol pipel bilong em long Vanimo Katolik Daiosis i strongim ol sios memba long givim bikpela tingting long tupela samting. Na bihainim long kamapim gutpela sindaun insait long laip na wok bilong ol.

Tupela samting em long givim spes long Jisas o rum insait long bel bilong ol wanwan kristen, na pasin bilong kamapim belisi. Moa yet long dispela taim bilong Krismas taim tingting na pasin bilong bel isi i stap long ples klia bihainim ol toktok bilong ol angelo we ol i laikim na singsing long dispela samting i mas kamap na stap namel long olgeta pipel bilong ples daun long dispela taim long betde bilong Jisas Kraus.

Bisop Bonivento i tokim ol

kristen manmeri olsem sapos yumi no givim spes long Jisas long laip bilong yumi nau, orait, yumi no nap bungim bel isi pasin na sindaun insait long ol wanwan ples bilong yumi, komyuniti na kantri bai i no kamap orait, tasol em bai i bagarap.

Em bin tok long nau planti pipel long olgeta hap bilong graun i tingting tumas long kisim moa mani, moa bisnis, planti haus, planti malolo, planti televisen na planti moa ol samting bilong graun na ol i givim liklik spes long God. Na bikpela pasin bagarap, bikhet na hevi i wok long go het long ples, komyuniti na kantri. Em i askim strong ol sios memba long kisim Jisas long laip na sindaun bilong ol bikos sapos ol i lusim em, ol tu i lus olgeta. Bikos mani na ol arapela amamas samting bilong graun ino inap long givim ful amamas

long laip bilong man.

Long taim bilong amamas long Krismas, Bisop Bonivento i askim strong ol sios memba long daisosis bilong em long tingim tupela hap long kantri we hevi i stap long ol. Em long Bogenvil na long boda provins bilong Indonesia, em long Irian Jaya.

Em i tok taim bilong krismas i gutpela taim long beten long God Papa i ken kamapim belisi na sindaun wanbel pasin long Bogenvil. Na tu insait long kantri bilong yumi PNG.

Em bin singaut tu long ol sios memba long beten strong na trabel we i bin kamap long boda eria long las mun i ken pinis. Na i no bagarapim wok pren namel long Indonesia na PNG.

Em laikim tu ol refuji na ol lain husat i gat graun i stap long bodamak namel long

tupela kantri long gat fridom long i go kam long tupela sait wantaim. Bisop i tok sampela long ol dispela pipel i stap planti yia long sait bilong PNG. Na i no gutpela sapos ol i no kisim tokrait long rait bilong ol. Na tu ol ino sindaun gut long ples bilong ol long samting we ol ino mekim. Em bin tok tu olsem wanpela rot tasol bilong lukautim ol rait bilong wan wan man em long sindaun bung wantaim na autim tingting, toktok na skelim ol bikos inogat narapela rot i gutpela olsem dispela. na em bin tok Katolik Sios long sait bilong em i redi na amamas tru long wok bung wantaim husat man, meri o ogenaisesen i gat gutpela tingting na laik long painim gutpela rot long kamapim belisi na gutpela sindaun long olgeta hap bilong dispela kantri.

Gimata Lutheran peris, Boana seket gat nupela haus lotu

BIHAIN long tripela yia long bungim inap mani na sanapim bilding, ol pipel bilong ples Kapora insait long Erap eria bilong Boana Lutheran Sios seket long Morobe provins i gat nupela haus lotu bilong ol yet.

Kate distrik presiden, Pasto Beka Bekasin i bin opim nupela sios bilding klosut long pinis bilong las yia.

Olgeta mani we ol bin lusim long wokim dispela haus lotu ibin go moa long K13,000. Dispela i no kandim pe bilong ol PMV trak, balus we i karim ol samting bilong wokim sios bilding i go long Kapora. Na tu pe bilong ol wokman, ol kapenta na kaikai bilong ol bikman husat i bin stap long taim bilong


CLEMENT TUAIP i raitim

opening long nupela sios bilding.

Ol pipel bilong Kapora i bin stat long bungim mani bilong wokim dispela nupela haus lotu long Epril 1992. Na ol yet i bin bungim man inap long K9,000. Helpim mani long kamapim dispela mani mak i bin kam long ol peris na ol grup insait long provins husat i gat bikpela tingting long helpim komyuniti na wok bilong sios. Gimata peris i bin givim K499. Olpela Erap Wain provinsal memba Nagaring Bapi i bin givim K3000, Mista Mandon husat i wanpela helt inspekta wantaim

Lae siti kaunsil i bin givim K50 taim Wanu Narion, wanpela bisnis man i bin givim K500 kontribusen bilong em long dispela samting.

Orait, long opim tru nupela biding, moa long 800 manmeri na pikinini we i gat long em ol bikman bilong sios na provinsal gavman i bin bung na stap amamasim dispela de. Foapela nupela marit i bin kisim blesing long dispela lotu bilong opim nupela haus lotu na nainpela pikinini i bin kisim baptismo. Long Sande, wanpela de bihain long nupela sios bilding i op, moa long 60 pela skul sumatin i bin kisim konfemesen bilong ol. Na long nait, ol bin wokim lotu na kisim tu komunio.



• Haus lotu i sanap long namel bilong ples Kapora.

Wanpela Caritas sista long Mosbi indai

Ol Katolik Caritas Sista bilong nupela teknikal skul bilong ol meri long Boroko i bin lusim wanpela tisa meri bilong ol long krismas wiken.

Nem bilong en em long Sista Martina Chang, husat i gat 53 krismas na i bilong kantri Korja. Em bin kisim sik long lewa na dai long Loloata Risot Ailan, klostu long Mosbi.

Dispela em long taim ol sista ya i bin go long Krismas piknik bilong ol long dispela ailan.

Long las Sande, ol bin planim bodi bilong Sista Martina long nupela skul graun, bihainim laik bilong em yet.

Sista ya i bin mekim tok promis long kam wok long Papua Niugini inap em i dai.

Ol Caritas Sista i kirapim na lukautim nupela teknikal skul bilong ol yangpela

EDDIE SAUNDERS i raitim

meri long Boroko long las yia tasol.

Ol i helpim ol meri long lainim na skruim save long ol wok olsem kapenta, mekanik bilong ka, save meri long lukautim pawa, mekanik bilong redio na ol kain wok moa olsem.

Pater Val bilong Don Bosco husat i lukautimol Sista ya i tok Sista martina i bin dai long Loloata Ailan bihain long ol i go piknik long hap.

Dispela em long Disemba 27. Em i tok sista ya i bin dai antap long solwara na trip i kam.

Na wanpela wokman bilong risot i painim na kisim bodi bilong em.

Indai bilong Sista Martina i lusim tupela sista tasol i tisa long Caritas Gels Teknikel Skul.

Sista Martina i bin kam long PNG long 1986 na i wok long Kerema Peris insait long Galp provins pas-taim bipo long em i kam long Mosbi. Long Kerema, em bin kirapim Araimiri Don Bosco skul bilong ol yangpela meri bilong Galp provins.

Ol wanwan sista i kam krai nogut tru long las Sande long taim ol bin planim bodi bilong Sista Martina.

Ol i tingim bek ol hatpela taim ol bin bungim long namba wan taim long ol i kam long PNG na statim wok misinari bilong ol long hap bilong Kerema.

Long dispela taim, ol i tok, ol pipel i save pret tru long ol na ol i save rausim ol long haus bilong ol. Sampela taim ol i save wokim lotu aninit long ol diwai.

Sisater Scholastica, wanpela long ol sista husat i kam long kantri wantaim Sista Martina na wok wantaim tu i bin krai na tok amamas long gutpela wok we Sista Martina i bin mekim long kerema na Mosbi daiosis. Moa yet wok em i mekim long helpim ol yangpela meri long skruim save na kisim teknikal trening.

Sampela ol bikman husat i bin stap long misa lotu na planim bilong Sista Martina em long Jastis minista husat i helpim praim minista, Arnold Marsipal wantaim famili bilong em, Bogenvil Rijonal Memba, John Momis, Ambasad bilong Korea, man i makim Pope long PNG na Solomon Ailans, Nuncio Ramirez, Asbisop bilong Mosbi Asdaiosis, Sir Peter Kurongku na ol arapela misinari.



□ Las MSC Pater bilong Boroko peris i mekim las baptismo long Sen Joseph long Desemba 17, 1995. Em i baptisim Trevor Kawi, pikinini bilong olupela biknem soka pilala, Herman Kawi. Waspapa John Narawapi na wasmama Filda Narawapi i holim yangpela Trevor.

Pater Michael Igo tekova long Boroko peris

PATER Michael Igo em i nupela peris pris nau long Boroko Katolik peris insait long Nesenel Kapitel Distrik.


Pater Michael em i kisim ples bilong Pater Paul Guy husat i lusim peris na kantri olgeta long go hetim stadi long Rom long dispela yia. Long ol toktok bilong ol bihain long Pater Paul i lusim peris. Pater Michael em i wanpela daiosis pater na em i kam long ples Hanuabada, insait tasol long Mosbi siti. Antap long em i pater, Pater Frank em i wanpela loya na Vika Jenerel long Mosbi Katolik Asdaiosis. Em i holim wok

tu olsem bos bilong ol Holi Spirit seminari sumatin long Bomana.

Orait, pinis long Pater Paul Guy long Boroko peris em i min tu olsem wok bilong ol Sekret Hat misinari long dispela peris i pinis. Dispela em bihain long ol dispela misinari we i stap aninit long lukaut bilong ol Sekret Hat misinari provins long Australia i lukautim Boroko peris long moa long 25 yia. Long inapim laik bilong Asbisop long Mosbi, Sir Peter Kurongku, Boroko peris bai i kam aninit long lukaut bilong Mosbi katolik Asdaiosis. Pater Tony Young, wanpela MSC pater long ol toktok bilong em long las Sande, i bin givim bikpela tok tenkyu i go long ol Sekret Hat Misinari long bikpela wok ol i mekim long kisim tok bilong God i kam long PNG na sapot ol i givim long lukim olsem sios i groa strong na i winim 100 yia insait long Papua na Niugini Ailans rijon.

YU NO INAP WINIM

TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapotim dispela nupela kar.

 **TOYOTA**

Ela Motors

Olpela primia tok pati politiks bagarapim Morobe pipel

PANGU PATI na Pipels Progres Pati (PPP), tupela bikpela politikel pati insait long Morobe provinsel gavman i pait long kisim pawa long redim ol yet long 1997 jeneral ileksen na ol pipel i kisim taim. Diputi Gavana na olpela primia, Titi Christian i tok.

Mista Jerry Nalau Riginel memba bilong Morobe provins aninit long lo, nau i gavana bilong Morobe provinsel gavman i wanpela strongpela man bilong Pangu Pati. Mista Nalau i go pas long wokim wok bilong em, em nesenal gavman i makim em long wokim i bin winim namba wan tes taim memba bilong Markham na strongpela man bilong PPP, Mista Andrew Baing wantaim ol sapota bilong em i mvim wanpela vot i nogat bilip long em long Disemba las yia.

Mista Andrew Baing i bin movim wanpela vot i nogat bilip long gavman, Mista Jerry Nalau long Mandé taim Tutumang i bung tasol, Mista Baing i no bin gat namba bilong winim dispela vot, olsem na Baing i rausim dispela mousen. "Aninit long lo bilong vot

nogat bilip, i mas i gat tu-terds majoriti long winim vot tasol Baing wantaim ol narapela PPP memba na sapotas i no bin gat dispela namba. Ol i gat 14 na mipela gat 19. Olsem na Baing i rausim dispela vot". Olpela premia na namba tu gavana, Mista Titi Christian i tok.

Ripot i kam long Wantok niuspepa i tok olsem Mr Nalau i bin kisim wanpela Restreining Oda long Nesenal kot long stapim dispela vot i nogat bilip long kamap long Tutumang long Mandé Wantok niuspepa i bilip olsem dispela i no tru. "Mipela bin aplai long kot tasol mipela i no kisim dispela kot oda," Mista Christian tok. Tasol Mista Baing i tokim Tutumang olsem Nalau i gat dispela kot oda, olsem na em i rausim dispela vot i nogat bilip.

Bipo long taim bilong vot ol 10-pela nesenal memba i bin sanap olsem. Long sait bilong gavana em i bin gat Thomas Pelika, Jerry Nalau na Bart Philemon na long sait bilong Oposisen em i bin gat Andrew Baing, Samson Napo, Tukape Masain, Amos Yamandi, Moa Zeming, Ginson Saonu na

Yaip Awini.

Dispela vot i nogat bilip em memba bilong Markham, Mista Andrew Baing i muvim em i gat planti as bikos em i bilip olsem gavana, Mista Jerry Nalau i no mekim gut ol wok bilong em na semim gavman bilong Morobe. Tupela bikpela samting namel long ol narapela as em taim Nalau i sakim tok bilong Nesenal Eksekutiv Kaunsel long wanpela desisen ol i bin mekim long mekim administreira long Morobe. Na bihain, taim Nalau i save olsem ol nesenal memba bilong Morobe ol i muvim wanpela vot i nogat bilip long em, em i kirap na paitim memba bilong Kabwum, Mista Ginson Saonu long Palamen Haus long Mosbi.

Bihainim ol dispela samting, Mr Nalau i salensim NEC long desisen bilong ol long makim Mista Galun Kassas olsem administreira long Nesenal Kot. Mr Nalau i tok olsem NEC i no bihainim stret rot bilong makim Kassas aninit long Seksen 73 bilong Ogenaisesen bilong ol Provinsel Gavman na Lokel Level Gavman.

Taim Mista Nalau makim, PEC i salim lista i go, em i makim Mista Aine Sengero olsem Administreira na Mista Galun Kassas olsem Deputi administreira. Tasol NEC i sakim dispela lista na makim Kassas olsem administreira long dispela as, Mista Nalau kisim Siaman bilong NEC i go long kot.


Mista Nalau laikim bai kot i tok olsem Mista Sengero i trupela administreta long dispela taim inap NEC i makim nupela administreta bihainim mama to long wei bilong makim administreira long las yia.

Kot i bin kamap long Lae Nesenal Kot na Jastis Timothy Hinscliffe husat i harim dispela kot i tok olsem Mista Sengero bai stap administreira inap Janueri 2, 1995. Na bai kot i mekim disisen long wei NEC kamapim disisen long makim administreira. Long dispela taim bai ol pipel i save ausai em i trupela administreira bilong Morobe provins.

Bihainim birua namel long Memba bilong Kabwum, Mista Ginson Saonu na Gavman, ol pipel bilong Kabwum i no bin amamas

long kain pasin Mista Nalau wokim long memba bilong ol. Ol i laikim bai Saonu i kotim Nalau long biket pasin bilong em. Olsem na Saonu i mekim strongpela toktok long sanapim Nalau long Palamen Priviles Komiti long kisim taim na mekim save bilong em. Spika bilong Nesenal Palamen, Mista Rabbie Namaliu husat i strongpela memba bilong Pangu i tok em i no laik long harim na toktok long dispela taim tasol em bai i toktok long bihain taim. Dispela i mekim ol pipel long Kabwum i belhat moa.

"Long tok kros namel long Nalau na Saonu, dispela i stap long han bilong Palamen Priviles Komiti na long wei bilong makim administreta, em i stap long han bilong ol kot na watpo bai i gat vot bilong nogat bilip long Nalau?." Titi Christian i tok bihain long Baing i rausim dispela mosen bilong vot i nogat bilip. "Yumi ol politisen i mas longlong long kamapim ol pati politiks na bekim bilong en, ol pipel bilong Morobe, kisim taim. I luk olsem yumi no sevim ol pipel, yumi wari tru long yumi yet na hangre moa long pawa," Christian i tok.



• Em nupela ba bilong ol ami long Nevol Beis long Kone. Long piksa em olpela tisa bilong Divine Word Institute, Charles Loke wantaim tupela soldia husat i bin bamen long dispela nait. AusAid progrem i helpim long wokim dispela na em bai go bikpela moa long bihain.

Nupela bos laik pulim telefon waia long 6-pela distrik

MADANG nau i gat nupela Provinsal Telikom Menesa. Man ya em Leo Wamo bilong Aitape, Sandaun provins.

Mista Wamo i kisim ples bilong Sydney Kulupi husati lusim Telikom bihain long 30 krismas olgeta em i wok wantaim Telikom.

Mista Kulupi bilong Milen Be provins i marit na i gat tupela pikinini i tok em i lusim Madang wantaim bikpela wari tru. Em i tok bai em i go long ples tasol em i no tingim yet wanem samting long mekim long bihain.

Long pinis pati bilong Mista Kulupi we ol memba bilong Madang Telikom woka i holim, arapela bikman tu olsem Ekting Administreta Kikereng Wargem, Momase na Hailans Rijenal Telikom Menesa tu i kamap.

Mista Wagem i mekim bikpela tok amamas i go long Mista Kulupi long bikpela wok em i bin mekim long Saut Pasifik Forum miting long Madang las yia. Bikos olgeta wok bilong toktok long telefon i bin kamap gut tru.

Em i tok taim em i tingim bek long SP Forum long las yia, em bai tingim yet Mista Kulupi long wok em i mekim long stretim olgeta komyunikesen wok i redi tasol.

Tupela arapela spika tu i tokaut olsem Mista Kulupi em wanpela man bilong daunim em yet i go wantaim ol wokman bilong em long mekim wok.

Man husat bai kisim ples bilong Mista Kulupi, Mista Wamo i bin wok long Is Nu Briten provins inap 17 krismas olgeta inap nau em i go long Madang.

OPIM AI

wantaim
JOE KAU



HEPI Nu Yia long yupela olgeta. Yes, i no olgeta i bin amamas long Krismas na Nu Yia. Sampela i bin sori bikos i bin gat indai o sampela arapela hevi long famili bilong ol. Mi tok sori long ol dispela lain.

Mi pre olsem bai yupela olgeta i gat gutpela sindaun long 1996.

Long Krismas las yia, depiti praim ministra, Chris Haiveta i tok planti gutpela samting bai kamap long 1996. Bai yumi wet na lukluk i stap.

Long Nu Yia Spika Sir Rabbie Namaliu i sutim strongpela toktok long ol lida. Em i laikim ol lida i mas pinisim ol paul pasin, ol giaman na ol stilpasin na kamapim gutpela pasin long 1996. Olsem wanem?

Sir Rabbie i mas luksave olsem ol dispela pasin nogut i bin kamap

Yumi mas stretim ol lida

long 1995. Sir Rabbie em i siaman bilong nesenal palamen. Ating ol pasin nogut em i toktok long en i mas kamap long ol memba bilong nesenal palamen.

Dispela yia em i taim bilong stretim rot long sanap long ileksen long 1997. Planti grisipasin bai kamap. Yumi luksave pinis long ol samting em ol memba i bin wokim long 4-pela yia ol i bin stap long palanen.

Sapos ol i bin wokim ol gutpela samting long stretim sindaun bilong yu, orait tingim ol long 1997. Sapos nogat, save stap long yu.

Mi laik tok amamas long pren bilong mi, Mea Vai long kisim mak olsem Sir long kwin. Em i winim dispela mak 10-pela yia i go pinis. Mi no save bilong wanem na ol i no givim em dispela mak i kam inap nau. Wok Sir Mea i wokim long helpim ol yangpela long Papua Niugini i winim

wok em ol arapela Sir i wokim. Gutwan Sir Mea. Mi save olsem gutpela wok bilong yu bai go het yet.

Mi gat askim long kwin ol husat lain i save givim ol dispela mak. Olsem wanem bai mi winim dispela mak? Mi mas toksave olsem mi no wokim wanpela gutpela wok yet long helpim kantri bilong yumi. Mi askim tasol.

Wok bilong Sir Mea, Sir Rabbie na Sir Kubulan i stap ples klia. Gutpela wok bilong ol i givim dispela mak, Sir, long ol.

Tasol olsem wanem long ol arapela husat i wokim gutpela wok olsem dispela tripela man, tasol wok bilong ol i no stap long ples klia.

Mi tingim ol APO, ol tisa, ol plisman na ol arapela. Olgeta i lapun na sampela i dai pinis. Wanem taim bai kwin i luksave long sevis bilong ol dispela lain long helpim Papua Niugini.

Nau mi harim olsem sampela bilong ol dispela lain husat i ritaia long gavman i no kisim persen mani bilong ol inap tripela mun nau. I gat tok olsem gavman i sot long mani.

Gavman i no sot long mani taim ol i laik kamapim Poreporena Freeway. Ol bai yusim moa long K60 milien long kamapim dispela wok. Na dispela freeway i no bilong helpim wanpela asples. Freeway bai helpim ol bikpela bisnis tasol. Tingting bilong gavman i no stap wantaim ol pipel bilong Papua Niugini.

Long Nu Yia tu, plis ministra i tokaut long kamapim wanpela spesel plis skwat long lukautim ol bikpela risos developmen projek. Dispela spesel skwat bai mekim-save long ol papagraun husat i lik egensim kampani long ol bagarap i kamap long ol graun bilong ol.

Na olsem wanem long ol asples na ol grasruts? Inap plis ministra i

kamapim narapela spesel plis skwat long lukautim ol asples long giaman na stilpasin bilong ol ovasis kampani?

Gavman i sot long mani long helpim ol asples Papua Niugini. Tasol i no sot long mani long helpim ol bikpela bisnis na ol ovasis kampani.

Ol i rausim pinis rot bilong yumi long go long kot stretim ol hevi i kamap long ol bagarap em ol kampani i wokim long graun bilong yumi.


Ol i pasin rot bilong yumi long sutim tingting long egensim gavman long ol dispela hevi.

Nau ol i kamapim dispela spesel plis skwat long save long yumi sapos yumi laik painim rot bilong yumi yet long stretim ol dispela hevi.

Bai yumi pasim maus na larim ol dispela samting i kamap o wanem?



TOKTOK BILONG MOROBE GAVANA HON. JERRY K. NALAU



Namba wan samting, mi tok amamas long disisen bilong nesenel kot long makim edministreta bilong Morobe provins. Mi bin askim nesenel gavman long stretim dispela hevi long ausait. Tasol no gat gutpela bekim i kam bek olsem na mi kisim i go long kot i ken stretim. Mi save long bipo yet olsem i gat samting i rong long lo bilong makim nupela edministreta na ol tok pait bilong mi em long stretim dispela hevi NEC i kamapim. Arapela 7 nesenel memba bilong Morobe i tromoi tok olsem i bin mekim ol samting abrusim lo bilong dispela kantri. Tasol disisen bilong kot long tude i tokaut stret olsem ol yet i wok long abrusim lo bilong dispela kantri. Ol i go het na traim long holim vot i nogat bilip long mi. Ol i save tu olsem toktok bilong makim edministreta i stap pinis long han bilong kot long stretim. Ol toktok kros long dispela samting em wok bilong Morobe edministresen yet. Tasol ol i fit long mekim olsem politiks samting na dispela i kamapim bikpela paul pasin insait long gavman bilong Morobe we i nogat gutpela as tru long mekim olsem.

Mi no sutim tok long NEC long mekim dispela apoinmen. Dispela em bikos NEC i bin mekim apoinmen ya long ripot bilong Pablik Sevis Minista we long ripot ya i gat ol arapela nem o ol nem we PEC i no makim long kisim wok bilong edministreta we Seksen 73 bilong Ogenik Lo i oraitim.

Asua i mas go long Minista bilong Fores na memba bilong Makam, Andrew Baing husat i bin go pas long senisim samting long dipatmen na givim narapela lista wantaim ol nem na givim i go long NEC na i no lista we mi givim pastaim. Mi laik tokim ol manmeri bilong Morobe olsem dispela em as bilong ol tok kros we i bin kamap. Wanem samting i save sutim bel bilong mi moa em long dispela nupela rifom sistem we i sut long stretim gut na givim gutpela sevis i mas go long ol pipel na ol kain tok pait na kros bilong politiks i no ken stap namel. Tasol sampela lain insait long nesenel gavman i stat long yusim politiks long nupela sistem bilong gavman long helpim ol yet we i nogut tru. Dispela bai bagarapim tru wok bilong rifom long Morobe provins na kantri olgeta sapos nesenel gavman i go het yet long mekim samting egensim lo.

Mi no amamas long dispela disisen bilong kot, tasol dispela em amamas bilong olpipel long Morobe provins. Olsem na Andrew Baing wantaim ol wanlain bilong em i mas mekim bikpela tok sori long ol pipel bilong Morobe long paulim ol. Nau olsem kot salens i pinis, mi askim 7-pela Morobe nesenel lida ya long lusim tingting long pasin kros bilong mipela na kam bung gen wantaim mi long sevim ol pipel bilong Morobe insait long nupela rifom sistem ya. Yumi i no inap go moa yet olsem na larim ol pipel bilong mipela i kisim hevi i stap.


HON. JERRY K. NALAU
GOVERNOR

Ol wansolwara nius

Moa Pasifik Ailan pipel long Ostrelia

Ostrelia: Namba bilong ol pipel bilong Pasifik Ailans husat i stap nau long Ostrelia na Nu Silan i go antap moa.

Long ol ripot i kam long gavman bilong Ostrelia, mak na namba bilong ol Pasifik Ailan kantri pipel husat i mekim Ostrelia olsem asples bilong ol i go antap.

Ripot i tok long pinis bilong mun Jun las yia, ol bin karim moa long 2,000 pikinini long ol Pasifik Ailan pipel long Ostrelia. Insait long las tupela yia, moa long 2,600 pipel long ol Pasifik Ailan kantri i bin go long Ostrelia na mekim kantri olsem asples bilong ol. Long wankain taim tu, 400 pipel bilong Pasifik i bin lusim Ostrelia long go bek long ol wan wan ailan kantri bilong ol.

Ripot i tok bikipela namba bilong ol dispela Pasifik Ailan pipel husat i sindaun olgeta nau long Ostrelia em ol bilong kantri Fiji. Mak bilong ol em i moa long 1,500.

Long wankain taim tu, mak bilong ol pipel bilong Nu Silan husat ol mama i karim ol long Ostrelia na nau ol i mekim Ostrelia i kamap asples bilong ol i bin go antap winim foa na haf tausen mak.

Biknem paitman bilong Amerika i dai

Solomon Ailans: Biknem hiro long pait insait long Saut Pasifik long Wol Wo 2, i bin dai long ples bilong em long Amerika long dispela wik.

Man ya em Etmiral Arleigh Burke wantaim 94 krismas na em i bilong Amerika.

Planti lain long Pasifik na Amerika i save long Etmiral Burke olsem wanpela strongpela nevi man husat i bin bosim 22-pela pait na grup we em bin bosim i bin sutim daun wanpela krusa pait sip bilong ol Japan, nainpela distroya sip, wanpela samarin, sampela moa arapela sip na 30-pela ol paita balus bilong ol enemi.

Wanpela long ol samting we planti man i save Etmiral Burke i bin go pas long en em long pait namel long paita sip bilong ol na ol Japan insait long Solomon Ailans long Novemba 1943. Dispela em taim skwatron bilong em i bin suvim i go long solwara tripela long ol faivpela paita sip bilong ol Japan.

Bihain long Wol Wo 2 long Pasifik i pinis, Etmiral Burke i bin wok wantaim nevel opersen bilong Amerika insait long planti yia.

Em i lusim i stap meri bilong em husat em bin maritim moa long 70 yias.

Solomons redio i tokaut long Nu Yia plen

Solomon Ailans: Strongpela tingting bilong gavman redio stesin bilong Solomon Ailans, Solomon Ailans Brodcasting Komisn (SIBC) long nupela yia em long stap olsem wanpela strongpela rot long givimim aut nius na ol arapela sevis i go long ol pipel bilong Solomon Ailans.

Siaman bilong SIBC, Ben Gale i bin tokaut long dispela samting long taim em i lonsim wanpela nupela progrem bilong stesen long dispela wik.

Mista gale i bin tok SIBC bai i go het yet long skruim na givim aut ol infomesen i go long ol pipel husat i stap long we nabaut long ol liklik ailan long Solomons.

Em bin tok wantaim long planti ol senis we i kamap long dispela taim, SIBC i klia long wanem samting em bai i mekim long skruim save na tingting bilong ol pipel insait long ol komyuniti long Solomon Ailans.

Ol nuklia bom tes bilong Frans bagaram-pim turis bisnis

Fiji: Ol Turisim (dipatmen we i save lukautim hamas man bilong ol arapela kantri i go visitim kantri) opisa long Fiji i tok hevi we bisnis long kantri i bungim bai i go het yet long sampela taim maski Frans i pinis long karimaut ol nuklia tes bilong em long Pasifik rijon.

Fiji i sutim tok long Frans na ol nuklia tes bilong em long Moruroa Atol klostu long Tahiti olsem as long ol Pasifik kantri i lusim planti milien kina bikos nogat ol pipel bilong ol arapela kantri i kam insait lukluk raun long ol kantri bilong ol stat long taim Frans i kirapim bek long testim ol posin bom nogut insait long solwara bilong Saut Pasifik long mun Septemba las yia. Na Fiji em i wanpela kantri husat i kisim taim nogut tru long turisim bisnis bilong em.

Dairekta bilong maketing long Fiji Visitas Biuro, Bill Whiting i tok ol bom tes we Frans i karimaut long Saut Pasifik i kamapim bikipela hevi na em i as tu long pondaunim turisim bisnis long rijon.

Em bin tok bai i kisim moa long 6-pela mun bihain long ol tes bipo long ol turis bilong Japan i kamap gut. Wankain tu long ol turis bilong Yurop na ol arapela kantri moa husat i save lukluk raun na kam malolo insait long ol Pasifik kantri.

Ol ripot i kam long PACNEWS



• **Antap: Presiden bilong Yunaited Stet ov Amerika (USA) Bill Clinton long lephan na Mista Gonzalez i putim maikrofon long yau na toktok wantaim ok niusman meri long Madrid, Presiden i tok ol namba wan soldia bilong USA bai kamap long Bosnia long sampela de bihain long Sande Desemba 10, 1995. Dispela em bihain long ol rebel paitman bilong Bosnia i tok ol i no amamas long ol soldia bilong Frans long Sarajevo, biktaun bilong Bosnia.**

• **Ol manki na sampela bikipela man bilong Palestinian i karim flag bilong ol na kalap long lata i go insait long hetkwata bilong Isrel ami long Tulkarm, Wes Benk. Dispela em bihain long Isrel ami i lusim dispela hap long Sande Desemba 10, 1995.**

OL LIKLIK WOL NIUS

Teksi draiva kilim tripela pikinini bilong em

Sarcelles, Frans: Long Frans, wanpela teksi draiva i bin kilim dai olgeta pikinini bilong em long Sande Desemba 31, klostu tasol long Nu Yia.

Ripot i tok nem bilong dispela teksi draiva em Zefu Kibakila. Em i gat 46 krismas. Na i bilong kantri Zaire long Afrika. Trabel ya i kamap bikos meri i bin tok long lusim Zefu bihain long kros pait namel long tupela marit ya.

Meri bilong Zefu i bin painim bodi long tupela pikinini i dai long haus bilong ol i stap, bihain long em i pinis wok na go bek. Em bin painim bodi long pikinini meri bilong ol husat i gat 10-pela krismas long rum bilong slip wantaim mak bilong katres i sutim em long nek i dai.

Na em i painim 7-pela krismas pikinini man i hangamap na dai i stap long sawarum. Bihain long em i kilim dai tupela pikinini, Kibakila i bin ranawe wantaim bikipela pikinini man husat i gat 15 krismas. Bihain sampela lain i bin painim bodi bilong

dispela pikinini long hap sait bilong rot klostu long Charles de Gaulle ples balus. Ol atoriti i no tokaut long wanem rot na bikipela pikinini man i bungim dai.

King Fahd givim wok long yangpela

Dubai, Saudi Arabia: King bilong Saudi Arabia, King Fahd wantaim 73 krismas long dispela wik i lusim wok olsem king long han bilong yangpela brata bilong em, Kraun Prins Abdullah long karimaut.

Saudi Arabia em dispela kantri long wol we i top tru long mekim na salim wel.

King Fahd i mekim dispela senis bikos stat yet long mun Novemba las yia, bikipela sik i bin kisim em na nau em i laik malolo tasol. Long taim em bin sik, brata bilong em i karimaut ol wok long bosim kantri. Karaun Prins Abdul i amamas long tekova long brata bilong em tasol em i tok em bai askim big brata long helpim sapos em i bungim sampela hevi long dispela wok.

230 pipel indai long Krismas na Nu Yia

Durban, Saut Afrika: Ripot i tok 230 pipel olgeta i bin indai long Krismas na nu Yia long hap. Ol dai ya i kamap bihain tasol long gavman i kamapim wanpela kempen long traime pinisim ol politikel hevi we i stap namel long tupela enemi grup long kantri yet. Wanpela em ol sapota bilong Presiden Nelson Mandela na pati bilong em Afrika Nesenel Kongres (ANC). Na nara-pela em long Zulu Nesenel Inkatha Freedom Pati.

Planti long ol dai long Krismas na Nu Yia i sut long dring spak kranksi na ino kamap bihainim hevi namel long tupela politikel grup.

30 pipel abrusim birua

Meksiko Siti, Meksiko: Klostu 30 pipel i bin dai na planti i kisim bagarap long Nu Yia Mande long not Meksiko klostu long boda wantaim Arizona. Dispela i bihainim bus we i karim ol pasidia husat i wok long go bek long ples bilong ol long Amerika, bihain long ol i Krismas na Nu Yia wantaim ol famili na poroman bilong ol long Meksiko.

Banisim bisnis long stil pasin

TOKTOK BISNIS

wantaim

BOB WHEDLER

LONG dispela wik mipela bai toktok long lukautim na banisim bisnis egens ol kain stil pasin.

Stil i ken kamap long kain kain rot. Stilman i ken kisim kaikai o samting long stua na i no inap baim. Selsman i ken givim sampela diskaun prais hait i go long ol wantok bilong em.

Stuakipa i ken haitim sampela mani bikos em i no paitim prais bilong sampela kaikai ol man i kam baim. Mani i ken lus long kain kain rot na i no long stil pasin tasol.

Menesmen i no ken bilip tumas long planti lain long holim ki, holim mani, save long seif na tu ol arapela bikpela rekot olsem rekot bilong debta.

Sampela wokman i ken pundaun long stil pasin bikos ol yet i gat dinau long ausait we pe bilong ol i no inap long stre-tim.

Ol lain bilong kas o laki i ken stilim liklik hap mani long go pilai laki. Sapos em i go pilai na lus, em bai traime long stil gen long go bek pilai na pulim bek mani em i lusim pastaim. Sampela bai tingting long stil bikos ol i ting potnait pe bilong i tambolo tumas.

Na tu ol i gat sampela kain belkros wantaim bos long wok. Sampela i save gat sans long stil bikos bos i no save kontrol tumas long ol.

Em i ken gutpela wokman tasol em i ken pundaun long stil pasin.

Long banisim dispela kain stil pasin long i no ken kamap, akaunting sistem i mas givim strongpela kontrol insait long wok.

No gat trenseksen o arapela trenseksen i mas stap aninit long kontrol bilong wanpela wokman. Kain olsem;

- Wanpela man tasol i no ken makim rekot bilong mani long til na bilong akaun long buk bilong akaun.

- Akaun klek i no ken givim tok orait long baim ol samting.

- Man husat i save kisim mani o sek mani i kam long ol pas (meil) i no ken em yet i givim risit o putim mani long benk.

- Wanpela man tasol i mas makim ol prais long kaikai na ol samting. Na olgeta prais bilong ol samting i mas stap long stika o stemp.

Na i no long man yet i raitim long han bilong em.

Astingting insait long dispela

ol samting em long mekim olgeta wokman yet i sekim wok bilong narapela. Long bikpela bisnis, dispela em isi long mekim. Long liklik bisnis, wanpela man tasol i save sekim ol akaun, putim mani long benk, wokim pe bilong ol wokman na ol arapela moa.

Tasol i mas gat tupela man olsem na papa bilong bisnis yet i mas kamap namba tu man long helpim em.

Em i ken sekim ol samting ya wanwan taim.

Ol wokman o wokmeri husat i save sanap long til (kesia) i ken paitim masin na sampela kaikai em inap pusim nating i go. Olsem na was long dispela kain pasin.

Lukiuk long wokman ya na ol kastoma bikos sampela pren bilong ol bai karim ol samting i kam pusim tasol i go wantaim ol arapela kaikai. Lukim gut ol kastoma husat i baim kaikai long stua.

Bikos ol i ken was long go long dispela wantok o pren bilong ol long til. Maski ara-

pela til i stap nating we kastoma ya inap go long en.

No ken larim ol woklain long til i pren tumas wantaim ol kastoma. Bikos stil o giaman pasin i ken kamap long dispela. Kesia husat i gat planti pren tumas i kam long en i ken i gat hevi.

Ol selsmen, bamen na weita i ken kamapim wankain hevi olsem.

Bikos sampela taim ol lain olsem i save kisim komisin long moa kastoma ol i gat. Dispela em bikos ol i ken givim sampela kain hait diskaun prais long ol kastoma bilong ol olsem na ol bai go long em tasol.

Long ol taim we i gat planti manmeri tumas long stua (bisi de), rausim mani long kes rejista (til) klostu klostu long bikpela de olsem.

Putim mani long benk long olgeta de.

Sapos i gat planti mani, askim ol plisman long kam was long yu taim yu go long benk.

No ken bungim ol pipia klostu long ples bilong wok.

Bikos ol wokman yet i ken haitim ol samting long stua na putim i go insait long ol pipia ya we bihain bai ol i kisim i go long haus taim wok i pinis.

Brukim olgeta katen bilong ol samting. Bikos ol wokman yet i ken haitim ol samting insait long ol dispela katen.

I gutpela tu long ol yunifom bilong ol wokman i no ken gat poket long en.

Kamapim gutpela kotrol sistem bilong yu bai yu ken sekim long inoivis we olgeta samting i kam stret yu.

Wanem samting yu salim i go aut i mas gat ful inoivis rekot.

Olgeta taim was long ol bikhet pasin we inap kamap long wok.

Olgeta wokman i mas kisim holide bilong ol stret long taim.

Olgeta taim, senisim ol wokman long nupela seksen o posisen bai ol i no ken wok wantaim we tingting bilong stil inap kamap namel long ol yet.

Taim yu laik kisim nupela wokman, sekim gut rekot bilong em long bipo.

No gut em i gat bikhet na stil pasin wantaim em long bipo.

Na em inap kamapim gen. Ol olupela wokman bilong kampani i ken kamapim bikpela hevi bikos ol i wok longpela taim na ol i save pinis long ol sistem na wei bilong wok long kampani ya.

Ol i ken stil bikos ol i save long wei kampani i save wok.

Dispela em wok bilong menesmen long sanapim gutpela intanesenel kontrol sistem bai ol wokman i painim hat long stil.

Rausim ol olupela na liklik intel kontrol sistem.

Lae tinpis faktori bringim gutpela senis long pipel

TUDE planti pipel long ol rurel eria i muv i go long ol taun na siti olsem Mosbi na Lae long painim wok. Olsem na ol saveman i makim olsem long ikonmik developmen bilong kantri long bihain taim long givim inap wok long ol pipel i hangamap long groa bilong indastrel developmen.

Indastrel developmen i karamapim ol developmen olsem kamap bilong planti faktori long wokim ol samting long Papua Niugini yet. Dispela bai givim inap wok long ol pipel.

Ol ikonmik helpim em Lae tinpis faktori i kamapim

Plen em PNG Gavman i bin kamapim long 1990 na i kam em long kamapim moa indastrel developmen, na tu long tred wantaim moa kantri long ovasis. Dispela i mekim kantri i groa, na kamapim moa wok long ol pipel.

Dispela plen o polisi bilong gavman i strongim kamap bilong ol faktori long kantri. Na ol dispela faktori i senisim planti samting olsem kaikai, masin na klos laplap em PNG i save baim i kam long ol ovasis kantri olsem Ostrelia na Japan. Na ol pipel i stat long baim ol samting em ol faktori long kantri yet i wokim.

Lae tinpis faktori em i wanpela kain faktori i kamap long helpim developmen na gro bilong PNG ikonmik. Kampani husat i papa long Lae tinpis faktori long Malahang Indastrel eria em International Food Corporation (IFC). Kamap wantaim Lae tinpis

LEO WAFIWA i raitim

faktori i kam wantaim planti gutpela helpim long ol pipel bilong dispela kantri. I gat tupela kain helpim faktori i givim. Namba wan helpim em faktori i givim stret i go long ol pipel long ol bisnis wok em i mekim wantaim ol. Long Tok Inglis ol i kolim "Direct Effects". Namba tu helpim em long sait bilong ol developmen o senis em i kamap bikos long kamap bilong tinpis faktori. Long Tok Inglis ol i kolim dispela kain helpim olsem "Indirect Effects".

Namba wan helpim "direct effects"

Wanpela bikpela kain helpim olsem em long sait bilong wok. Planti manmeri nau long Lae siti i kisim wok wantaim tinpis faktori.

Narapela samting em long ol sait bisnis em i kamap bikos long tinpis faktori. Ol sait bisnis i kamap bikpela bikos tinpis faktori i mekim moa bisnis wok, na tu i tromoi bikpela mani long wok developmen bilong faktori.

Ol kampani long Lae i kisim bikpela helpim long saplaim ol konstraksen samting bilong sanapim faktori. Taim wok bilong sanapim faktori i stat, faktori i givim kontrak wok long 8-pela kampani olgeta, wantaim 23 sab kontrak kampani.

Em i tru olsem planti samting bilong wokim faktori i kam long ovasis. Tasol ol kontrak kampani i kisim moa wokman



Ol sekyuriti wokman i sanap long geit bilong go insait long faktori eria long Malahang Indastrel eria. Kamap bilong faktori i givim sekyuriti kontrak wok i go long ol dispela lokol pipel.

long faktori eria na Lae siti. Dispela em ol ka o trak i karim tinpis i go long ol lain bilong saplaim long ol kastoma, na tu trak i karim ol solwara fis long sip i go long faktori.

Bipo nogat planti ka i ron namel long Malahang na Lae siti. Nau namba i go antap long 1,000 long wanwan de. Long dispela namba, 400 samting na go daun em ol PMV bas tasol i karim ol wokman meri wantaim ol arapela pasindia, na ol arapela lain i laik lukim faktori.

I gat klostu long 6,000 pipel i stap long ol setelmen klostu long faktori. Ol i kisim gutpela helpim nau. Nau yet ol i no inap wet longpela taim long kisim bas i go long taun. Ol bai wet solpela taim tasol na kamap

Planti ka na trak wantaim ol PMV bas i ron namel nau

pinis long taun. Ol pipia bilong solwara pis olsem het na tel i redi nau long go long fismil plen. Dispela fismil bai wasim gut ol dispela pipia. Na salim i go long ol bisnis lain i save lukautim pig na ol arapela bus. Dispela kain kaikai i gutpela bilong ol abus.

Wantaim kamap bilong fismil, dispela i givim sampela moa wok long ol lokol pipel na kampani husat i kisim kontrak wok.

Ol namba 2 helpim "indirect spin-off effects"

Planti sait bisnis i gro o kamap bikos long kamap long Lae tinpis faktori. Bikpela tru em long ol lokol kampani i kisim kontrak long konstraksen bilong faktori.

Kamap bilong faktori i

helpim tu ikonmik bilong gavman wantaim sindaun na amamas bilong ol pipel. Planti lain i kisim wok nau. Na nau ol i gat mani long kamapim gutpela laip na sindaun, wantaim amamas.

Ol wokman meri tu i lainim wok na kisim moa save nau. Bipo ol i nogat dispela kain save long wok.

Tred stua long ol ples arere long faktori i kisim moa mani tu.

Bikos moa pipel i wok na gat mani long baim samting.

Wok painimaut long pinis bilong yia 1994 i soim olsem planti stua i salim planti samting.

Na tu planti gaden kaikai i kamap nau long salim kaikai long ol wokman meri long faktori.





□ Ol pikinini i kism ol presen long Pater Krismas long Special Care Centre long Hohola. Poto: Joe Ivaharia.



□ Antap: Noken ting olsem ol lain i sore na penim fes bilong ol. Nogat! Dispela em ol lain Kerema husat i stap long Mosbi i amamasim Nu Yia 1996.


□ Raithan: Dispela em i wampela paia-woks bilong Nau FM taim ol i bin kamapim long amamasim nupela yia 1996. Ol potos: Joe Ivaharia.



□ Kawi i kis wantaim koki bilong em Kela. Kela i save long kaikai rais na em i tu i save long kis. Pisin ya i bin kam long Bogenvil las yia tasol long Sande, Kela i bin lus long Murray Barracks. Poto: Eddie Saunders.



□ Pater Krismas i givim moa presen long ol pikinini long taim bilong amamasim krismas. Poto: Joe Ivaharia.



□ Miss PNG Imakone Sioa i managalim stret Orchy dring. Imakone i bin winim Mis Fransip taitel long Mis Asia-Pasifik kontes long Manila, Pilipins.

PNG LAIPSTAIL

Ela Bis em 'laip seiva' bilong ol Mosbi pipel

TAIM bilong bikpela san na tuhat i givim mekimsave stret long planti pipel long ol siti, taun o ples. Taim yu pilim hot, wanem namba wan samting em yu laik mekim?

Yu tok tru sapos ansa bilong yu em waswas o sindaun long sampela hap long kisim gutpela kol win.

Hia long bikpela siti bilong Mosbi, tuhat em no save isi. Long wanem Mosbi em i wanpela ples bilong strongpela hot san stret.

Wanpela long ol ples we planti pipel insait long Mosbi siti i save go long en long sindaun malolo, kisim kol win na larim ol pikinini i pilai na waswas long lusim tuhat em long Ela Bis.

Long olgeta de, planti pipel long siti bai i redim ol senis na liklik kaikai samting bilong ol pikinini na go long Ela Bis long sindaun na kisim kol win. Tasol Ela Bis em i no ples malolo bilong ol famili tasol. Ol kainkain lain, maski ol i yangpela manmeri, ol skul manki, ol wokman meri na ol lapun tu i save go malolo na pulapim Ela Bis.

Long ol Sarere na Sande, dispela ples i save pulap stret. Sapos yu laik painim gutpela hap long sindaun gut na malolo na kisim kol win, traim long go long samting olsem 10 klok moning na bai yu painim spes.

Long dispela taim tu, planti pipel insait long taun i pret long go na malolo long ol ples olsem Varirata Nesanel Pak na Kristel Rapids long Sogeri Valley, ausait long Mosbi siti.

Dispela em long wanem raskol pasin i go bikpela long tude. Na tu planti pipel i nogat ka bilong ol yet long raun i go malolo long ol dispela ples ausait long siti.

Olsem na Ela Bis em i wanpela hap we planti lain i go long malolo, was was, kisim gut kol win na hap we ol pikinini i ken pilai long wesana swim long solwara. Mipela i ken tok olsem Ela Bis em laip seiva ya.

Planti gutpela samting long ol pikinini long pilai amamas long Ela Bis i stap nau. Olsem hapwok bilong Nesanel Kapitel Distrik Komisen (NCDC) long putim ol samting bilong helpim ol pikinini i amamas, ol i putim ol swing samting long ol manki long siso long ol na ol arapela moa olsem long ol manki i siso long ol. Nau ol papamama i ken sindaun stori na kisim gut kol win long taim ol pikinini i pilai amamas i stap long ol siso.

Long dispela ol pikinini i save long pilaim ol masin gem o pilai nabaut, i gat ol hap bilong pilai long en long Ela Bis. Long dispela ol masin we yu ken painim long ol tekewe hap long Ela Bis, ol manki i ken putim 20 toea na pilaim ol kain gem bilong mekim ol i amamas.

Olsem wanpela husat i save go long Ela Bis, mi lukim olsem planti ol kain samting i save kamap tu long Ela Bis antap long ples olsem malolo hap. I

VERONICA HATUTASI i raitim

gat ol kaikai na buai we ol man i salim i stap. I luk olsem sapos kol win i swit tumas na yu no karim wanpela kaikai o dring bilong yu na ol pikinini i kam long haus, yu no inap long pilim hangre. Bikos i gat ol kaikai long ol liklik takas-toa long ples bilong malolo, ol biskit, twistis, aisblok, kiau na sof dring we ol manmeri i salim i stap. Na yu no nap long painim buai bikos i gat planti i stap we ol manmeri i salim long nambis yet.

Hia em as tingting long sampela lain na watpo tru ol i save go long Ela Bis.

"Ol pikinini i save laik long mipela i kam long nambis na ol i was was long solwara, pilai long waisan, painim ol sel nabau na swim. Bikos long haus em i tuhat na nambis em i wanpela hap we ol manki na ol bikpela manmeri i ken sindaun na kisim gut kol win. Planti taim tu, mipela i bungim ol poroman na wantok long nambis na stori wantaim ol," Dinah husat i mama bilong tripela pikinini i tok.

Kam long Ela Bis tu ig ivim sans long bungim ol ol poroman na poromeri husat i no lukim wanpela arapela long longpela taim.

"Mi bin amamas tru long bungim wanpela wanskul bilong mi long bipo na ol pikinini bilong em hia long Ela Bis," Helen, wanpela wokmeri na mama bilong foapela pikinini i bin tok.

"Pastaim mi no luksave long dispela poromeri tasol em yet i kam na askim mi sapos mi em dispela meri wanskul bilong em long planti yia i go pinis na mi tok em mi tasol. Na mitupela i sekan na amamas i stap. Nau ol famili bilong mipela i poroman gut tru gen bihain long planti yia mipela i no lukim wanpela arapela," Helen i tok.

Monty em i wanpela manki husat i gat 12-pela krismas.

"Antap long mi kam long waswas long Ela Bis, mi save laik pilai tu long ol gem masin we ol i save putim twenti toea na pilaim.

"Dispela em ol komyuta gem na ol i stap long sampela ol hap olsem long Koki na ol arapela ples moa long ol yangpela pipel long malolo na pilai long ol," Monty i tok. Em na ol wanskul na poroman bilong em i save fultaim stret long pilai long ol dispela gem masin ya.


Ela Bis em i wanpela gutpela ples bilong olgeta kain man insait long Mosbi siti long sindaun malolo na kisim gutpela kol win long em.

Olsem na yumi i mas lukautim gut ples na roken tromoi ol pipia nabaut na mekim ples i luk doti.

Na i moa gut long ol man husat i laik kamapim sampela kain trabel long stap klia long Ela Bis bikos em i ples malolo bilong ol mama, ol pikinini na ol man husat i laik stap isi tasol.



□ Pikinini ya i sindaun antap long wanpela drai diwai em i bin drip antap long solwara.



□ Foapela pikinini ya i pilai antap long siso o swing em Nesanel Kapitel Distrik Komisen i putim bilong amamasim ol pikinini.



□ Tupela pikinini ya bilong Sentrel provins i mekimsave long pilai long wesana na ol toy bilong tupela.

Ol yangpela gat nem long wokim piksa

NEVILLE CHOI i raitim

PLANTI manmeri na pikinini long Papua Niugini i save long wanpela biknem piksa em ol i wokim long kantri yet. Nem bilong dispela piksa em "Tukana".

Dispela piksa em ol yangpela manmeri bilong kantri yet i ek insait long en. Na tu piksa i stori long laip na sindaun bilong ol pipel long kantri.

Bihain long Tukana, ol arapela piksa em ol PNG manmeri yet i wokim insait long kantri i kam aut tu. Tasol ol dispela piksa i nogat biknem tumas olsem "Tukana".

Nau yet bisnis bilong wokim piksa i no bikpela long kantri. Tasol sampela pipel i driman long kamap ol top ekta. Na i gat bilip olsem bisnis bilong wokim piksa bai kamap bikpela long sampela taim bihain. Sampela bilong ol dispela yangpela pipel i skul nau long Fakelti bilong Krietiv Ats (FCA) long Yunivesiti ov Papua Niugini long Waigani, Mosbi. Ol i skul o lainim long Tieta Ats o save bilong ek long ol pilaia drama long tieta.

Na long namba wan taim, ol dispela studen bai ek nau tasol long wanpela piksa em i gat tripela hap olgeta. Piksa ya i stori long hevi bilong ol papamama i kamapim planti pikinini, we i nogat inap wok bilong ol dispela pikinini.

Na tu sindaun bilong ol dispela famili i no gutpela tumas. Long wanem papamama i painim hat long lukautim planti pikinini.

Yunaited Nesens Populesen Fan (UNFPA) i givim mani bilong wokim dispela piksa.

Ol ekta insait long dispela piksa i kam long FCA na National Performing Arts Troupe (NPAT).

Tupela hap bilong dispela piksa em ol i wokim pinis. Nem bilong namba wan hap bilong piksa em ol i kolim long tok Inglis olsem "Meeting You" (Bungim Yu). Namba tu hap bilong piksa em ol i kolim "Growing Up" (Kamap Bikpela).

Namba hap bilong piksa, 'Meeting You' i stori long pasin bilong manmeri i raun nabaut na slip wantaim na bungim sik gonoria o AIDS. Na i skulim ol pipel long gutpela pasin bilong yusim gumi o marasin long abrusim dispela kain sik.

Namba tri hap bilong piksa em klostu bai ol redi long wokim.

Long ol studen bilong FCA, long ek insait long piksa em i namba wan taim bilong ol. Na ol i amamas tru long praktisim wanem samt- ing ol i lainim long skul long kamap ekta.

George Ereman em i wanpela namba 4 yia stuen bilong FCA. Em i tok long wokim wanpela piksa em i narakain wok olsem long ek long wanpela pilai drama long tieta.

George em i prodaksen menesa bilong dispela piksa. Em i tok em i painim



□ Tripela studen bilong Fekelti ov Krietiv Ats long UPNG. Long lephan i go long rait em George Ereman, Lucy Kiori na Moses Miapa.

"Ol pipel bilong dispela kantri i ken ek, maski ol i no go long skul bilong ek. Bikos ol i kamap wantaim pasin bilong ek. Olsem na moa pipel mas kamap ekta, na mas i gat moa sapot long kamapim piksa bilong PNG yet."

hat liklik long wok olsem prodaksen menesa bilong dispela piksa.

"Dispela em i wanpela gutpela sans bilong mi stret long kam aut na pilim wok bilong menesim wok bilong wokim piksa," em i tok. "Em i narakain olgeta long ek long pilai drama long tieta olsem mipela save wokim long skul."

Olgeta samting George i lainim long skul long wokim piksa em i isi. Tasol nau em i painimaut olsem long lainim wok bilong ek na wokim piksa em i isi.

Tasol taim yu stap insait long dispela wok, bai yu painim olsem em i wanpela hatpela wok stret.

"Wantaim piksa mi ting em bai isi. Tasol long wokim piksa em i no isi. I gat taim we yu mas pinisim ol samt- ing, na tu i gat ol arapela wok bilong mekim," George i tok.

George bai wok yet olsem prodaksen menesa namba

tri na las hap bilong dispela piksa.

Ol arapela namba 4 yia studen i ek o stap insait tu long wokim dispela piksa. Nem bilong ol em Moses Miapa na Christopher Usuke. Moses na christopher em tupela ekta bilong piksa. Na dispela em i namba wan taim bilong tupela. Tupela i gat nem long ek long ol pilai drama tasol long tieta.

Tupela i tok dispela bai namba wan taim bilong tupela long ek long wanpela muvi. Na em i wanpela bikpela salens stret long tupela.

"Mi skul long ek na dairekta piksa long FCA. Na dispela sans em i wanpela bikpela salens stret long mi," Moses i tok. "Mi lainim wanpela gutpela samting. Na tu mi wok olsem wanpela ekta long dispela piksa, mi tren- ing tu olsem wanpela dairekta long piksa."

"Long ek long pilai drama na piksa i narakain liklik, na

wankain long sampela samting," Moses i tok.

Christoper i gat narapela stori gen long dispela. Bikos long piksa, em i namba wan ekta, na i ek olsem Tom.

"Em i namba wan taim bilong mi long ek long piksa. Na i bin hat liklik long mi. Olsem namba wan ekta long piksa, yu mas wokim planti samting we sapos yu ek long pilai drama, yu no inap wari long ol dispela samting. Olsem ol bai kisim piksa long yu long kainkain kona, kisim kamera i kam klostu tru long yu, na olgeta samt- ing yu wokim bai ol lukim," Christopher i tok.

Moses na Christopher i lukim olsem taim yu ek long pilai drama, em yu ekting pasin na stail bilong wanpela man em yu makim. Tasol long piksa, yu mas traim long bihainim pasin bilong yu yet.

Moses i ting tu olsem planti yangpela manmeri bilong PNG i ken kamap ol top ekta.

"Ol pipel bilong dispela kantri i ken ek, maski ol i no go long skul bilong ek. Bikos ol i kamap wantaim pasin bilong ek. Olsem na moa pipel mas kamap ekta, na mas i gat moa sapot long kamapim piksa bilong PNG yet."

Narapela studen husat i stap insait tu long wokim dispela piksa i no ekta.

Em i save wokim ol klos laplap po bilasim ol ekta bipo ol i ek long fran bilong kamera. Nem bilong dispela studen em Lucy Kiori. Na em i bilong Simbu provins.

Lucy i skul long wokim disain o mak bilong ol klos laplap (costumes and fashion design. Long dispela piksa, Lucy i save wok bilong em yet. Em yet i makim ol klos laplap na disainim.

"Mi save laikim long wokim disain bilong ol klos laplap. Long namba wan taim mi painim hat liklik. Tasol nau em i orait liklik," em i tok.

Long dispela 4-pela studen, dispela em ol i lukim olsem namba wan rot bilong ol long go insait long wok bilon wokim na ek long ol piksa insait long kantri na wol.

Sapos driman bilong ol i karim kaikai na bisnis bilong wokim piksa long kantri i groa, em sans bilong ol nau ya. Narapela meri husat i stap insait tu long piksa em.

Jenny Niru. Em i bilong Westen provins.

Jenny i stat ek nau tasol wantaim National Performing Arts Troupe.

Bikpela brata bilong Jenny i bin ek long wanpela pilai drama ol i kolim "Chant Of The Witchdoctor". Na ol i bin painim sampela meri long ek insait long dispela pilai. Orait brata bilong em i kisim em i go ek long namba wan taim.

Nau yet Jenny i skul long bisnis na komyuta long Yunivesiti ov Papua Niugini. Em i no save ek planti taim long bipo.

Tasol em i tok em i no painim hat long ek long tieta, na bihain i go ek long piksa.

Jenny bilip olsem dispela kain piksa bilong skulim ol pipel bilong kantri long kamapim gutpela sindaun em gavman i mas sapotim.

"Sapos gavman i laik kari- maut moa pablik aweanes kempen long kainkain samt- ing, orait ol i mas kamapim moa drama long sait bilong piksa," em i tok. "Piksa bai skulim ol pipel moa long ol posta em nau gavman i yusim."

Wanwan hap bilong dispela piksa i gat 30 minit olgeta. Na ol i ek na kisim piksa long kainkain hap bilong Mosbi siti.

Tukana Media Productions i wokim dispela piksa wantaim Yunaited Nesens Populesen Fan...

Ol save lain bihain long kamera bilong EM TV

ELIZABETH LENY i raitim

MEKIM Musik na Pepsi Fizz em tupela program bilong EM TV em planti Papua Niugini manmeri save laikim stret long lukim. Dispela em tupela bilong sampela program EM TV yet i wokim na soim.

Mipela i no save long wanem ol lain tru i save wokhat na ol dispela program i kamap long televisen, na mipela i amamas long lukim.

I nogat planti man i save mekim dispela wok. Em 6-pela lain tasol em ol i save kolim ol yet olsem "production crew" long Inglis.

Andrew Sariman em Program Prodaksen Supevaisa, husat i go pas ong bosim dispela seksen bilong EM TV.

Sare Nunua, husat i wanpela saveman tu long go pas olsem dairekta tu bilong ol program long sampela taim.

John Jay i lukautim ol kamera long studio. Wok bilong Mista Jay em long lukim olsem ol kamera i redi bipo ol i go aut long kisim piksa.

Na Bill Kamaki i lukautim teknikel wok bilong studio. Dispela em long stretim o lukim olsem lain bilong ol maikrofon i stret, wantaim ol masin bilong katim nois na stretim piksa. Mista Kamaki i lukautim tu wok bilong laip brodkas ausait long studio.

I gat tpela meri tasol long dispela seksen. Nem bilong tupela em Patricia Popei na Joyce Kuburam. Tupela save helpim long ol prodaksen wok, yusim kamera long kisim piksa na ol arapela wok insait long studio.

Olgeta 4-pela teknisen ya wantaim Mista Nunua na Mia Sariman i save long dairektim ol prodaksen wok.

Wok bilong dairekta em long givim oda long program i mas kamap olsem wanem, na piksa i mas kamap gut.

Em bai wok bung tu wanaim produsa long save long wanem kain program bai ol i wokim.

Wok bilong produsa em long raitim ol toktok em bai kamap long piksa. Na tu bai givim oda long dairekta long wanem samting bilong mekim.

Long ol dispela pipel, taim em i bikpela samting. Ol i noken go pas long taim o kam bihain long taim, maski em i wanpela seken tasol long klok. Ol i mas stret long taim ol i makim.

I gat tupela kain program em i save kamap long olgeta de. Dispela em laip program, na narapela em ol i rekotim o katim pinis na pilaim tasol.

Ol program em i save kamap laip em Mekim Musik, EM TV News na Kid Kona. Ol arapela program em ol i katim pinis. Na save soim bihain. Ol prodaksen wokman meri save lukautim 8-pela program olgeta. Em ol EM TV News, Mekim Musik, Kids Kona, Chit Chat, MInd and Body, Sing with Joy, Toksave na Fizz.

Mekim Musik na Fizz em ol prodaksen wokman meri yet i wokim. Ol arapela program em ol lain i presentim long televisen i save go pas long wokim.

Andrew Sariman i tok wok bilong ol em long helpim na putim



□ Andrew Sariman (raithan) wantaim Armstrong Mileng i wok insait long EMTV Program Prodaksen studio.


wantaim ol program. Dispela em long makim ol gutpela hap bilong piksa wantaim musik. Na tu long lukim olsem olgeta samting i orait bipo ol i soim wanpela program.

Em i tok ol i save wokim program long wanpela wik bipo ol i soim. Dispela em bikos bai gat inap taim long wokim ol senis sapos i gat.


Em i tok wok bilong ol em i hat liklik. Olsem na sampela bilong ol i save stat wok long 30 minit i lusim 4 klok moning, taim planti manmeri i holim pasim blaket yet long bed.

Ol i no wari long dispela. Bikos dispela em wanem samting ol i mas mekim. Long wanem ol i gat save long en. Na ol i amamas long wanem kain wok ol i mekim.


Ol prodaksen wokman meri save lukautim 8-pela program olgeta. Em ol EM TV News, Mekim Musik, Kids Kona, Chit Chat, MInd and Body, Sing with Joy, Toksave na Fizz. Mekim Musik na Fizz em ol prodaksen wokman meri yet i wokim. Ol arapela program em ol lain i presentim long televisen i save go pas long wokim.



ZENAG



"GUTPELA KIAU"



I STAP LONG OLGETA NABAWAN RITEL
NA HOLSEL STUA LONG PAPUA NIUGINI




Big Bro REBO



Spak MAIK



SUPREME GUTPELA PRAIS



ISTAP NAU!

Was gut long ol "konman" o man bilong giaman

JAMES KILA | raitim

OL MANMERI i mas was gut nau taim ol i raun long taun na bungim ol nupela pes man husat i laik staim stori wantaim ol.

Oi i mas lukluk gut bikos sampela taim dispela ol man ol i tok-tok long ol i ken giaman tasol. Dispela ol lain bilong giaman em ol i save kolim ol "konman"

Nau yet namba bilong ol dispela lain konman i wok long go bikpela long planti kona bilong kantri. Ripot i save kamap long niuspepa i tok lukaut pinis olsem dispela ol konman i lain nogut tru na ol i ken giaman na stilim bikpela mani tru lonh ol man husat i no save gut long ol.

Oi manmeri mas save olsem ol konman i no bilong PNG tasol. I gat sampela waitman na ol lain bilong Esia tu husat i save wokim dispela giaman wok raun long PNG.

Sampela bilong ol dispela lain bilong ovasis i ken giaman ol pipel long mani na stat long wokim wok long graun bilong ol, na bihain ol i kisim bikpela mani pinis ol bai lusim kantri na ranawe.

Dispela ol man bilong giaman



tasol o konman i wok long mekim planti ol wok bilong ol long ol lain husat ol i lukim olsem i isi long giaman na tu ol bisnis man husat i gat planti moni.

Planti taim ol i save wokabaut olsem ol wokman bilong opis stret. Ol i save karim brif-kes na ol pepa bilong opis.

Oi dispela konman i save putim ol gutpela klos, trausis na su na ol manmeri i save luk olsem ol i wok-

man stret.

Planti bilong ol dispela konman em ol saveman husat i go long skul olsem yunivesiti tu wantaim. Tasol bihain long ol i pundaun long skul na wok bilong ol, planti i stat long wokim dispela giaman pasin long paulim ol pipel.

Taim ol i toktok bai yu ting olsem ol i save gut tru long wanem samting ol i toktok. Ol i save karim ol giaman ID kat na

binis kat sampela taim long trikim ol man. Sampela taim ol dispela bisnis kat i no bilong ol. Ol i save giaman tasol na karim long soim olsem ol i wok long ol kampani o gavman dipatmen.

I no long taim i go pinis long las yia Novemba, wanpela niuspepa i bin kisim wanpela telepon i kam long Lae long stapim ol long yusim wanpela poto we i gat wanpela konman i sanap wantaim ol

papa bilong kampani.

Dispela konman, nem bilong em mipela i no inap kolim, i bin giaman ol menesa bilong dispela kampani olsem em i wanpela menesing dairekta bilong wanpela bikpela timba kampani we i gat opis bilong ol tu long Nu Silan.

Em i tokim ol bikman bilong dispela kampani olsem sapos ol i givim em sampela mani wok bisnis bilong ol i ken go bung wantaim kampani bilong em.

Tasol bihain ol i painim aut olsem dispela man i wanpela mauswara man tasol na em i nogat wanpela bisnis tru aninit long men bilong em. Laki tru ol i no givim em mani.

Oi dispela konman i gat planti ol wei bilong ol long grisim ol man. Planti taim dispela ol konman bai giaman na toktok long wanem man ol i bungim nupela olsem ol i save long ol bipo yet.

Oi bai giaman na tok olsem, "Hei kas yu orait a? Oi femili i stap orait o,"

Planti taim bai yu ken paul liklik bikos kain toktok bilong ol tu ya i ken mekim yu ting olsem ating yu mas save long dispela man ya. Tasol sapos em i toktok moa yet, traime na askim em long olsem wanem tru na em i save long yu.

BIRUA MAN

MAN LONG GIVIM BIRUA LONG OL RASKAL





■ Long Bukawa long Morobe provins i gat wanpela hap man stret. Las wiken ol ron long bot i go long ples. Taim ol i laik sua, bot i go pas long wesana arere long nambis.

Ol pasindia pret i stap na kwiktaim Kanage tokim ol: Man bilong stiam bot, yu klia pastaim. Bai mi wokim James Bond 007 stail na rausim bot long wesana.

Em tok olsem na hatim ensin bilong bot. Na kamautim bot long wesana i go daun gen long solwara.

Ol manmeri i lap indai stret long Kanage.

• Na taim ol i stap long ples, liklik pikinini meri bilong Kanage i go toilet long bus toilet, na bihain askim bubu bilong em: Bubu, hap bilong presim wara we?

Pikinini bilong Kanage ting olsem toilet bilong ples i olsem toilet bilong haus long Mosbi.

• Long sem wiken yet pikinini i lukim sampela kau na pik bilong ples i raun raun i stap. Kwiktaim em tokim papa bilong em: Tedi, em ol papi dog bilong mami ol a?

Papa Kanage
MOSBI

□ Kanage i bilong Madang. Wantaim taim em i go raun long Madang taun wantaim pren meri bilong em.

Long apinun, pren meri lusim Kanage na go bek long ples. Kanage wantaim raun raun i go na bungim sampela poroman. Bihain ol i takis mani na spak nogut tru. Na Kanage kalap long PMV na go bek long ples long apinun tru.

Taim PMV i kamap long Mawan, em i tokim boskru bilong PMV: Stapim ka pastaim na mi laik kalap ya. PMV stap na Kanage kalap i go daun na tokim boskru na draiva bilong PMV long paul inglis olsem: Tekov! I no money to buy you!"

Orait PMV tekov na Kanage wokabaut i go daun long Walex ples na painim pren meri bilong em. Taim em lukim pren meri, kwiktaim em wokabaut i go klostu na tokim pren meri: Pren meri bilong mi, bai gat?"

Pren meri smelim bia long Kanage na bel kaskas olgeta. Na hatim stret Kanage: Yu mas wanpela dog ya. Go painim long gaden bilong ol arapela man na stil. Bihain orait yu ansa long ol.

Man Kanage sem pipia stret na tekov olgeta long haus bilong em.

Bawasa
MADANG

■ Kanage i bilong Tari long Sauten Hailans provins. Wantaim de olgeta man i go bung long hausman. Na paitim toktok long ol bikpela senis em i wok long kamap long eria bilong ol.

Hausman em ol i wokim na i stap antap long bos. Ol i miting na Kanage i mekimsave long tanim longpela brus na smok i stap. Hap yau em i putim i go long miting.

Taim ol miting i stap, wanpela bikpela longpela muruk em ol i lukautim long ples i wokabaut i kam aninit long hausman. Sem taim Kanage i pilim nogut long bel na kapupu.

Ol man i mekimsave long toktok i go i kam na i no harim kapupu bilong Kanage. Muruk tasol i harim. Bikos em i stap aninit long haus long hap Kanage i sindaun.

Muruk i harim kapupu na tanim lukluk i go antap long fioa bilong hausman. Na lukim tupela wilwil bilong Kanage i hangamap long hul bilong fioa bilong hausman. Tupela wilwil ya i wait nogut tru.

Muruk i lukim na ting olsem em tupela prut bilong diwai. Kwiktaim muruk apim longpela nek i go antap, na kaikai tupela wilwil bilong Kanage.

Kanage i kirap nogut na singaut narakain stret olsem: We-e-e-ya-ah-a-a-a-ai mai twenti kolis! Yu save, strong bilong ol man save stap long tupela wilwil ya. Dispela em las singaut i kamaut long maus bilong Kanage, na em pundaun hap indai.

Ol arapela man i longlong o kalap nogut na das nabaut long hausman.

G. Bijo
KIMBE

Tupela pikinini kamap saksak man na meri



BIPO bipo tru long taim bilong tumbuna, i gat wanpela man na meri bilong em i save stap long maunten Bosavi long Komo eria insait long Sauten Hailans provins.

Dispela bus maunten i nogat wanpela manmeri i stap. Man na meri ya i stap wantaim tupela pikinini bilong tupela tasol. Namba wan em pikinini man na namba tu em pikinini meri.

Nem bilong pikinini man em Kumayia. Na nem bilong pikinini meri em Yia.

Kumayia na Yia save stap gut tru na pilai wantaim. Tupela i no save kros pait namel long tupela yet.

Olsem na papamama i laikim tupela stret. Na save lukautim gut tru tupela.

Olgeta de papamama save go long bikbus. Na painim abus bilong ol long kaikai long apinun na nait. Tupela pikinini tasol save stap long haus. Na pilai pilai i stap.

Tupela pikinini stap i go na kamap bikpela liklik we tupela i ken wok gaden. Orait taim papamama i go painim abus long bikbus, tupela pikinini save go arere long maunten Bosavi na wokim gaden bilong tupela.

Pikinini man, Kumayia i



wokim gaden bilong em yet. Gaden bilong em i stap long sait bilong maunten i lukluk i kam olsem long Kutubu, Kerema na Sentrel provins.

Na susa bilong Kumayia, Yia tu i wokim gaden bilong em yet long sait bilong maunten i lukluk i go olsem long Daru na Sepik.

Man tupela i wokim bikpela gaden stret. Tasol papamama i no save olsem tupela pikinini i gat bikpela gaden.

Bikos olgeta de taim papa-

mama i go long bikbus, tupela pikinini save go wok long dispela gaden bilong tupela.

Orait wanpela bikmoning tru, papamama kirap kisim olgeta samting na go insait long bikbus long painim abus. Kumayia wantaim Yia slip i go na kirap long sampela aua bihain.

Tupela kisim tu ol samting bilong wok na go kamap long gaden. Tupela wokhat stret i go klostu long apinun na pilim skin i pen olgeta. Orait tupela malolo na slip long gaden i

stap.

Tupela slip i go na i no moa kirap. Tupela slip indai olgeta long wanwan gaden bilong tupela. Na long biknait, kru bilong het bilong tupela i tanim na gro olsem wanpela diwai long wanwan gaden bilong tupela.

Papamama i no save olsem tupela pikinini i senis pinis long gaden. Tupela i kam bek long bikbus long apinun, na wok long painim tupela pikinini i stap. Papa na mama i painim olgeta hap. Tasol tupela pikinini i no moa stap.

Bikmoning tru, papamama i kirap bihainim lek bilong tupela pikinini i go na kamap bungim dispela tupela gaden. Man tupela i kalap nogut stret.

Tupela wokabaut isi isi i go insait long gaden na lukim tupela saksak i sanap. Tupela pikinini i kamap pinis olsem saksak.

Papamama i wari na kraik nogut tru long dispela hap. Na bihain tupela i go bek long ples.

Tupela saksak i kamap waitpela na redpela. Waitpela saksak i kamap long Kumayia (man saksak), we i pulap stret long sait bilong Kutubu na Kerema, we Kumayia i wokim gaden long en.

Na redpela saksak i pulap long Daru, Kiunga na Sepik, we pikinini meri (Yia) i wokim gaden long en.

Em tasol sotpela stori bilong mi.

Yukari Talipe
Para Viles-Komo
Sauten Hailans provins

Man paul long maritim tupela meri



Dia LAIPLAIN,

Taim mi kam long siti, mi pren-im wanpela Kristen meri na mitupela i kamap gutpela pren nau. Mitupela i plenim long marit klostu. Mi tokim meri ya long meri bilong mi long ples, husat i lukautim wanpela pikinini bilong mitupela tasol.

Mi laikim tupela meri wantaim. Tasol mi no save long husat bai mi stap wantaim olsem meri bilong mi inap mi indai. Sapos mi maritim tupela meri wantaim, bai mi stap amamas o bungim hevi.

CHANCE IT

Dia PREN,

Yu maritim tru meri long ples o nogat? Sapos yu marit, yutupela i marit long kastom, o long haus lotu o long wanpela gavman opis. O yutupela i stap wantaim tasol long sampela taim.

Yu gat tingting olsem yu laik maritim tupela meri wantaim bikos yu painim hat long makim wanpela.

Mipela i amamas long harim olsem prenmeri yu bungim long siti em i wanpela Kristen. Yu no tokim mipela sapos yu wanpela Kristen tu. Long pasin bilong lotu, ol toktok bilong Kristen i no oraitim man long maritim moa long wanpela meri.

I gat gutpela as bilong dispela lotu pasin. Bikos askim mipela olsem nogut yu bungim hevi sapos yu maritim tupela

meri wantaim. Ansa bilong dispela askim em, yes, yu bai bungim hevi. Pasin bilong maritim planti meri i no gutpela. Bikos sampela meri bai no inap amamas.

Maski man i gat inap mani long rdim kaikai na mani bilong ol meri pikinini, man bai laikim wanpela meri na sampela pikinini tasol. Na dispela bai kamapim jeles pasin long marit. Dispela em wanpela bikpela as we planti eria olsem bilong ol Kristen pipel, i no oraitim man long maritim planti meri.

I luk olsem yu no toktok yet wantaim tupela meri long dispela samting. Tupela bai ting

olsem wanem long yu maritim tupela wantaim. Mipela ting olsem prenmeri long taun, husat i Kristen, i no inap laikim tingting bilong yu maritim tupela meri wantaim.

Sapos yu maritim tupela meri wantaim, ol hevi yu bai bungim i hangamap long pasin bilong yu na tupela meri wantaim. Mipela makim olsem yu bai bungim bikpela hevi stret. Tasol mipela larim long yu yet long mekim tingting long dispela samting.

Mipela i no inap tokim yu wanem samting long mekim. Dispela em samting yu yet bai mekim tingting long en.

LAIPLAIN

TOKSAVE

Salim ol hevi na wari bilong yu i kam long Laipplain, PO Box 6047, Boroko. Yu ken ringim mipela tu long telipon namba 326 0011. Mipela i no inap autim trupela nem bilong yu long hia. Tasol taim yu rait long Laipplain, yu mas putim trupela nem na adres bilong yu, bai mipela ken bekim pas bilong yu.



BOUGAINVILLE COPPER LIMITED SAVINGS AND LOAN SOCIETY LIMITED

Long Ogas, 1994, Sosaiti i bin putim tosave long "Post Courier" na "The Times" niuspepa long ol BCL memba i mas givim ripot bilong ol long Sosaiti Opis long Mosbi long wok bilong ol. Dispela em long mekim Sosaiti i pinisim ol pe-aut i go long ol dispela lain memba husat i no kisim yet ol fainal balens long seavings akaun bilong ol long Sosaiti. Sosaiti i wok long mekim pe-aut i go long ol lain memba husat i stap yet wantaim fainal seavings balens. Planti lain i kisim pe-aut bilong ol pinis na ol likdik lain i no kisim dispela pe bilong ol.

Ol memba husat nem bilong ol i stap daunbilo i mas repot long Sosaiti long P O Box 6200, Boroko, National Capital District na toksave long fainensel wok bilong yu wantaim wanem tingting belong stretim fainal seavings balens bilong yu. Ol ripot memba i mas givim;

Name: BCL Employee Pay No: Employment (Wok) Section: Signature (Sain)
(Certify Information by signing)

ABA ALOYSIUS
ABE YUGARI
ABINA JOACHIM
AGA WILLIAM
AHI AUTRY
AHI POHA
AIMBARI CHRIS
AINO JOHN
AIIO JOHN
AIPAKU WILLIAM
AISA LOUIS
AISA MATHEW
AISOLI TAPALA
AIVIA BRUNO
AKA
AKA BERNARD
AKENARI LOFTY
AKOITAI SAMUEL
ALBERT IROIRO
ALBERT MAIPO
ALEX LOLO HAIAPO
ALIPU EKA
ALLAN LAUFA
ALOIS SAMARIO
ALOIS TAKITAKI
ALOYS TABERENG PARIS
ALOYSIUS FELIX
ALOYSIUS IMAROTO
ALOYSIUS KOMMU
ALPHONSE KEMBRE
ALPHONSE YAMANG
ALU NAVU
ALU NUMA
ALUNG MARK
AMOS ESEKIA
AMOS HANBANIS
AMOS PIASINU
AMPASSY TAPUNAPOL
AMUC W. SAM
ANAKAI WILLY
ANAVE VAKEU
ANDREW DUMI
ANDREW KUBIKI
ANDREW N. IKUAVI
ANDREW NOMPO
ANDREW PEKUAKA
ANDREW RONALD SAUL
ANDREW TORIPA
ANAGASA PETER
ANGELO AITSI
ANGKON TIWAE
ANIEN DOKALA
ANTHONY BILLY HELELE
ANTHONY FABILA
ANTHONY MASIA
ANTON MINALOM
ANTHONY MISSION
ANTON PENNY
APELIS MAIKA
APO BRUNO
APOLOS MIKA
ARERE REI
ARERE ROUAH
ARET EREK
ARIUMA SIMON
ARU THERESE
ARUA LEO
ARUA SAIMON
ARUAK KAREA
ASI LESEGA
ATHANASIOUS MINO
ATING RINGANA
AUGI KOE
AUGUST EROL
AUGUSTUS WALANUASA
AUKA MARTIN
AUSUR SYLVESTER
AVAVAI CHARLES
AVERO RICHARD
AVURE WARAPE
AWANDING ROBIN
AWUI GERARD
B SANGAPA
BACCHUS KAPAPAL
BAGUS TIEPE
BAL RAYNOLD ATOMO
BALAI SUZANNA
BALIU TULE
BALIUNGA GAMBI
BAM WIE
BAMA KINI
BAMNE PETER
BANAH ROMIE
BANETA ANTHONY
BANNAH LYNN
BANUAI ALPHONSE
BASANG LAWRENCE
BASIL SAWA
BAUBAKE MARTIN
BAYABE JOSEPH
BEN KALULU
BENERIAN TUMU
BENJAMIN MODUDULA
BENNY KATU
BENNY LUVOGIT

BENSON JAMES
BENSON MATHEW
BENSON PENTON
BERENA REMIGIUS
BERGMANN PANG APU
BERNARD KAHUH
BERNARD LAPAGISIE
BERNARD NOBERT
BERNARD PHILIP
BERNIE KASHONG
BERTHA KEATEIN
BESU YAKASE
BEUTA TANANG
BILL VARE
BILLY JACKIE
BIROBEI MICHAEL
BLAISE GOLU
BLASIUS IKALOM
BLASPIUS TURAMAI
BOAS APMELEDY
BOGOSIA PETER
BOIO THOMAS
BONAI MARTIN
BONIFACE PILASI
BORUSAI ALOYSIUS
BOSMAN WALUM
BROWN WILLY
BRUNO MOKO
BUCK L. ULUNGA
BUI ISSAC
BULOS MULONG
BUNEI JOHN
BUNSIK JOHN
C. SARU
CASMIR SALEU
CEDRIC ALOIS
CELSUS GELEILO
CHARLES GEGERA
CHARLIE ROMALUS
CHERUM JOSEPH
CHIKA CYRIL
CHRIS COLLIN PARAHA
CHRISTOPHER KUMIS
CHRYSOSTOM MAINO
CLEMAS SAPAK
CLEMENT BURIKI
CLEMENT LOVIO
CONN JOHN
CORREN ANDREW
COSMAS KEAREI
DABBIE BUNGAT
DAITA BENJAMIN
DAKI LAWRENCE
DAMA SIPA
DANAM SEVEGE
DANIEL BOKOAR
DANIEL ISAMEL
DANIEL KURANGIK
DANIEL PIRA
DANIEL RARA
DANIEL TOMIT
DAT BEN
DAU GAVARI
DAVID DISING
DAVID ENAI
DAVID SOMOL
DAVID TOWARTAKUN
DAVID TUMANA
DENNIS POSARA
DENTAI JAMES
DIKA JOSEPH
DIAR ALBERT
DICK GEORGE
DICKSON DIROME
DIKOS JOHN
DIMA MAVAS
DISING GEORGE
DISING SIMON
DISING WALTER
DOA PETER
DOMINIC TURUMANU
DONALD KWONG
DONALD REDIBO
DUNKS ODELIA
DUNSIMOI FRANCIS
E. TUVI
EDON KONAMETE
EDWARD MUCHA ANTONI
EGA JOHNSON
EKONIA MALCOLM
ELIAS KALANG
ELINGA EMBROL
ELIZABETH ONI
ELIZAH IRESI
ELIZAH TOURALUR
EMIL THADEUS
EMMANUEL AIAMBU
EPE OVE
EPEL KAKABIN
EPELI DAVIKA
ERSUIT SARERE
ESSAM ROBIN
EZEKIEL ARON KAUPA
FAPIOU JOE
FIWARE STEVEN

FLORIAN DOUGLAS
FRANCIS BAKO
FRANCIS DENNIS
FRANCIS GIRE
FRANCIS HAWE
FRANCIS PETER
FRANCIS TOKURA
FRANCIS TOMMY
FRANCIS TSUNUNU
FRANK BANDICK
FRANK IWOKU
FRANK LOTIVI
FRED ANE
FRED TAVOL EMMANUEL
GABRIEL MARIKI
GABRIEL ORURA
GABRIEL TSARAVANA
GABRIEL WESLEY
GABRIELLA PITAR
GAMA HAOLI
GATANA SAHIN JUSTIN
GAWI ISO
GEOFFREY TOBA
GEOFFREY FRANCIS
GEORGE ADONGA
GEORGE LUALU
GEORGE SAWARE
GEORGE TAUWA
GERSON LOLO
GERSON TARAON
GETSI OTTO
GILAPANDE PETER
GIMA DAURE
GIMI KUSAI
GISOBA WILKENSON
GITU MARTIN
GOASE GUBA
GODFREY KALIT
GOKA KORA
GOLIATH TOPOLOKIA
GREGORY TOROHIN
GUAN DU
GUBA TOM
GUNASH TAGOG
HAHUT JOSEPH
HAHUT SINRUN
HAKINAU MATHEW
HANASIN ABEL
HANI ARTHUR
HANKE BESOMO
HAPEA GILBERT
HAPUTO COSMAS
HAROKO CHRISTOPHER
HATSIERE PETER
HAU KEVAU
HEDU KEREKERE
HEIKE ZAWIE
HENRS BILLY
HENRY ABA
HENRY CLARK
HENRY NARUA
HENRY SINEI
HENRY TURBARAT
HENRY WARKIA
HEREKIN MICHAEL
HERMAN DUMI
HERMAN FRANCISCA
HIHISA BERNARD
HIOB KAPOSAWA
HIPAI ALBERT
HIRU JOHN BOSCO
HITOHITO SIMEON
HOLI BALERI
HONGOPO MICHAEL
HOPP GODFREY
HORI JOSEPH
HURORO AMOS
IGNAS PIMAS
ILIAS IDINA
INGRIN WILLIAM
IONES MASILIU TORATING
IRIPU MATHEW
ISASAR AWANG
ISEREL KARAMU
ISRAEL ELENOA
ISSAC LEPAN
ITIOK BEN
ITOP AINGAS
ITOTO THADDEUS
J. MAKOLO
JACK HAPILITZ
JACK RINGA
JACK RUR
JACK T. MAMAT
JACK WILLIMON
JACKSON RUR ERO
JACOB ANTHONY
JACOB JAMES
JACOB KASPAR
JACOB NOVONA
JAKAWI GOPI
JAMES KOIMBO
JAMES KUTMAT
JAMES LAISAIT
JAMES LOGHA

JAMES MONONA
JAMES NAMOMITO
JAMES NEAP
JAMES PAMBEN
JAMES WASELOLO
JAMES WILLIAM
JAMES CONRNELIUS
JEREMIAH BOTANU
JIMMY LIVE
JINGA CLIVE
JIUH ROBERT
JOACHIM KONSEI
JOACHIM ORITANUNG
JOB RORUKORO
JOE KALY
JOE KARAI
JOE KOISEN
JOE LONGKAI
JOE REPASA
JOE TIMOTHY
JOEL KALOS
JOEL KAWAI
JOEL REMAR
JOEL TOBIAS
JOHN AEAVA
JOHN AITSI
JOHN ANDREW
JOHN BUMA
JOHN DAVIMAKO
JOHN HAYU
JOHN HEWABE
JOHN I. ALFIE
JOHN KATU
JOHN KINS
JOHN KOLAN
JOHN KURABO MOU
JOHN LOTE
JOHN LOU
JOHN MIMPIAI
JOHN MIRINGTORO
JOHN MIWAI
JOHN OKOLE
JOHN OKUPA
JOHN ONABUI
JOHN OSANI
JOHN PAUL KILA
JOHN PILO
JOHN PIONGATS
JOHN POGA
JOHN STEVEN AWI
JOHN TAVIRA
JOHN VINCENT
JOHN WAEKON
JOHN WARIGA
JOHNA KOKUA
JONATHAN RASOL
JONATHAN SEMIN
JONNY SIHANG
JORDI VESSOME
JOSEPH PENIAT
JOSEPH AGURPAI
JOSEPH BAABU
JOSEPH DAU
JOSEPH FARAPO
JOSEPH GEPE
JOSEPH HUOKOLI
JOSEPH KETAKA
JOSEPH KOME
JOSEPH KOREKAI
JOSEPH KOROABA
JOSEPH MAINEKE
JOSEPH MOINI
JOSEPH MURUNA
JOSEPH ONA
JOSEPH PETER
JOSEPH RATSI
JOSEPH ROLLY
JOSEPH SA
JOSEPH SAIRE
JOSEPH TAGANA
JOSEPH TAMARE
JOSEPH TURALOM
JOSEPH VUEREI
JOSHUA KURATS
JOSHUA RUNGNI
JUBILEE KURASAT
JUKARI DAVID
KABIFA BENSON MAGERI
KABON EPROM
KAGA IGA
KAILOU BENJAMIN
KAIPKIT BEN
KAIREY ARIETA
KAITEN JACK
KAK ISAIA
KAKAO MOSES
KALAKALE MICHAEL
KALAMENDI STANLEY
KALEP JOSEPH
KALU ANTHONY
KALULU PETER
KAMBI WUTAPUN
KAMBIU TORREY
KAME AYAP
KAME MENAPOL

KAMEA PULUNG
KAMI LUKE
KAMU API
KANAGE MICHAEL
KANAU JOHN
KANAWI MATAWAI
KANINI
KANKU STEVEN
KAPEN PATRICK MAINO
KAPINIAS UMONG
KAPUTIN MELLIE
KARA MARAKI
KARASIN NORMAN
KARATU JACK
KARAU THOMAS
KARIGAL JOHN
KARIK SILINGI
KARU MAKAO
KARUA AITA
KASPAR APA
KATATO ISO
KATSAIA THOMAS
KAUBA WAISALE
KAUMONU ANDREW
KAVANAMUR HENRY
KAVANAMUR PATRICK
KAVOP WILSON
KAWARA PHILIP
KAWET MARI
KEAREI PETER
KEITH KAIPASA
KELIO JEREMIAH
KELLY KINAMUR
KELVENSON JAUNGO
KENATSI UZZIAH
KENKUA ROBERT
KENNETH JAMBO
KERENGA PHILIP
KEREUS MAPI
KIHA ROBERT
KIKI KWALAHU
KILACH KICHAPAS
KILOK AMBROSE
JOHN ONABUI
KIM PEREMA
KINAWAI LAWRENCE
KIOHIN THOMAS
KIPUNGKI JOHN
KIRISU KARAU
KRIS THOMAS
KISS WINGAS
KISU JAMES
KIVU APOLLOS
KIWA WILLIAM
KOALA KOA
KOATI IAN
KOIE IAN
KOIEBA PETER
KOIPERE WILLIAM
KOIRI MAURICE
KOIRI TAPARA
KOISEN J.S.
KOKONI JOSEPH
KOMU MICHAEL
KONJANG FRED
KOPMAN AKAS
KOPMAN EDWIN
KORERUA JEREMIAH
KORIOU DAMIEN
KORONA STEVEN
KOTTEN CHARLES
KOWA SEBONG
KUAM CLIFTON
KUBO GORDON
KUHU KIUMO
KUIAKA MOSES
KUIAU WILLIAM
KUITOLAI NAGIDAGEDA
KUIVAKA MOSES
KUKULIT ALLAN
KULEP KIAPIN
KUMAIISA JACOB
KUNGKEI PIUS
KUNZIT KAKARE
KUPA PUNDI
KURA KISIGUA
KURANGIK JUDE
KURI MICHAEL
KUROGAI ROBERT
KUSUNAN KIAPIN
KUTE WILLIE
KUTU GENO
KUTUNG ESROM
KWANG SAMUEL
LAKUR DANIEL
LALIR JOSEPH
LAMONG ALLAN
LAMUR AGIMIK
LANGIS PETRO
LARE KEAI
LASIEL TALILING
LASO NISO
LAUKAI NICKY
LAVO MATHEW
LAWRENCE HANS LOURIE
LAWRENCE NINGUNO

LAWRENCE WARBBING
LEANA GEWA
LEBA JOE
LEMO JULIE
LEO ISAMO
LEO MISIKALI
LEO PILAKI
LEO SAMSON MISA
LEO SIOTAI
LEO TOKURA
LEO WABI
LESLEY MAKU UVIA
LEVI MATHIAS
LIEWA YAMBANDA
LILING TOMMY
LIMI SIDA
LINGLOUIS MARTIN
LIONEL GAIARIBA
LISING TOOSIH
LIUNA ERIC
LIVUANA WELSLEY
LOHIA WILLY
LOIVO JOSEPH
LOLLIE WILLIAM
LOLO PITIAU
LOLOEA MORRE
LONKAI JOE
LOUALO GABRIEL
LOUI SEBASTIAN
LOWARO THOMAS
LUGABAI MICHAEL
LUI PETER
LUITA WILLIAM
LUKAS HELPIS
LUKAS ULA
LUKE KAINAKALI
LUKE KAREBA
LUKE KOROSI
LUKE NAKAN
LUNEN DONALD
LUSAN NAWEI
LUTU MICAH
M.M. PELIAS
MAGATU MORRIS
MAGER MASHY
MAINGU ALEX
MAIRAKA MISAC PAUL
MAITA SEKRY
MAKATA TONY
MALAH BRENDON
MALAKAI APOLOS
MALAKAI VINCENT
MALANA GEOFFREY
MALAS EDWARD
MALAWA SAMUE
MALKO ALLAN
MALKO JOHN
MALMAL LAWE
MALOT NAMI
MAMAN ALOIS
MANEO DAVID
MANKONGONA NICHOLAS
MANUAI KISOKAU
MAORI GURING
MARAGAU GULI
MARARANG JOHN
MARAU PAUL
MARAU LA KEPAS
MARAVOT ULAIAS
MARENA PASINI FRANK
MARIA B. LOLO
MARK JOHN
MARK SEKRI
MARK SIVUTARE
MARKIN DIPON
MARKUS LEVET
MARTIN GUNDEY
MARTIN PAUL
MARTIN RAPAUN
MARU EMOS
MARUT PETER
MARY LUKE GARUAI
MAS LOLOWA
MASO THOMAS
MATAMATAM REUBEN
MATEBA KOBUNU
MATELA DIWLAI
MATHEW GABUBA
MATHEW KELEP MARK
MATHEW LIONI
MATHEW LIU
MATHEW MONORU
MATHEW NEHI
MAURICE PAURIA
MAURICE RENI
MAVOTOI MELLIE
MEDEN PETER
MELLI KIRIAT
MERA SUBUI
MESMIN TIRMULAI
MICA GAUI
MICA SEVUA
MICHAEL WINIAS
MICHAEL AIEAVA
MICHAEL BOAGIM
MICHAEL BUTINGA
MICHAEL DARIUS
MICHAEL KORO
MICHAEL KAWALE
MICHAEL KIAP
MICHAEL LAMBOKU
MICHAEL LUAKENU
MICHAEL MAIKA
MICHAEL MAKEI
MICHAEL MOLAM
MICHAEL PAIS
MICHAEL PALEK
MICHAEL PAROM
MICHAEL ROKUS
MICHAEL TURAH
MICHAEL URU
MIDAL DAPOL
MIDIWANI NOEL

MIKE IVONA
MIKE PETER
MINAI BRUNO
MINNOW MATHEW
MINSIPI DANIEL
MINU ANTHONY
MIOPA JOE
MISIA ROPAO
MISINKO JOSEPH
MISSION SEBASTIAN
MOEHE JERRY
MOHE JOSEPH
MOIKUI THOMAS
MOIMO ETONIA
MOKI KORI WOP SAMUEL
MOKROM PHILIP
MOLAKE FRANCIS
MOMO JOSEPH
MONAE ZORIKA
MONI KULINIAS
MONICA M.G. PATTERSON
MONTAI PAUL
MORA ELIAS
MORANU RAPHAEL KOTAU
MOROKU NOAH
MOROU GABRIEL
MOSES BANAKO
MOSES ROMI
MOSPUNA BLAISE
MOTOI HENRY
MOTTA GEORGE
MOUI PHILIP
MOUVO JOSEPH
MUSSON LEO
N'DRELAND BRIAN JAMES
NAGEL BARUI
NAIME KONOBO
NAKA JOE
NAKANA PAUL
NALE MEGDELENE
NALU KONERUS
NAMITO ANTHONY
NAMUR THOMAS
NANAGIA SIMON
NANGOE DAMIEN
NAPI TEGEN
NAPIL KOMAN
NARA JOSEPH
NARIMA PETER
NARKRA SAMSON
NARUKIAP FREDIA
NASI
NASON MILAT
NAULI ELIAS
NAUSI SIMEON
NEBAS GAZAN
NELSON ANDREW
NELSON AUGUST
NELSON GOREKA
NELSON K. HAIK
NELSON MOSES
NEMEKI GENEWA
NENOANU MICHAEL
NEO GUBACONG
NESIONEM S. RODNEY
NICHOLAS HENSIN
NICHOLAS MANYA
NIGEL T. MARABOIA
NILIGUR APELIS
NILIGUR TARSISUS
NINEN TIMOTHY
NOAH LUGE
NOAH STEVEN
NOGONOGO RONALD
NOHNAH JOE SALIAU
NOHOI MARIE THERESE
NONNOI PATRICK
NORMA CARSON
NORMAN KAPUN
NOUBIRI CHRISTOPHER
NUHWON PUTLEU
OKIA AUGUSTINE
OKOKO RAPHAEL
OLAPU E. KAMILLUS
OMALE JONATHAN
ONAU JOSEPH
ORIM MATALAU
ORIM MOME
ORIM NELSON
ORIM PIDIK
ORIUI ANTHONY
OTORIA HYGINUS
OTTO DAVID
OTTO VALUE
OWEN AINU
OWOROKU FRANCIS
P. AMELE
P. KOLIMOPO
P. LAITA
P. NASO
PAEL JOE
PAIAS KAMUAI
PAINTA NAMESI
PAIS JOACHIM
PAIVANA LUKE
PAKADI KANDALU
PAKO AUGUSTINE
PALAGEN JOHN
PAMOLOK S. HELEN
PANGI HETARI
PANU JUSTINA
PAPOF LAMASISI
PARARPA ARIKU
PARU CAMILO
PASSAM CHRIS
PAT LINSON LITUM
PATAI OBED
PATI BILLY
PATNA ROBERT E.
PATRICK DINAH
PATRICK HAGALI
PATRICK J. PASSAM
PATRICK MAKELE

PAUL BONNY
PAUL DANU
PAUL FULMAT
PAUL GORU
PAUL KAWA
PAUL KURKUT
PAUL MAIRAKA
PAUL MALILI
PAUL NANUIO
PAUL OPOI
PAULUS MAGO
PAURU PAUL
PAUT WALTER
PANATZ GABRIEL
PECHATU BENEDICT
PEDI ROY
PELAS PLANGET
PENIAI FRANCIS
PENIAS TULUNGEN
PENIEL ROMMY
PETELI ANDREW
PETER ATAWAI
PETER DANIEL
PETER HINNOH
PETER IKI
PETER IMAROTO
PETER JOHN COOPER
PETER KAHURU
PETER KAMENA
PETER KASE
PETER KEAREI
PETER MARUT
PETER METI
PETER PORONI
PETER PUKIA
PETER QUULETKUP
PETER SORRES
PETER TOROT
PETER TUMA
PHILIP ADVENT MEIKISEDE
PHILIP AISA
PHILIP IMINU
PHILIP KOATAI
PHILIP LAKABE
PHILIP LALE
PHILIP LIAKE
PHILIP LUMA
PHILIP TUKANA
PHILIP URAM
PIEGONG DOMINIC
PILAKI LUDWIG
PINGUA JAMES
PINOMU STANLEY
PINUANA MICHAEL
PION NICHOLAS
PIPI OGONO
PISKAUT KOMBENG
PIUS MAGUM
PIUS MINPANA
PIUS NUMBO
POGUA JOHN
POHUNGKE ALOUSIUS
POIKEN FIDELIS
POKALA ANDREW
POKUPEN SIPA
POLOI ERIGUO
PON PETER
PONGI KANAWI
PUNIO PASIRO
PUREMA THOMAS
PURIRO KIWAI
PURPUR GEOFFREY
PUSAI MATHEW
R. PARUPAR
R.M. BERREINE
RABBIE M KAUKAS
RABONNIE VOIVOI
RAGAT SAM
RAILIKUN ILIAS
RAPHAEL KAUKI
RAPHAEL KOKONI
RAPHAEL LAURA
RAPHAEL NASIA
RARAN MICHAEL
RASAKE E. NAARU
RATIMI CHANNEL
RAYMOND MEREKI
REGINALD KAURA
RELIT BERNARD
REMAS PETER
RERESI JAMES
RICHARD LEO
RICHARD OVERARI
RIKA ANTHONY
RIMEN MARTIN
RITA DAGI
ROBERT EREVA
ROBERT NOVOITA
ROBERT PAURU
ROBIN JOHN KONOMA
ROBIN TIMOTHY
ROBINSON MOSES
ROGER B. SOMBOBO
ROMAINO BOGOTEGE
ROMAN ESIKIEL
ROMANA WAMBA
ROMI ANTON
RONNIE TEVENTUI
ROPA GABRIEL
ROSS MICHAEL
RUBAT HENRY
RUBEN KARAI
RUEBEN TAUSI
RUMULD RUMA
RUR JACK
RUSSEL LOI
RUSU SIOTE
RUTH TOHUI
S. KIROKO
SAEN MANDA
SAKIA OKEN
SAKIAS INIA
SALAVEI JOHN

SAM KIRIGA
SAM KUPI
SAMI PIUS
SAMMOU JOSEPH
SAMO JOHN
SAMO.K SO-ONG BENEDICT
SAMSON JULAAGI
SAMSON KUKUPE
SAMUEL LIPA
SAMUEL MOSES
SANNY RING
SARNOT MELLIE
SAWONG DON
SCHAPER JEFFREY
SEBONI JOHN
SEBONI MARK
SEMOSO CHRISTOPHER
SERE LOA
SEREN EPHRAIM
SERI ROBERT
SIALIS TALVAT
SIAMI SOMARE
SIKARI MATHIAS
SIMEON PANIE
SIMIHA BERNARD
SIMILI PETER
SIMION ITAMAI
SIMON A.
SIMON BETIA
SIMON GERENUA
SIMON JANGET
SINAKLING SELE
SINGEL LOMBAT
SINGO JAMES
SIONE NUKUMURI
SIRIKIA NAKI
SIRIKU CHRISTIAN
SISMOLU KEMBO
SISINEI T. ARON
SITBAN PETRUS
SLAPAN GLEN
SO'ON PEPSEE
SOAGAI THOMAS
SOBIN FRANCIS
SOFLI HANADANG
SOLI CARMEL 11
SOLOMON CAROLYN
SOLVO ALBERT
SOLWO ANUMA 1A
SOONKAMALINBUS STEVEN
STEPHEN KOROWA
STEPHEN MESMIN
STEPHEN NARA
STEVEN KIUROU
STEVEN MANIOT
SUA LIAP
SUHI MARTIN
SUNGA JIKI
SWITHUN TOBUORA
T. AITA
T. KAPRAWA
T. PEE
TADDY D11UAA
TADE CLEMENT
TADIMAT SEBASTIAN
TAGOVONO LOUIS
TAHIJA S. CHARLES
TAIAN WILLIAM
TAIOS ALLAN
TAKAHU VALENTINE
TAKEN LUTU RAYMOND
TAKI AKA HIMAJA
TAKINU JOACHIM
TALIN DANIEL
TAMAHIN NELSON
TAMANG SHIANG
TAMANG SIMEON
TAMPAIKA MICHAEL
TAMUNGKA CHRISTOPHER
TAN KEMBI
TANDE TOKIAP
TANGOT BATILOM
TANUS MARARANG
TAPA ERNEST
TAPAKA THOMAS
TARISEVI FRANCIS DEVI
TAROMO CLARENCE
TARUITO VERONICA
TAUKO PETER
TAUPIS MARTIN
TAVI JOHN
TAVIRE ALOYSIUS
TAVTAVUN P. LUKE
TAVUA ISHMAEL
TAVUA PARAU
TEATU AREI
TEKAHO MARANA
TEP JOE
THADIUS SONI
THEO PALAMBAT
THEODORE ARAU
THOMAS BIVA
THOMAS BOMBOT
THOMAS MAIKA
THOMAS MALUMANI
THOMAS PUKUME
THOMAS TURI
THOMAS URAMI
THOMAS UWEDO
TIBO STEVEN
TILAU JOHN
TIMOR JOSEPH
TIMOTHY PISORO
TIMOTHY RAWA
TIMULI KELLY
TIONE MATAINAHO
TIPE BENNY
TIPET WABON
TIRIA JOEL
TITUS KARIAHA
TITUS MATHAU
TIWASONG JACK
TOBOKA CHRIS TAKAP

TOKU FRANCIS
TOM KAMAKANE
TOM MUTOUO
TOMBEL JERRY
TOMI MARK
TOMMY MARKUS
TONY MAGIAN
TONY PUNUWEI
TOOMING BENEDICT
TORATIA BENEDICT
TOTOVER JOSEPH
TOVUE ALLAN
TROPHEMUS DOBUNABA
TUEM ALOYSIUS
TUHIANA ALBERT
TUHIANA STANLEY
TUHIO AMBROSE
TUKAL PETER
TUKANA ALOYSIUS
TUKUEN GODFFREY
TUNSIO JACOB
TURALOM LAWRENCE
TURAPAL SAMUEL
TURHARUS MICHAEL
TURSUN JULIAN
TURUNA WILLIE
TUVI MATILOM
TUWEN FRANCIS
U. SAUL
UGIL SAKIUS
UJAH KOMBA CARL
ULADIRING MICHAEL
ULEA DANIEL
ULENA STANLEY
ULIABU AMABU
UMANG ORAM
UMBU PUMBU
UMMA GASPAR
UNG BUAFE
URAPILA EREMAS
UREAP JOACHIM
USIA OVAN
USPOR PETER
UYAPE BISESE
VAGI HENAO
VAKI IRAMU
VARPIAM FRANCIS
VEIP NABARA
VENNY ARUMOT
VESONE M. BETISON
VILOM JOEL
VIN LOTE
VINCENT LABERONG
VOIVOI SIALIS
VOYCE TONY
VUE APELIS
VUE APISAI
VUE ELIJAH
VUNARAM ELLY
VUVU ROBIN
VUVUNG JOSEPH
WADAU KUMED
WAI KUNDU
WAISEA BUKA
WAKIN ANTHONY
WAKOL AUGUST
WALAUN DARIUS
WALI TINGAU
WALTER MICHAEL
WAMPTIA KEMBAUA
WAMUN LEO
WANA GREY
WANARIU STEVEN
WANBUS FELIX
WANGAU ANDREW
WANPIS ARNOLD
WARAGAT E. NAUNE
WARBAT RICHARD
WARI PAUL
WARIN BILL
WARTABAR PENINGTON
WARTOVO ELIAS
WARUANA ANDREW
WARUPI GABRIEL
WARURUAI NOAH
WAU MOR
WELENG K. ALBERT
WENDIUNUS BINTANUMA
WEWETING LENSON
WILLAIM DARIUS
WILLIAM ANDREW
WILLIAM MARIGU
WILLIAM PIDI
WILLIAM PIDICK RUSSO
WILLIAM PIRORO
WILLIAM SAVENAT
WILLIAM TOMOKASI
WILLIAM UWA
WILSON KERRY
WIN KALAMA
WIROL JOHNSON
WONE ELIAS
WULIA JOHNSON
WUNGA ELISON
YALING SALLY
YANGANI YOBENA
YANGOLA AINO
YAWING JEFFREY
YAYABU YARONG
YAYII LALAU
YONGON PETER
YOPO KARO
YOUNG ARIA
ZINEM ETI
ZORRO SILA

Luke Misa Polangou
For Care-Taker Management Board

Gavman no ken givim kaikai long haus kalabus

Dia Edita,

Mi laik askim gavman long kamapim wanpela kain lo we inap stopim kaikai long olgeta haus kalabus insait long kantri.

Mi ting gavman i no ken baim braun rais na tin pis o wanem kain kaikai na givim long ol kalabus. Bikos dispela em mani bilong ol gutpela manmeri husat i save baim takis i go long gavman.

Dispela mani takis mani we i go long baim kaikai bilong ol haus kalabus inap go long baim sampela gutpela samting bilong helpim ol manmeri long komyuniti. Na i no long ol kain bikhet man long haus kalabus.

Bikos ol dispela bikhet man long haus kalabus i save bagarapim sindaun bilong ol gutpela manmeri long haus o rot o long wok ples

bilong ol. Ol manmeri i laik stap gut tasol raskel lain i save kilim ol, stil long ol, pait long ol na mekim plan-ti pasin no gut long ol.

Ol dispela lain tasol i save baim takis. Tasol mani bilong ol gen i go na baim kaikai bilong dispela man husat i stil o pait long ol. Dispela gutpela man husat i kisim bagarap i helpim gen dispela birua man bilong em.

Mi ting ol papamama na laik famili memba bilong husat man i stap long haus kalabus yet i mas kukim kaikai na karim i go givim ol lain bilong ol. Na i no gavman i baim kaikai long takis mani bilong ol gutpela sitisen bilong kantri.

Mekim laip long haus kalabus i go hat tu bai ol man i pret long go long kalabus. Bikos em bai ples bilong angre. Ol man i save kisim

kaikai long haus kalabus olsem na ol i no save wari long mekim trabel.

Traim sampela kain lo olsem na yumi lukim.

Em tasol liklik tingting bilong mi na husat i laik bekim o egensim em laik tasol long rait long Wantok na mi tu i ken lukim.

**Dabol Bond
Lae**

Painim kandre

Dia Edita,

Mi wanpela manki bilong Aitape Wes Kos long Sandaun provins husat i gat wari tru long kandre bilong mi. Nem bilong em Bill Roger Kango.

Kandre bilong mi i bin lusim mipela ol lain longtim yet. Em i bin skul bipo long St Ignatius Hai Skul na i go long Sogeri Nesenel Hai Skul long Mosbi. Na bihain em i go long Yunivesiti long Mosbi.

Dispela toksave i go long olgeta manmeri bilong PNG na tu ol olpela skul lain bilong em. Mipela ol famili na lain bilong em i gat bikpela wari tru long em i mas kam na lukim mipela liklik.

Hia em adres bilong mipela long yupela i ken rait long en sapos yupela i save long em i stap we nau.

V.F.P Pty Ltd, PO Box 41, Vanimo, Sandaun provins.

Nem bilong mi em Francis Y Kango

Raskel pasin em sik bilong komyuniti

Dia Edita,

Mi laik bekim pas bilong brata Dabol Bond we i bin tok long ol plisman i mas katim hap lek bilong ol raskel man.

Mi lukim pas bilong yu i no gutpela tru bikos katim hap lek bilong ol raskel o bikhat man i no inap helpim long stapim hevi bilong lo na oda long kantri. Bikos hevi bilong lo na oda em i wanpela sik we i save stap insait long olgeta sosaiti na komyuniti

long wol.

Maski lo i go hat, raskel pasin tu bai i go hat. Bikos em i laip bilong pl.

Brata Bond, yu tok long katim hap lek bilong ol raskelman, yu yet traime skelim gut dispela pasin pastaim.

Sapos ol i katim hap lek bilong brata bilong yu, bai yu tok wanem long dispela?. Bai yu amamas?.

Gavman i tok long hangamapim man na nau yu tok long katim hap lek bilong ol raskel man. Dispela tupela lo bai i no inap kamapim wanpela gutpela senis long sindaun bilong yumi long kantri.

Em tasol na husat brata na susa i laik putim moa tingting antap em laik tasol.

**Yangs Dominic
Lae**

Plis i no ripot yet long dai bilong Anderson

Dia Edita,

Mi brata bilong Anderson Kawi husat i bin wanpela fainel yia sumatin long Yunivesiti bilong Papua Niugini long Waigani, Mosbi na em bin dai long han bilong ol birua long Gerehu long Epril 1993.

Mi laik autim wari bilong mi i go long plis dipatmen long Mosbi. Yupela i bin tok olsem

yupela i wok long mekim ol wok painimaut long husat tru ibin kilim dai em.

Long dispela tasol na mipela ol lain bilong em long ples i bin lusim samting ya long han bilong yupela long painim ol lain husat i kilim brata na kisim ol i go long han bilong lo.

Tasol i luk olsem

bihain long sampela wik, yupela i lus tingting na yupela i no go hetim wok bilong yupela long dispela samting. I luk olsem yupela i giaman-im mipela gut tru ya. Olsem wanem tru long dispela man? Ol arapela man indai long kain birua olsem i kam aut long ples klia, tasol ating Anderson em i wanpela dok na em i

indai nating?

Klostu tupela yia i go pinis tasol lewa bilong mi i bruk yet long brata tru bilong mi tru ya.

Inap ol plis, wanskul na komyuniti i givim han long painimaut husat tru i kilim brata Anderson ya.

**Kowimas Nihugumoro
Hagen**

Husat i laik salim pas i kam long edita mas raitim stret nem na salim long dispela adres:
Pas i go long Edita,
P.O. Box 1982,
Boroko, NCD.



Ol opis lain yet i as bilong stil

Dia Edita,

Mi laik autim bikpela komplemen bilong mi i go long pasin stil we i save kamap olgeta taim long kantri bilong yumi.

Mi save harim long redio na ritim long niuspepa olsem ol raskel i save stilim mani long beng na long ol kampani nabaut.

Tasol bikpela askim em mi laik askim. Husat tru i save olsem mani bilong beng o kampani i stap long dispela hap?. Ol raskel i save long wanem taim bai mani i kam o wanem hap em mani i stap?. Husat i save tokim ol raskel olsem ka i karim mani i kam long dispela aua na minit?.

Mi yet i gat strongpela tingting olsem em ol lain i wok long opis yet i save givim dispela toksave i go long ol raskel lain.

Yupela ol opis man na meri tasol i save tokim ol raskel ya. Na raskel bilong we?. Em lain bilong yupela tasol yupela yet save tokim ol long kam na stil. Ol niusman tu plis no ken putim long niuspepa tu bikos mipela gutpela man i les long ridim dispela kain nius.

Em tasol komplemen bilong mi na husat i laik egensim o sapatim em laik tasol long rait i kam na mi ken lukim.

**Micah Kome
Kimbe**

Katim ol gras nogut na planim nupela

Dia Edita,

Mi laik autim tingting bilong mi long ol samting we i wok long kamap nau.

Nau yumi ken lukim bikpela piksa olsem planti gras nogut i wok long kamap na i kamapim planti hevi nau. Bai yumi hat wok long katim na pulim ol dispela gras nogut.

Dispela i soim olsem ol lida bilong mipela long palamen, bosman long gavman dipatmen na ejensi i save kamapim planti bikpela hevi long kantri. Ol dispela lain em ol gras nogut. Olsem na mipela i mas katim o pulim ol hariap bikos sapos ol i stap yet, bai ol i go strong moa na bai i hat olgeta long rausim bihain.

Sapos wanpela lida i gat kain piksa nogut, hariap na rausim em. Bikos em istap yet, bai em i givim moa hevi long kantri na em bai wok long paulim planti samting yet olsem mani, graun na bisnis bilong pipel.

Dispela em wanpela bikpela samting we i wok long kamap long kantri nau na mi askim olgeta manmeri long lukluk gut na putim stop long ol dispela kain hevi o gras no gut we i wok long groa. Katim ol i go daun na senisim nupela.

Em tasol liklik toktok bilong mi na husat i gat moa tingting, tromoi tasol.

**John Simura
Wewak**

Baim wokabaut somil long Sandaun pipel

Dia Edita,

Wari bilong mi i sut long ol nesenel memba bilong Sandaun provins. Tripela em long Paul Mambei, Clement Anowan na En Keno.

Askim we mi laik putim i go long yupela em olsem ol lida bilong provins long nesenel gavman, yupela i save givim sampela tingting long ol mama

na pikinini long Aitape o nogot? O yupela i tingting tasol long putim su na pulumapim poket bilong yupela wantaim mani.

Orait, wanpela samting moa we mi no amamas na mi laik putim komplemen bilong mi long en em watpo tru na yupela i stapim Taman Sata kampani long karimaut wok long hap

bilong mipela?

Dispela kampani i laik mekim ol wok long graun na ol diwai long hap bilong Lumi o long Is Sepik na yupela i stapim.

Namba tu kwesten em yupela inap long baim wanpela wokabaut somil na givim i go long ol pipel bilong tripela lain wanpisin bilong ol ples we dis-

pela kampani i laik kirapim wok bilong em. Tasol mi tok long pastaim, yupela i no bin gat tingting long givim wokabaut somil i go long ol pipel inap long yupela i harim ol toktok long Taman Sata kampani i laik kam na kirapim timba bisnis long eria bilong mipela.

**Tony Yona
Aitape**

Senisim ol gridi memba long 1997

Dia Edita,

Gras Rut manmeri yupela i menesa long kisim wokman olsem ol kampani i save kisim man long wok. Husat i no wok gut o stil, menesa i save rausim em long wok. Yupela grasrut pipel i menesa long rausim memba na sanapim nupela memba long 1997 nesanel ileksen. Gutpela sans i save kam long olgeta 4-pela krismas.

Taim yumi gras rut komplem long ol memba, ol i save tok yu husat. Taim bilong kompem, bai mi kisim kau bun o sipsip bun na bai yu lus tingting long komplem. Em tru na tru. Ol memba kompem long bun bilong kau na sipsip. Ol kisim ol pawa bilong yumi pinis, komplem na hevi bilong yumi bai ol i hat long harim.

Yumi grasrut manmeri i save salim

raits o pawa bilong yumi long bun bilong sipsip na kau na long buai, fri raid, smok, bia 10 toea na long mauswara tu. Yumi longlong na salim rait na pawa long pipia samting bilong nau tasol. Tasol luksave, 1997, no ken salim pawa hariap. Lukim gut pastaim na salim pawa.

Lukim, nau gavman i laik salim kantri bilong mipela long wol na kamapim ol lo we i pasim rait na pawa bilong yumi papagraun. Em i no gat tingting long yumi nau.

Olsem na yumi olgeta i mas sanapim nupela memba long neks yia husat i gat nupela tingting na toktok.

**John Kisivi
Mt Michael**

Toktok politiks long God tasol

Dia Edita,

Mi wanpela man long bus bilong Lumi distrik insait long Sandaun provins na mi laik autim wari bilong mi long arapela i ken lukim tu.

Mi oltaim ritim long Wantok, Pos Courier na National niuspepa olsem ol lida bilong mipela i save toktok planti na mekim planti politik pasin long kontrolim laip na sindaun bilong ol manmeri long dispela graun.

Tasol mi ken tok olsem olgeta toktok na wok politiks bilong ol i save popaia bikos ol lida yet i no save holim toktok bilong ol.

Mi laik autim wanpela toktok

we i bikpela moa na mi ting olgeta manmeri tu i mas mekim.

Mi ting yumi olgeta mameri i mas toktok long politiks bilong God papa long heven bikos dispela tasol bai givim yumi gutpela rot na laip long sindaun amamas olgeta taim long bihain.

Yumi toktok long politiks bilong God bai dispela inap helpim yumi wanwan. Na i no narapela man olsem ol lida bilong yumi long palamen. Bikos olgeta toktok na wok politiks bilong ol i save popaia. Ol i save kamapim wari, bel kros na pait namel long sindaun bilong ol manmeri.

Olsem na yumi lusim dispela

politiks bilong man long graun na yumi toktok long politiks bilong God na bai yumi gat amamas long sindaun bilong yumi.

Politiks bilong bikpela tasol bai givim yumi gutpela tingting na klia rot bilong kamapim gutpela sindaun na laip long dispela graun na tu bai helpim yumi long kisim gutpela malolo long heven long bihain taim.

Em tasol toktok bilong mi na husat i laik putim moa tingting antap em laik tasol.

**Kristen Brata
Lumi. Vanimo**

Lida mas lukluk long asples yut

Dia Edita,

Mi wanpela manki long ples na mi laik autim wari bilong mi long pasin mipela ol yangpela i save mekim.

Long dispela taim planti yangpela i pulap nau long ples tasol ol i no gat samting long mekim. Ol i stap nating na bihain tingting bilong stil i kamap nau ol i save go long haiwe na hensapim ol pmv na ka nabaut.

Taim ol plisman i holim ol na karabusim ol, ol i kam bek tasol pasin bilong ol i no senis. Ol i no gat wok na samting bilong mekim olsem na ol strongim yet raskel pasin.

Mi save tingim gen long ol nesanel memba bilong yumi wanwan long kantri. Ol i save maus op nabaut long helpim ol yut na yangpela insait long ol ples tasol dispela ol toktok bilong ol i save go lus nating.

Mi ting ol nesanel memba i mas tingim na holim pas ol yut long ples insait long sampela kain gutpela wok o projek nabaut. Dispela inap holim ol yangpela wantaim na mekim ol i bisi long wok bilong ples. Ol yangpela bai i no gat taim long mekim ol bikhet pasin olsem ol i save mekim long rot bikos ol bai bisi long arapela gutpela samting.

Dispela em rabis tingting bilong mi tasol arapela i ken tromoi sampela gutpela tingting moa i go antap na mekim i go gutpela.

**Hons Foxci
Alitape**

Hagen Sentral wetim han bilong Pora

Dia Edita,

Mi wanpela manki Westen Hailan provins na mi laik autim komplem bilong mi i go long open memba bilong mipela long nesanel palamen, Paul Pora.

Mi no harim liklik nem bilong em long redio o niuspepa long wanem samting em i wok long mekim long ol pipel insait long ilketret bilong em. Wanem, em i maus pas na hait i stap long wanpela hap?

Mi no lukim em i givim wanpela taim bilong em long sindaun na toktok wantaim ol pipel bilong Hagen Sentral. Mipela ol

pipel i askim nau bilong wanem tru na long planti taim Mista Pora em i save stap tasol long Mosbi. Ol pipel bilong Hagen sentrel i no bin votim em long stap tasol long Mosbi na kisim pe.

Mi lukim pasin bilong dispela memba i no gutpela na ol man i bin westim taim nating long votim em i go long gavman.

Mi ken tok olsem rijonal memba Paias Wingti em i wanpela man husat i wok long mekim bikpela wok long helpim ol pipel insait long Westen Hailans provins. Mista Wingti em

i man tru bilong ol pipel na mipela i givim bikpela sapot i go long en long stap narapela faivpela yia moa long palamen.

Long yupela ol arapela memba bilong Westen Hailans insait long nesanel palamen, mi no klia sapos yupela bai i winim 1997 nesanel ileksen long wanem long olgeta ya, i nogat wanpela gutpela toktok o bung wantaim long yupela wantaim ol pipel bilong Westen Hailans.

**Isrial Pilamb
Kulga
Westen Hailans.**

Sepik go bek long Rabaul taun

Dia Edita,

Mi laik komplem long lukim olsem ol man long Is Sepik provins i wok long kam bek pulap gen long Rabaul taun. Maunten i pairap long las yia na mi ting bai yupela i go olgeta long ples bilong yu tasol no gat. Yupela i kam bek gen.

Mi save olsem planti bilong yupela i no gat wok mani long Rabaul. Tasol yupela i kam bek nating tru.

Yupela tasol i save oltaim sanap long maket ples na mekim nois na stil nabaut long ol samting bilong arapela man.

Maski ol traipela maritman i gat tripela na 5-pela pikinini nabaut ya, ol i wok long stil yet. Ol i no tingim long painim gutpela wok mani bilong lukautim na sapatim famili bilong ol. Ol i laik stil tasol.

Mi laik askim tu, watpo na yupela i go krungutim ples pinis

na yupela tainim na kam bek gen long Rabaul?. Rabaul i no asples bilong yupela. Ating ples i no gat kaikai na gutpela samting i stap olsem na yupela ronawe i kam bek o olsem wanem?.

Sapos yupela i wok na stap long Rabaul em no gat samting. Tasol yupela i no gat wok na bai husat i givim kaikai long yupela. Yupela i kam bek gen bilong kirapim gen raskel

pasin i go bikpela long taun.

Yupela ol pikinini bilong man na i gat het olsem na tingim na mekim samting gut. Tingim ol meri pikinini bilong yupela na sindaun isi na painim gutpela wok na sevim famili.

Em tasol liklik komplem bilong mi na husat i laik bekim em laik tasol.

**Tony Albert
Kokopo**

Noken daunim ol Simbu pipel

Dia Edita,

Mi bekim pas bilong brata Yupa Kunjip bilong Hagen we i bin kamap long Wantok Niuspepa long Septemba 28.

Mi no amamas long brata Yupa i kolim mipela ol Sina Sina, Dumun na Ku pipel olsem ol stilman wantaim nogat graun, nogat kaikai, nogat mani na karim planti pikinini tumas. Em i tok mipela i save salim pikinini meri na kisim mani long ol olsem ol i save salim ol man long bikpela mani na dispela em i egensim lo bilong sios.

Dispela em wanpela rot we ol i save kisim mani long em ya i

luk olsem. Dispela em ino ol kes krop o ol arapela risosis bilong graun we bai yumi pulim mani long ol na em i rabis tingting.

Yu, tok long pasin raskel i pulap long mipela tasol mi tokim yu olsem dispela pasin i kamap long Lae, Mendi na long olgeta hap bilong Okuk Haiwe.

Mi bilong rot long Sina Sina stret na mi laik tokim yupela ol lain Hagen olsem yupela i save draiv spit tru na yupela i no save kea long ol pikinini, pik, dok na kakaruk long rot. Na taim yu kilim o bagarapim wanpela long ol dispela, yu save ol man i was long bekim. Yu no

inap long ranawe o stapim dispela long kamap. I gat as long ol manki i save wokim ol rotblok na i no long samting nating.

Long yu i toktok long graun, em i tru mipela Simbu i stap long maunten na i no gat gutpela stretpela graun long mipela i wokim bisnis. Yu tok long mipela i gat kopi plantesen na bikpela gutpela graun ya, em yu yet yu tokim yu olsem yu wanpela giaman man. Mauswara bilong yu yet bai i wasim yu.

**Kay Dom
Sina Sina
Simbu provins.**

No ken jeles long ol manki Sahang

Dia Edita,

Mi no amamas long pas bilong Mark long Wantok niuspepa long 19 Okotba, 1995. Em i bin komplem nating long ol manki bilong Sahang husat i bin go daun long Mosbi long rekot.

Brata, yu ting yu fit tru long autim ol jeles tingting bilong yu long bagarapim nating narapela man we yu no gat wanpela bisnis wantaim em. Dispela toktok yu bin mekim long niuspepa i giaman tasol na i no gat wanpela evidens long sapatim dispela leta bilong yu.

Brata, yu mas save olsem dispela em i samting bilong wanwan na i no inap bagarapim yu o arapela man. Mi no lukim wanpela rot long dispela leta bilong yu. Pas bilong yu i sut tasol long jeles tingting.

Strongim lo long haiwe

Dia Edita,

Mi laikim gavman i putim strongpela lo long ol lain husat i save wokim stilpasin long ol haiwe insait long PNG.

Mi les tru nau long harim long redio na ritim tu long niuspepa long ol dispela kain pasin i kamap long olgeta taim insait long kantri. Mi laik putim long ples klia olsem long ol liklik ples we i stap klostu long haiwe na han rot, ol mas kotim dispela ples we ol raskel husat i wokim dispela ol stil pasin ya i kam long en. Sapos ol i mekim dispela i kamap tru, orait, wan wan ples bai i was long mak o baundri bilong ol yet.

I gat planti graun i stap long mekim ol wok na ol liklik prosek long pulim mani long ol, tasol dispela ol yangpela man i wokim bikhet pasin bilong stil i save les tasol. Na ol i go hetim strong stilpasin.

Husat manmeri i gat sampela toktok long dispela samting, rait i kam tasol long Wantok Niuspepa na mi bai lukim.

**Bricy Hizoke
Rabaul
Is Nu Briten provins.**

WANTOK

MUSPEPA BILONG OL PAPA NIUGINI STRET

PABLIK NOTIS

Sapos yu laik advertais, telepon 25 2500 na askim long

Miri Aiori Ext. 214
Jeffrey Maliou Ext. 215
Joe Naime Ext. 218

BUK BILONG OL SEVISIS

CHRISTIAN BOOK CENTRE

LAE & MADANG

Educational/Christian books
English/Pidgin/Tok Ples


Gifts & school stationery
Nanulon St, Madang
Ph: 82 2043 Fax: 82 3376

4th St Lae
Ph: 42 4156
Fax: 42 7073

ELECTRONIC

PAPA BILONG OL TV
SAPOS TV BILONG
YUPELA I BAGARAP
SEKIM WANTAIM MIPELA

O KAM NA LUKIM MIPELA LONG OLGETA
LEKTRIK SAMTING YU LAIKIM.
■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.



Our shop is located at the corner of Wards Road and Spring Garden Road Horepa.
P.O. BOX 1572 BOROKO N.C.D. PHONE 25 1952 FAX 25 4143

HAIR & BEAUTY

His N' Hers
HAIR SALON

All Hair Care

Black Hair

&


Beauty Products

42 1843

P.O. Box 1721, Lae, Central Arcade

*Yu ken edvetais hia long
K10 tasol long wanpela
wik. Long painimaut moa
long dispela, ringim
Augustine, Jack or Joe
long telipon namba
325 2500.*

THREE
REASONS
TO BUY
UNICEF
CARDS
AND
GIFTS



- 1. UNICEF helps** educate mothers to enable them to better care for their children through breastfeeding and growth monitoring and by teaching them income-generating activities.
- 2. UNICEF supports** community-based projects that provide education and training to people to develop skills that will benefit their families and their communities.
- 3. UNICEF works** with governments in developing countries to eliminate disease, malnutrition and poverty from the lives of children and their families.

For information, please contact:

EILEEN KOLMA

Telephone: 321 3000 Fax: 321 1372, Telex: 22197

P.O. Box 472, Port Moresby.



United Nations Children's Fund

NA YU?

...Baim Wanpela Nau!


50t
Tasol

**PEPA BILONG
YUMI STRET..!**



TOKTOK BILONG NU YIA

LIDA BILONG OPOSISEN
HON. ROY YAKI, LLB MP



"KISIM PAPUA NIUGINI I GO LONG IKONOMIK INDIPENDENS"

Ol pipel bilong Papua Niugini, mipela makim 1996 olsem namba wan yia bilong 20 yia i kam bihain, long kisim na strongim Papua Niugini i kamap strong long ikonomi o bisnis wok bilong en.

Olgeta pikinini wantaim ol bikman meri bilong dispela kantri, mekim 1996 i kamap olsem wanpela yia bilong putim olgeta laik na hatwok wantaim driman bilong lukim neks yia olsem stat bilong 10-pela yia i kam bihain, wantaim planti gutpela developmen long kantri.

Mipela mas go insait long yia 1996 wantaim bikpela laik, gutpela hop na putim olgeta hatwok, sapos wanwan o bung wantaim, long mekim Papua Niugini i sanap strong long ikonomik, sosel na wok politik.

1996 i mas wanpela yia bilong painim rot bilong mekim Papua Niugini i gro moa na kamap strong. Mipela mas plenim gut rot bilong mipela i go long yia 2016.

Taim mi mekim dispela toktok, mi laik tok klia olsem mipela noken painim rot wantaim driman tasol o ol plen em i no inap kamap tru. Ikonomik menesmen bilong mipela i kam aninit stret long aida bilong Wol Beng na Intanesenel Moneteri Fan (IMF). Mipela mas gat bilip tasol olsem ol politikel lida bilong mipela i noken giamanip mipela. Olgeta samting i stap long han bilong ol long kisim mipela aut long kain pasin. Ol pipel bilong mipela i gat rait long kisim helpim long risoses bilong ol.

Sapos dispela i min olsem mipela olgeta i mas kisim taim long kamapim sampela senis em mipela i laikim long yia 1996, orait mipela olgeta mas wok bung wantaim na mekim dispela i kamap. Tasol mipela olgeta mas save olsem long 1996 na i go, sapos olgeta pipel bilong dispela kantri i laik kisim taim long kamapim gutpela senis long kantri bilong mipela, orait mekimsave bilong dispela disisen em mipela olgeta i mas kisim. Mipela olgeta mas lukim olsem ol trangu pipel noken bungim mekimsave we ol i no as bilong en.

Ol pipel bilong mi, mipela mas statim 1996 wantaim gutpela tingting na bilip long ol senis em bai kamap. Mipela olgeta mas yesa olsem neks 20 yia bilong mipela mas i gat strongpela politikel wil na laik, we i redi long sevim dispela kantri. Em bai mipela ken lukim kainkain developmen wantaim olgeta rot i op long ol senis em bai kam long mipela.

Mipela mas tingim ol asua bilong mipela long 20 yia i go pinis. Na tu mipela mas tingim ol gutpela kaikai bilong 20 yia i go pinis. Na wok strong long bildim dispela kantri wantaim ol dispela tingting. Sapos mipela lukluk i go bek, mipela i kam longpela rot long yia i go pinis. Tasol i gat planti moa samting em mipela mas mekim yet. I gat planti bikpela salens em mipela bai bungim long ol yia i kam bihain.

Mipela mas stiam, stretim na putim ol risoses o mani bilong mipela i go long ol samting we i bungim laip na sindaun bilong ol pipel bilong mipela long olgeta de. Na i no long ol bikpela plen o samting em mipela i kamapim gut long 1975 i kam inap nau.

Taim mipela i wokhat long mekim ol nesanel gol bilong mipela i karim kaikai, mipela mas i gat sentrel daireksen insait long olgeta sekta bilong sosaiti. Nau yet em kamap bilong wanwan straksarel polisi, we i laik kamapim developmen long ol eria em bai senis long en tasol.

Olsem na bihain taim bilong dispela kantri bai kamap gut sapos i gat ol gutpela risoses menesmen polisi. Ol sistem we mipela i yusim nau long yusim kwik ol risoses bilong mipela long helpim bilong nau tasol em mipela mas senisim. Mipela mas i gat ol polisi bilong longpela taim bihain. Bikpela samting em ol pipel bilong mipela noken stap pasim maus long ol risoses developmen i kamap. Sapos dispela i kamap, mipela bai go long ovasis na kam bek yet wantaim moa dinau mani. Na bai wokhat yet long bekim ol dispela bikpela dinau mani.

Nau yet kantri i salim planti wel na gol, fis na timba long ol ovasis kantri. Tasol mak bilong ol dispela mani mipela kisim i kam na sevim (foren risev) i wok long go daun yet. Sampela taim i nogat mani olgeta long foren risev. Wanpela samting i mas rong long dispela. Olsem na dispela em i bikpela salens bilong kantri taim mipela bai bungim narapela 20 krismas bilong kantri.

Dispela liklik toktok we i gat bikpela mining em - 'kamapim developmen long ol rurel eria na bai yu developim Papua Niugini'. Sapos mipela i bringim moa senis long ol rurel eria, planti hevi bilong lo na oda insait long kantri bai go daun.

Rurel eria i ken develop kwik wantaim ol polisi we i lukluk rurel leba na len mobalaisesen progrem long kamapim ol rurel indaistris. Gutpela polisi bilong yusim mani i kam long wel na wok main long kamapim rurel developmen em wanpela rot tasol bilong go.

Papua Niugini i mas go long rot we trupela na gutpela developmen bai kamap we planti pipel bilong ol rurel eria mas stap insait long en. Kantri i mas go pas aninit long lukaut bilong ol lida husat i nogat narapela interes. Kantri mas i gat ol trupela lida bilong ol pipel.

Sapos wok developmen i karamapim olgeta 80 pesen bilong ol pipel long rurel eria bilong kantri - dispela kantri mas i gat strongpela praivet sekta (ol praivet bisnis). Na tu mas i gat gutpela envaironmen bilong wokim bisnis.

Papua Niugini mas promotim gutpela kain developmen ol i kolim 'sustainable' developmen. Em i wok bilong mipela long lukautim ol bus graun wantaim solwara na abus bilong mipela. Mipela noken bagarapim envaironmen bilong mipela long ol rabis senis. Mipela mas developim gut ol envaironmen bilong mipela long ol gutpela senis, na tu envaironmen bilong mipela noken bagarap.

Mipela mas lukluk moa long plenim ol developmen long gutpela bihain taim bilong ol pipel. Mipela mas sapatim gutpela developmen long ol risoses we bai givim gutpela helpim long ol yia i kam bihain. Ol developmen we i no bagarapim envaironmen em mipela i laikim.

Plantu kantri i bungim kainkain mak bilong wok developmen. Sampela bilong ol dispela kantri i tingting planti na wet long weting rum bilong haus sik bipo long dokta i mas katim ol; sampela i stap namel long bikpela operesen stret nau; na sampela i go pinis long operesen na kisim win nau long fitnes senta.

Dispela wol i wok long senis kwik kwik. Na long mipela, dispela i no wanpela homwok o esesais long applied ikonomiks, applied sosioloji o politikel sains. Mipela mas noken pasim ai na yau na go het na mekim ol senis. Mipela ol lida i mas save olsem ol pilaia mipela i laik traim grisim long bihainim mipela long bringim developmen em i no ol samting nating. Nogat. Em ol pikinini bilong man olsem ol lida, husat i gat driman bilong ol yet, pasin, filings, laik na tingting.

Mipela i mas wok olsem wanpela kantri husat i gat driman bilong wanpela sosaiti we i bihainim wok bilong ol pipel, na i no long plen bilong ol pipel.

Long kamapim: kain sistem, mas i gat gutpela wok bilong gavman, tasol moa gutpela wok mas i kam long ol pipel. Gavman i mas rausim ol pelapa institusen we i no inap long helpim tru mipela. Mipela olgeta mas lukim wantaim olsem nupela sistem i bilong karim kaikai, na bai helpim mipela olgeta.

Narapela 20 yia bai bringim kainkain nupela salens. Sapos mipela i laik bungim ol dispela salens wantaim strongpela bilip, orait olgeta pasin bilong mipela i mas senis. Mipela mas senisim kwik long bungim senis we bai gat planti strongpela salens.

Mi laik tok tu olsem, 20 yia bihain long indipendens, mipela i no kamapim gutpela senis antap long ol dispela em ol namba wan lida bilong dispela kantri i bin kamapim. Samting tru em mipela i wok antap long ol dispela senis em ol namba wan lida i kamapim. Bikos mipela i nogat gutpela driman na save, sistem mipela i bihainim long developim kantri i pundaun nau. Bikos mipela ol politisian na pablik sevian i les long luksave.

Mipela mas lukluk strong olsem nambawan helt kea. Bai mipela ken stapim planti wan hundred pikinini husat i wok long indai long wanwan wik bikos long ol strongpela sik we i nogat marasin bilong stapim.

Mipela mas lukluk long kamapim ol gutpela edukesen o skul, bai dispela kantri i gat inap saveman na savemeri, husat i ken plenim bihain taim bilong mipela wantaim moa gutpela tingting o driman.

Gol bilong mipela i mas lukluk long rurel developmen, yusim rot bilong nambis na long lo na oda. Developmen i mas lukluk long hevi bilong 80 psen bilong ol pipel bilong mipela, na ol hevi em ol i bungim long olgeta wanwan de. Ol dispela hevi i stap i go longpela taim, na nau i kamap bikpela we i shat long stapim.

Bai wanpela man long dispela kantri noken wet longpela aua long kisim PMV o bot we bai no inap kam long kisim sik pikinini bilong em i go long wanpela klinik i stap klostu, we i nogat marasin.

Bikpela samting em mipela olgeta pipel bilong Papua Niugini i laikim em saveman husat i gat gutpela driman na tingting. Ol i mas gat luksave long politik tingting bilong tude, na tanim i go long gutpela developmen plen bilong kantri.

Dispela em i no ol wok bilong gavman, olsem nupela gol main, o namba wan wel bilong mipela. Tasol em ol wok o samting we bai plenim bihain taim bilong mipela, mekim mipela i kamap strong, na gutpela helpim bai go long ol pipel bilong mipela.

Nau yet, ol politisian bilong mipela mas i gat nupela tingting, wantaim ol pablik sevian bilong mipela na olgeta pipel bilong dispela kantri. Mipela olgeta i mas wok bung wantaim, na wokhat moa, wantaim stretpela tingting na lus tingting long ol hevi bilong bipo. Na kisim nupela win, hop na bilip na driman bilong kamapim nupela yangpela kantri bilong mipela.


Long pasin bilong ol waitman, taim bilong man o meri i amamasim 21 krismas, ol i kisim sampela ki we i tok olsem ol i ken opim dua long sanap strong long ol yet nau. Dispela em bihain long 20 yia taim ol i kisim sapat long papamama.

Mipela i mas bihainim wankain pasin nau. Rop long bel bilong mama we i joinim mipela, em mipela mas katim nau na lusim Ostrelia, na ol arapela kantri husat i helpim bilong long mani na wok developmen. Mipela mas muv i go het long ikonomik indipendens. Gutpela taim long statim dispela em taim mipela i amamasim Septemba 16, 1996 we i makim 21 yia bilong Politik Indipendens bilong Papua Niugini.

Taim mipela i amamasim 21 politikel indipendens, dispela i mas makim tu stat bilong mekim Papua Niugini i kisim ikonomik indipendens.

Tenkyu ol pipel bilong mi bilong Papua Niugini. Mi laik tenkim yupela wanwan na tok MERI KRISMAS na GUTPELA NU YIA. Mi askim yupela olgeta long mekim dispela i kamap tru.

HON ROY YAKI, LLB MP
LIDA BILONG OPOSISEN



• Winga bilong Sarry Hawks i nogat rot bilong go taim ol Warriors i blokim olgeta rot bilong em . Warriors i winim dispela pilai.



•Wanpela SK Warriors pilaia i mekim wanpela strongpela ron bilong em egensim ol Sarry Hawks long Unagi Op Sisen lig resis.

Unagi Lig eksen long Niu Yia wiken

OL POTO: Joe Ivaharia



• Sofbal eksen long Lae. Poto: Sape Metta



• Faiv-eit bilong Sarry Hawks i painim wanpela liklik spes long ron egensim ol SK Warriors long Unagi lig las wiken.



•Unagi Lig eksen long krismas na niu yia wiken. Pilai i stap namel long SK Warriors na Sarry Hawks.



• Presentesen bilong ol Blue Kumuls soka klab long Lae. Poto: Sape Metta

LAE
BISCUIT




RAGBI LIG NIUS

LAE
BISCUIT



RULE CHANGES

- All scrums to be set 20 metres from sideline
- Scoring team, try or penalty goal, to restart play with kick-off from half-way line
- No striking by marker in play-the-ball
- Tackled player not allowed to play ball forward
- Unlimited interchange



Buka lig redi long 1995 sisen

OL RAGBI Lig klab insait long Buka i mas stat long redim ol tim bilong ol yet nau wantaim ol samting long klab bilong ol long pilaia long 1995 sisen. Ol Buka Ragbi Futbol Lig eksekutiv i bin pasim toktok pinis olsem pilaia bai stat hariap long Januери yet.

Ol i laik stat hariap yet long Januери yet long wanem i gat planti samting tru bilong mekim long pilai na trening em olgeta yet i stap insait long program bilong Papua Niugini Ragbi Futbol Lig (PNGRFL).

Buka lig husat i afiliet wantaim PNGRFL i laik mekim dispela bai ol nesenel selektas i ken lukluk na makim ol pilaia bilong ol long pilaim ol intanesenel pilai na tu ol nesenel pilai.

Sampela ol bikpela samting i stap long het bilong ol lain long Buka lig long dispela yia em Niugini ailen skwat em ol bai makim long pinis bilong Januери, Nesenel 9's resis, supa lig promosinel pilai, Cambridge sempionsip, Junia Kumuls bai go raun long Australia long mun Ogas na Kumuls bai go long Nu Silan long Oktoba.

Ol klab husat i pilai long Buka Ragbi Lig resis em Newtown, Tsitalato Warriors, Halia Muruks, Hago Eagles, Haku Hawks, Brothers na North Wset Rangers.

Supa Lig senisim 5-pela rul bilong pilai

OL kantri husat i stap aninit long supa lig bai bihainim 4-pela nupela lo bilong pilaia em ol lain bilong Supa Lig Bod i bin mekim. Dispela 4-pela lo bilong pilai em bai mekim pilai long ron hariap na bai stat long 1996.

Dispela nupela Supa Lig Intanesenel Bod i bin tokorait long 5-pela nupela senis em ol biknem kosa na pilaia i bin tokaut na olgeta lain husat i stap aninit long supa lig bai yusim dispela ol senis long pilai.

Ol senis bai kamap long pilai bilong Supa Lig long neks yia em:

● Olgeta skram we i save kamap long sait lain bai i mas surik i go insait 20 mita long saitlain na i no 10 mita.

● Tim husat i skorim poins bai statim pilai long namel bilong pilai graun.

● Maka bai i no nap rausim bal long pilaia husat i pilaim bal.

● Man bilong pilaim bal i no nap tapim bal i go fowat.

● Bai i gat planti pilaia bilong stap risev long senisim ol narapela.

Nupela supa lig siaman Maurice Lindsay i bin tokaut long ol dispela lo senis i go long wanpela kibung wantaim ol niusman.

"Mipela i gat bikpela bilip tru olsem dispela ol senis bai mekim wanpela bikpela samting tru we i ken amasim ol lain long pablik," Lindsay i tok.

"Setim ol skram 20 mita

longwe long saitlain bai mekim pilai i ron strong na dispela bai kamapim gutpela pilai tru."

"Mipela i pilim olsem rausim bal long taim man i pilaim i no gutpela we sampela taim i save bringim penelti na i no gutpela tumas.

"Pilaim bal i go fowat em mipela i lukim olsem i no gutpela tumas long kamapim gutpela open pilai namel long ol pilai.

"Na tim husat i skorim trai, penelti o fil gol i mas statim pilai na kik op we dispela bai mekim olgeta pilaia na tupela tim wantaim i gat gutpela sans long kik.

"Wanpela tim i putim trai long tupela minit bipo long

fultaim, em bai givim pens long narapela tim long bekim bek. Em i wantaim samting na i nogat wanpela samting i rong wantaim dispela.



Supa lig referi Graham Annesley i tok olsem ol senis ya em i liklik tasol.

Long ol narapela samting, Lindsay i kros nogut tru long ol toktok nogut i bin kamap olsem Supa Lig husat i gat Tonga, Westen Samoa. Fiji na Cook Islands i wanpela doli bilong News Limited.

"Dispela olgeta toktok i rabis. News Limited i no kontrolim wok bilong mipela na mipela yet i save long wanem hap bai mipela i go long em," Lindsay i tok.

Moa poto bilong Blue Kumuls soka klab presentesen long Lae

Ol poto: Sape Metta



SOKA NIUS



▣ Presiden bilong Transpot Soka Klub, Robert Pohori (lephan) i sekan wantaim man i makim Consort na Lutheran Shipping, Kingsley Henao long taim bilong givim yunifom. Tupela pilaia tu i sanap na lukluk. *Poto: James Kila*

Kosa makim skwat mas bihainim gem plen - Posman

PASIN bilong kamapim seleksen komiti long soka i no gutpela bikos long bipo dispela sistem i no bin wok gut. Biknem soka kosa, Posman Kisakui i tokaut long dispela wik.

Long bipo, soka skwat bilong PNG i no gat gem plen na sistem bilong bihainim.

Ol i save pilai bihainim wanem kain stail na save wanwan i gat long pilai.

Dispela em bikos seleksen komiti i makim kain kain pilaia we ol i save long ol na kosa i bungim ol tasol na givim trening we i sut tasol long pisikel fitnes na ol i save tekov long ol ovasis tonamen.

Posman i tok dispela sistem bai i no inap wok gut bikos nau olgeta kosa i save gat gem sistem o tek-

tikel gem plen bilong ol yet. Olsem na sapos seleksen komiti i makim kain kain pilaia i kam long skwat, kosa bai hatwok tru long trenim olgeta long bihainim gem plen bilong em.

Posman i tok long skwat bilong em las yia taim ol i go pilai long Saut Pasifik Gems long Tahiti, em i gat gem plen bilong em.

Olsem na em i makim ol pilaia husat bai pilai bihainim stret dispela plen. Em i lukluk insait long ol klap husat i save pilaim kain stail we em i gat long tingting.

Long dispela as, em i bin makim moa pilaia long Yunivesiti na Rapatona. Sapos arapela klap tu i bin pilai long kain plen em i gat, em bai makim ol pilaia tu long dispela klap, em i tok.

YAKAM KELO i raftim

Em i tok dispela em wanpela samting olgeta kosa i save gat long tingting. Ol i mas gat gem plen bilong ol pastaim, na ol i mas i gat sampela ki pilaia long tingting bilong ol pastaim. Na bihainim ol i ken mekim seleksen na makim arapela tu i kam insait long skwat. Ol dispela ki pilaia bai go pas long gem plen bilong kosa na arapela bai bihainim ol long strongim plen bilong kosa, Posman i tok.

"Long painim tupela top pilaia na putim long skwat bai i r.o inap wok. Bikos kosa i gat gem plen pinis na no gut bai dispela plen bilong kosa i ken senisim stail bilong dispela pilaia".

Em i tok narapela tenis tu em sapos wanpela gutpela pilaia tru i stap long skwat, bai kosa i traim long mekim nupela plen gen we em bai wokim plen bilong gem bihainim gem bilong dispela top pilaia. Posman i tok ol kosa i no save lukluk long makim ol top pilaia. Ol i save makim ol pilaia husat bai kamapim wanpela tim. Makim ol top pilaia na makim tim i no wankain samting, em i tok.

"Kosa i gat sistem bilong pilai na em i gat sampela pilaia pinis long het bilong em husat i ken pilaim dispela sistem. Bihainim, em bai makim arapela long sapatim ol lain ya long mekim sistem ya i wok".

"Long Ingran, Glen Huddle bilong Tottenham em wanpela top midfilda long 1980 i kam. Tasol em

i no save stap long fainal skwat bilong Ingran bikos em wanpela i no inap senisim gem plen bilong kosa. Tasol sapos em i stap long Jemeni, kwiktaim bai em i stap long skwat bikos gem plen bilong Jemeni bai bihainim pilai bilong em".

Posman i tok dispela olgeta samting i bihainim sistem, tektikel ogenaísesen na ogenaísesen futbal. Sapos kosa i no gat sistem, em bai stap bihainim tru long redim skwat bilong em. Olsem na kosa tasol i mas wokim skwat bilong em bihainim olgeta samting em i tingim long mekim. Na em bai askim long husat arapela long helpim em.

Seleksen komiti bai bagarapim na paulim sistem bilong kosa, em i tok.

PNGFA mas bihainim stretpela rot long mekim nem

PAPUA Niugini Futbal Asosiesen i mas stretim gut ol samting bilong nesenel tim bipo long ol i toktok long go stap pilai long ol bikpela tonamen long wol, wanpela biknem klab opisal i tokaut.

Presiden bilong Momase soka klab long Mosbi John Manau i

tokaut long dispela olsem taim nesenel bod i wok long toktok long salim wanpela tim i go long ol bikpela tonamen bilong FIFA Inta Kontinentel Kap long Saudi Arabia-Nesenel tim bilong Papua Niugini i mas mekim nem bilong em yet

insait long Pasifik pas-taim.

"Mipela i no nap kamap bikpela hariap na mekim nem bilong mipela nau tasol. Mipela i mas bihainim olgeta liklik rot long go insait long ai bilong ol narapela kantri.

Wanpela rot bilong mekim soka long kantri

i kamap bikpela, nesenel bodi mas invaitim ol narapela pasifik kantri i kam na mipela i go pilai wantaim ol tu."

"PNGFA i mas traim long mekim dispela geim i kamap bikpela we bai yumi ken mekim nem bilong yumi yet

long ol bikpela tonamen bilong wol.

Manau i tok olsem em i bikpela taim nau PNGFA i opim dua bilong em na kamapim ol gutpela resis wantaim yumi na ol narapela kantri insait long Saut Pasifik. "Long nau yet ol dua i pas na yumi no nap mekim yumi yet

i kamap bikpela long yut level na tu long klab level.

Manau i mekim dispela toktok bihainim singaut bilong Napoleon Liosi husat i tok olsem wansait pasin i mas pinis sapos yumi laik mekim nem bilong yumi yet long wol.

6-pela ol weitlifita bai go long Apia

SIXPELA Papua Niugini weitlifita bai makim kantri long Telstra Osinia na Saut Pasifik sempionsip long Apia, Westen Samoa long dispela yia. Dispela resis bai ron long Mas 27 i go inap long Mas 30 long dispela yia 1996.

Ol weitlifita husat bai makim Papua Niugini em Andrew Bolong(54kg divisen) na Ari Danny (59 kg divisen) tupela wantaim bilong Lae, Philip Jikonai(64 kg) na Paul Eruki (83kg) bilong Pot Mosbi na Pembu Kusse bilong Kimbe long 70 kilogrem divisen wantaim Peter Kilapa.

Kilapa i no longtaim i go pinis i bin winim wanpela skolasip bilong go kisim moa trening long wanpela spot Instituit long Australia. Dispela i stap aninit long 5-yia developmen plen bilong Papua Niugini Sports Federesen.

Na ol lain husat bai i go wantaim ol 6-pela ya em bai wanpela kosa wantaim tim menesa. Nau yet Iwilla Jacobs i kisim wok pinis olsem kosa tasol ol bai mekim disisen yet olsem bai kosa bilong Hagen Alex Lemale i kisim o kosa bilong Mosbi D. Mea long go wantaim tim.

Ol narapela risev husat bai i no nap go tasol nem bilong ol i stap sait tasol em Jeff Robby na Geno Bau.

Papua Niugini Weitlifiting Federesen Presiden Frank Robby i tok olsem ol tripela risev ya em ol i putim nem bilong ol tu i go insait long 5-yia developmen program em Osinia Weitlifiting Federesen yet bai kamapim ol dispela samting.

Robby i tok olsem ol tripela weitlifita ya em ol lain bilong PNG long bihain taim na sapos ol i kisim gutpela kain trening nau em bai namba wan stret. Dispela program em i bekim bek plen bilong Nauru long yia 2000 em Nauru Weitlifiting Federesen yet i kamapim. Dispela program bilong ol em long kamapim planti ol yangpela weitlifiter long resis long 2000 Olyimpiks geim long Sidni.

As tingting bilong ol lain long Nauru em long kamap namba 15 ples insait long wol sempionsip na dispela bai i ken mekim ol i putim 6-pela weitlifiter olgeta i go insait long 2000 geims.

Soka nogat gutpela menesmen-Mommers

OKA insait long kantri i wok long kamap gut tru na planti man i wok long pilai gut tru nau tasol wanpela samting em i nogat gutpela menesmen bilong ronim dispela pilai.

Presiden bilong Papua Niugini Futbol Asosiesen Peter Mommers i tok olsem dispela spot i wok long develop gut tru long daunbilol yet i kam inap inap nau na wanpela gutpela piksa em gutpela tonamen bilong PNGFA Kap we i bin kamap long mun July.

Lukluk bek long 1995 sisen, Mommers i tok olsem i gat planti wansait pasin i save stap long soka menesmen we dispela i save mekim na ol selekta i save makim ol feveret pilai bilong ol na i no makim gutpela pilai bilong dispela dei.

Em i tok olsem ol selekta i no ken makim gutpela tim tasol ol i mas makim wanpela namba wan tim bilong yumi we ol yangpela husat i save gut tru long dispela pilai i mas stap insait we

RODNEY KAMUS i raitim


em i tok moa olsem sam-pela ol pilai ol i makim ol i no save amamas long makim Papua Niugini.

"Sapos yu makim kantri, yu olsem wanpela pilai na menesmen i mas wok hat tru na painim ol gutpela rot. Mipela i no ken mekim nius long ol pilai husat i no nap disiplinim ol yet long taim ol i makim kantri," Mommers i tok.

Mommers yet i tok olsem planti ol soka pilai husat i makim kantri long Saut Pasifik geims i no kisim gutpela disiplin long tim menesmen bilong ol.

"Wanem samting i bin kamap i no sapos long kamap sapos menesmen i disiplin.

Em i tok olsem long dispela yia bai i gat wanpela 5-pela man seleksen penel bai stap long makim ol pilai bilong go long intanesenel ol pilai stat long junia i kam antap olgeta long ol sinia man na wimens divisen.



□ Momase fulbek Albert em i gat pawa long kikim bal. Momase em i wanpela tim long Mosbi primia divisen resis.

Na tu wanpela wimens kantri i go long Polynesian skwat bai ol i makim long Kap long Tonga long mun Madang we ol bai makim Julai.

BusinessPhone advantage

**EMI NO BIKPELA
MONI TUMAS LONG
KISIM NA TU BAI
YU HAMAMAS LONG
USIM TELIPON**

*Dispela
Bisnis
Telipon yu
ken putim long
ol liklik opis o long
wanwan haus bilong yu tu.*



Isi tru long usim rot bilong bisnis telipon na bai halivim yu long wei bilong wokim bisnis kamap strong na gutpela tru.

ROT:

4 pela telipon lain na 16 pela ekstensin.
Pon igat piksa
Pon yet i toktok
Hanfri olgeta
Kibung toktok
Pasim toktok
Dailim las namba

Toktok long olgeta pon long wanpela taim.
Sotwei long dailim namba.
Pon i gat kilok wantaim alam na Kalkuleta.
Noken ringim em.
Musik i karai.
Duo Pon.
Soim lait long pon.

ERICSSON



TELEPHONES THAT MEAN BUSINESS

Croton Street, Hohola
P.O.Box 5602, Boroko,
Papua New Guinea.

Ph: 25 6566 Fax: 25 4445

OL SPOT DRO

PORT MORESBY CRICKET ASSOCIATION WEEKEND DRAW FOR ROUND 11: A, B&C, ROUND 9: WOMEN, U17

Saturday January 6, 1996.

A Grade					
10:30am	Colts	vs	Raukele	Colts	U. Vai
10:30am	Hoods	vs	Kempa	A/Park	G. Rarua
B Grade					
01:00pm	Mobil STC	vs	Raukele	STC	MSTC L. Leka
01:00pm	Elcom	vs	Colts	Nomads	Colts R. Ipi
C Grade					
01:00pm	Mobil STC	vs	Raukele	Uni	Raukele B. Baroa
01:00pm	Hoods	vs	United	HMS-2	United D. Udu
Womens					
08:15am	Raukele	vs	Hoods	Uni	Raukele B. Baroa
08:15am	P/porena	vs	Colts	Nomads	Colts H. Stevens
08:15am	Kempa	vs	United	HMS-2	United A. David
Under 17					
08:15am	Hoods	vs	Poreporena	Rules	P/porena N. Alu
08:15am	United	vs	Mobil STC	STC	MSTC P. Moide

Sunday January 7, 1996.

A Grade					
10:30am	P/porena	vs	Elcom	Colts	Elcom R. Ipi
10:30am	United	vs	Mobil STC	STC	MSTC F. Baroa
B Grade					
01:00pm	P/porena	vs	Kempa	HMS-2	P/porena T. Raka
01:00pm	Hoods	vs	United	A/Park	Hoods W. Maha
C Grade					
01:00pm	P/porena	vs	Kempa	Uni	Kempa K. Kila
01:00pm	Elcom	vs	Colts	Rules	Colts M. Kapi
Womens					
01:00pm	Keleone	vs	Mobil STC	Nomads	Keleone B. Leva
Teams on Bye: U/17 - Elcom					
Women- Elcom					
B & C - Keleone					

Reminder: All score books to be in at W. Maha's office by 4.00pm on Monday

PORT MORESBY WOMENS SOFTBALL ASSOCIATION DRAW

Saturday January 6, 1996.

Match No.	Time (am-pm)	Grade	Diamond One Game	
1	08.00			
2	09.30	B	Dolphins vs	Norths
3	11.00	AR	Royals vs	Tarangau
4	12.30	C	Dolphins vs	Bullets
5	14.00	A	Norths vs	Royals
Diamond Two				
1	08.00	C	Wantoks vs	PNGBC
2	09.30	B	Exodus vs	Gazelle
3	11.00	AR	Fujitsu vs	Exodus
4	12.30	B	Yokomo vs	A/Stars
5	14.00	A	Karanas vs	Fujitsu
6	15.30	A	Yokomo vs	A/Stars
Diamond Three				
1	08.00	C	Garamut vs	Karanas
2	09.00	B	Admiralty vs	UPNG
3	11.00	AR	PNGBC vs	Mazda
4	12.30	AR	Admiralty vs	Malagan
5	14.00	A	Mazda vs	Gazelle
6	15.30	A	Malagan vs	Wantoks

Warriors
wilwilim
Kiki
Rocks

UNAGI LIG RIPOT

PETER KURA i
raitim

UNAGI op sisen lig long krismas na niu yia wiken i no kisim malolo liklik na long Sande, klostu long niu yia, tupela bikpela pilaia i bin kamap long dispela pilai graun bilong Discount Mart.

Oi Boi nogut bilong Wara Sua Eels i pilaia na kirapim das wantaim ol 8 Mile Youths long pilai graun namba 2 na ol boi nogut bilong Kiki Rocks i traिम bun wantaim ol Warriors long pilai graun namba 1.

Tupela pilai wantaim ya i strongpela stret we planti manmeri tru i bin kamap long lukim dispela pilai.

Long beklain bilong ol Warriors em Mikes Kool, Maima, Johnny, Simion Benny na Michael Kuble i mekim ol gutpela na strongpela ron tru long olgeta kona long beklain.

Na dispela i bin wankain tu long fowat lain bilong ol em Dolba Hawks na skipa Johna Nuabo i waraim Kiki Rocks 28-0.

Na long pilai graun namba 2, ol Malio nogut bilong Wara Sua Eels tu i kirapim das long hap na waraim ol boi 8 Mile. Kepten na lok fowat bilong Wara Sua Eels Peter Sterlo, Rex Gaima Jrn, Ben Nul i banisim gut tru ol boi 8 Mile na long beklain bilong ol senta bilong ol Peter, Aimos Sine na Paul Sine i wokim gut tru bal wok na waraim ol 8 Mile 19-0 long pinis bilong dispela pilai. Dispela tupela tim ya ol boi Warriors wantaim Wara Sua Eels bai lukiuk long fainels bilong ol long neks wik.

Pepsi op sisen statim raun 2 long dispela wiken

BIKPELA op sisen lig long Mosbi Pepsi Op sisen resis bai stat gen long dispela wiken wantaim raun 2 bilong em bihain long liklik malolo bilong krismas.

Na long dispela wiken, bai i gat ol sampela gutpela pilai tru bai kamap long Sarere na Sande wantaim.

Long Sarere, long Kaugere pilai graun long namba 4-pilai, Vabukori husat i stap long namba 18 ples bai traिम bun bilong ol yet wantaim ol Fairfax Brothers husat i sindaun long namba 7 ples.

Vabukori Moskito i winim wanpela pilai tasol insait long 6-pela geims ol i bin pilaim.

Oi Moskito husat i bin winim laspela pilai bilong ol long taim lig i bin go malolo i redi gut tru gen

PEPSI OP SISEN LIG RIPOT

KENNEDY EDENE i raitim

long winim husat tim i kam long rot bilong ol.

Oi mangi long Vabukori i luk olsem ol i bin kisim bek pinis strong bilong ol taim ol i winim laspela pilai bilong ol egensim Bese 30-14 i luk olsem ol bai paia hat tru nau.

Kosa bilong Vabukori Moskito Max Mea i tok ol senis em bin mekim wantaim tim bilong em i kamap gut tru.

Em bai strong long ol fowats bilong em olsem Alu Kila, Jacob Karikara, Havila Turia, Tom Kovai long pilaim bal i go antap na long beklain em bai Sam Charlie long

hapbek, Max Ive faiv-eit Hasu Tau, Taisi Ova na tupela winga Paul Stein na David Moi long kamapim strongpela banis tru na atek tu wantaim.

Long sait bilong ol Fairfax Brothers ol bai no nap givim wanpela sans long birua bilong ol. Ol i gat ol gutpela pilaia olsem Jim Gabriel, Daure Patrick, Gerard Igo na Lohia Haraga bai sanap strong tru egensim ol nil bilong Moskito.

Na Noah Gagoa(hapbek) na Gabriel Lohia bai strongim beklain bilong ol na traिम long skorim sampela trai tu na strongpela fulbek bilong Kevin Rarua long fulbek ba strongim sapot

bilong ol long wanem em i gat spit na kamap olsem wanpela winga.

Narapela gutpela pilai bai kamap long Sande em namel long Hohola Flies na Poreporena. Oi Flies i laikim gut tru dispela win bilong ol na sapos ol i pilai strong moa yet, ol Flies i ken winim dispela pilai isi tasol.

Long nius bilong lig, tupela tim Kaugere Bulldogs na Sub-Siti Raiders i no lusim wanpela pilai bilong ol yet. Tupela tim ya long dispela wiken bai bungim ol isi pilai egensim Bese na Waigen.

Long ol narapela pilai, Poimo Sharks bai bungim Erom Tigers, Freway Tigers bai traिम Kaugere Bullets na Gabi Warriors bai traिम Hino Inau.



Oi Edukesen traिम bun

□ Edukesen soka tim bilong Mosbi Pablik Sevans Soka resis. Oi i bin lus 1-2 egensim ol NBC long las wiken.

Bundaks nekim Bullets long Jen tonamen

WAU BASKETBAL RIPOT

ARI GUH DANDEE i raitim

ol i bin pilaim ol narapela tim long wanpela wik olgeta.

Tasol taim pilai i kam kamap long grenfainel, pawa bilong Bundaks i moa yet na ol i nekim ol Bullets. Planti ol pilaia bilong ol Bullets i kisim taim stret long han bilong ol Bullets. Tupela top pilaia bilong ol ol Bullets

Ngalengoh na Tamu i bin gat planti sans long putim ol basket long wanem ol meri bilong Bundaks olsem Mendy, Jenny, Polica i bin banisim gut tru, tasol ol Bullets i kisim planti skoa i kam long han bilong Margaret Wei em bin skorim tim bilong em i stap long 17 na Bundaks 24 long hap taim.



Bullets i kam bek strong tru long namba tu hap bilong pilai wantaim planti gutpela basket tasol ol Bundaks i givim ol bikpela presa long ol kain meri olsem Mendy, Saugas, Jenny na Ruthy long daunim pawa bilong ol.

Mendy husat i toktok planti na kontrolim pilai bilong ol wantaim ol pilaia bilong em i mekim bikpela wok tru na i halvim moa pilaia bilong em long skoa.

Kain ol pilaia olsem Colleen bilong Bullets i kamapim ol strongpela skoa long sait bilong em na hapim skoa bilong ol long namba tu hap bilong pilai i go antap long 37 na Bundaks 43.

Dispela Jen tonamen i bringim olgeta pikinini bilong Bulolo long Wau, Bulolo long Lae na Mumeng wantaim asples Bulolo long lukim pes na pilai wantaim long amamas.

WANTOK SPOT



Vipers bai pilai long Sidni Wol Sevans

RODNEY KAMUS I
raitim

POT MOSBI Vipers long dispela yia bai stap insait long Coca-Cola Wol Sevans ausait resis long Australia long dispela yia. Dispela em i wampela bikpela pilai tru bilong sevans resis na Mosbi bai makim kantri long dispela resis bilong Australian Ragbi Futbol Lig.

Na dispela taim em bai namba tri taim bilong Vipers long kamap long dispela resis bilong ARL em ol i save kamapim bipo long sisen i stat.

Long las tupela yia ol Vipers i no pilai long dispela resis long wanem Papua Niugini Ragbi Futbol Lig (PNGRFL) i laik salim wampela strongpela sait we i makim kantri i go long dispela resis.

Tasol dispela nesenel tim husat i go daun long pilai long wol sevans i no strong tumas na kamapim gutpela pinis olsem ol Vipers i save mekim long tupela yia i go pinis. Vipers i bin go olgeta long semi fainel bilong kap we ol i lus long Canberra Raiders.

Maski ol Vipers i lus, ol i bin pilai hat tru na lusim dispela pilai tasol long strongpela pilai bilong ol, ol i kisim awot bilong tim bilong yia.

Long dispela tripela yia bilong ol we ol i stap na pilai, ol Vipers i save soim kainkain stail bilong ol long pilai wantaim bal na ol lain long dispela tonamen i save laikim tru pilai bilong ol.

Dispela Vipers sait em ol i kolim nem bilong ol pinis bai kamap long Sidni na pilai long dispela wol sevans tonamen na planti husat i stap aninit long Sentrel Lig na Vipers sait i kisim selekt-sen pinis long go pilai long Sidni.


Ol bai kamap long pilai long wanem ol i lusim PNGRFL na joinim Kwinslen Ragbi Lig resis em i stap aninit long ARL olsem na ol i kisim dispela sans long pilai.

Dispela Coca-Cola Wol sevans resis em bilong ol tim i stap long ARL kompetisen na PRL husat i stap wantaim QRL i kisim invaitesen long go na pilai long dispela tonamen long Februeri 3-4.

Dairekta bilong Wol Sevans tonamen Colin Love i tok olsem em i amamas tru long singautim ol Vipers gen



Ol Vipers i amamas taim ol i nekim Goroka Lahanis long winim Inta-siti Kap long 1994.



Ol Vipers team bilong Mosbi ... ol bai go pilai long Sidni Wol Sevans.

long dispela resis bilong dispela yia.

Ol lain bilong ogenaisim dispela tonamen yet bai baim olgeta rot bilong ol long go na kam, ples bilong silip na kaikai wantaim. Em i tok olsem long wanwan tim bai gat 12-pela man. 10-pela pilaia, wampela kosa na wampela menesa.

"I gat bikpela prais mani tu i stap long ol tim husat i win long ol pilai bilong ol na tu sapos ol i winim grenfainel." Love i tok.

Ol lain Vipers husat em ol bai makim ol em nau yet ol i stap long trening skwat em ol i kisim long Sentrel Ragbi Lig na Mosbi Ragbi Lig.

Long ol narapela stori, PRL bai statim resis bilong em long Februeri 17 na resis bilong ol bai gat 10-pela tim olgeta husat i stap nau yet long dispela kompetisen.

Ol 10-pela klab ya em Magani, Kone Tigers, West, Tarangau, Brothers, Defence, Paga Panthers,

Royals, Souths na Post Pumas.

Prisen bilong ol bai ron inap long tupela wik olgeta na bihainlong mun Mas 2 bai pilai tru em sisen propa bai kamap.

Memba sip long PRL klab haus i op gen em nupela memba sip fi em K150, K50 bilong ol meri na K10 bilong ol pikinini aninit long kris-mas bilong 18 na K100 long mekim gen olupela memba sip bilong yu.

UNAGI OP SISEN RAGBI LIG DRO

DRAW GAME 16
ROUND 2
SATURDAY 20-1-96

TIME	FIELD	TEAMS	VS
10.00	1	Saraga	vs Wara Sua Eel
10.00	2	Kiki Rock	vs 7 Mile Jets
11.00	1	5 Mile Nogats	vs D/Brothers
11.00	2	Shark	vs SK Warriors
12.00	1	SNJ3	vs Gono Nomads
12.00	2	Sarry Hawks	vs Siane
1.00	1	Gordon Ridge	vs 8 Mile Youth
1.00	2	4 Mile Youth	vs Koko Fox
2.00	1	Kipo Tigers	vs Spiders

B GRADE

2.00	1	Sarry Hawks	vs Siane
3.00	2	Kiki Rock	vs 7 Mile Jets
3.00	1	Saraga	vs Wara Sua Eel
4.00	2	SNJ3	vs Gono Nomads
4.00	1	Sharks	vs SK Warriors

Saturday 21-1-96
B Grade

10.00	1	Gordons	vs 8 Mile Youth
10.00	2	5 Mile Nogats	vs D/Brothers
11.00	1	4 Mile Youth	vs Koko Fox
11.00	2	Kipo Tigers	vs Spiders

A Grade

12.00	1	Sarry Hawks	vs Siane
12.00	2	7 Mile Jets	vs Kiki Rock
1.00	1	Shark	vs SK Warriors
1.00	2	5 Mile Nogats	vs D/Brothers
2.00	1	4 Mile Youth	vs Koko Fox
2.00	2	Kipo Tigers	vs Spiders
3.00	1	Saraga	vs Wara Sua Eel
3.00	2	SNJ3	vs Gono Nomads
4.00	1	Gordon/Ridge	vs 8 Mile Youth

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.